


Литература Дагъистан

16+

# Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



*Расул  
БяхІяммадовлис*

2/2017

МАРТ-АПРЕЛЬ

*Мудбараккуруму!*





# Гьалмагъдеш



ЛИТЕРАТУРНО-ХУДОЖЕСТВЕННЫЙ  
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство печати и информации РД

---

БЕКІ РЕДАКТОР  
Мурад ГІЯХІМАДОВ

ЖАВАБЛА СЕКРЕТАРЬ  
Т. ЗУРГЪАЛОВА

РЕДАКЦИЈЛА КОЛЛЕГИЈА  
ХІ. Къурбанов (журналла редактор)  
Къ. Мигърабов  
Т.Сягидов

ЖАМИГИЯТЛА СОВЕТ  
А. Гябдулманапова  
М. Хіяжиев  
И. Ибрагъимов  
Ш. МяхІяммадов  
Х. Хіябибова  
Х. Юсупов  
И. МяхІяммадов

2  
2017

март - апрель

---

КІел базили гъачам  
дурабулхъан

Выходит один раз в два месяца

1952 ибил дуслизиб  
акІахъубси саби

Журнал основан в 1952 году

Государственное бюджетное учреждение  
Республики Дагестан “Редакция республиканских литературных  
журналов “Соколенок” и “Литературный Дагестан”.

<b>ПРОЗА</b>	
Къясум-Бег МИГЪРАБОВ. Шахли дигубти къар.....	3
<b>ПОЭЗИЯ</b>	
МяхИяммад ХИЯЖИЕВ. Сагали делкунти.....	15
<b>ПРОЗА</b>	
Ибрагъим ИБРАГЪИМОВ. Цализиб ва хилизиб.....	19
<b>НУШАЧИВ ГЯХЛАДЛИ</b>	
Сугури УВАЙСОВ. Сатирала назмурти.....	28
<b>ПРОЗА</b>	
Хадижат ХИЯБИБОВА. Дигай – гЯжаибси цакъ .....	32
Набигулагъ СУЛАЙБАНОВ. Гъанбикунти.....	40
<b>ДУРХИНАС</b>	
Тавсултан СЯГИДОВ. Гядусра Халидра.....	44
<b>ЧИЛРА ВА СЕЛРА ХЪУМАРТУРЛИ АХИЕН</b>	
Нурулгъуда РАЖАБОВА. Хябалра узи.....	48
<b>ДАГЪИСТА ТАРИХЛИЗИБАД</b>	
МяхИяммад ТАХСУРМАНОВ. Хабарла чекист.....	59
<b>РАСУЛ БЯХИЯММАДОВЛИС - 85 ДУС</b>	
Расул БЯХИЯММАДОВ. Хабурти .....	66
<b>САТИРА ВА ЮМОР</b>	
Хяйиб КЪУРБАНОВ. Диштлати хабурти.....	78
<b>КРИТИКА ВА БИБЛИОГРАФИЯ</b>	
Гябдулла ВЯХИДОВ. Ибрагъим Ибрагъимовла устадешличила.....	81
Дагъиста халкъла поэт	
Аминат ГЯБДУЛМАНАПОВА. Учитель ва писатель.....	90
<b>ФОЛЬКЛОР</b>	
Гябдулкъадир МЯХИЯММАДОВ. Буралаби. Хяйкубти.....	95

---

Регистрационный номер ПИ №ТУ05-00369 от 23. 12. 2016 г.  
Выданный управлением Роскомнадзора по Республике Дагестан.

**Типография:** Издательский дом “Дагестан”.  
**Адрес типографии:** 367018, РД, г. Махачкала, пр. Насрутдинова, 61

**ГЪАЛМАГЪДЕШ № 2 2017 г.**

*На даргинском языке*

Выход в свет 28.04. 2017 г. Тираж 396 экз.

Заказ № 0405 Цена свободная.

**Редакция и издатель:** Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.  
**Адрес редакции и издателя:** 367000, РД, г. Махачкала, ул. Даниялова, д. 55.

**Электронный адрес редакции:**  
litdag@mail.ru

# Проза

Къасум-Бег МИГЪРАБОВ



## ШАХЛИ ДИГУБТИ КЪАР

*(Хъарахъуд)*

ГІямруличи хІерхІеили, умутчевли лехІихъуси, верхаэсли гъайикІуси хІечи ну разилира, Хатир. УркІилизиб разидешла гъав мицІирбирули саби, сецад бусули биалра... Сагати назмурти агарав? – Нурисламла дяхІличиб разидеш сабри, ил хІекъли ихтилат бемжахъес, тамай уркІи гъаргбарес ва юлдашлира ил секІал барили дигусигъунари.

– Гъугу, дуэс белкІаначила гъай... ХІуни балулрив, Нурислам, ишди зугІлуми селра ахІен, хІятта нуша лукІутас илди мягІничертили се заманалра кавлуги диалра. Гъарли-марси децІ ва илала къутІкъудеш иргъуги – гъамси, левгІев ахІерси аркъухІели сари. бегІла ахІерти жан даимлис аркъухІели.. – Илини чеб-чебудуси, мурхъси гъигъбушиб. Нуни гІяхІцад назмурти делкІунра нешличила, амма цалра илис хІебелчІунра къалли. Сунела вегІебш, селис делкІунтирил хІебалас?.. Селис...

– БелчІенгу, юлдаш, уркІи паргъаталра биэснугу. Нуни балулра илала чеди хІела цархІилтира зугІлуми лерли...

Хатирли бицІибси пигъала касиб, амма иличи хІерцун визурли, паргъатбариб, гІур вехІихъиб:

**ВакІилра сагали ну  
БегІгала махъилизи,  
Иш дунъяли бяхъили,  
Саби ил агъилизиб.**

**Хамлирав, вархилирав?  
Агъ, сен камли вашулрал.  
Нешра виштІахІеливан,  
Хъа гъалар хІерургулра.**

**БучІуси чарпайличир  
Сари ил излумазир,**

**Сен риалра, ацІасли,  
Ветихъус хъябруцлизив.**

**«Изулира, вайтІара!»  
Или, ил цІумхІерулхъан.  
Дила аги, арадеш  
Багъес ил суалрулхъан.**

**Нешла гъайла вичІлиуб  
Иргъис тІама къибкъяла.  
Ну чуйнара вирцибси  
Аргузе чух... жи къялла...**

Тпахъа – урунжла шинни  
Ицис дяхІ, милги ихъис.  
Аязбарисси урчи  
Аттагайкад гъабирхъис.

Бамсриихъис кайили  
Бурдисси къарбутличи.  
Хъулиб нешли кабирхъу  
Наб халдари буртличил.

Ца манзил чяхъин биру,  
Пикрума гъаргъдешличил.  
Илди делкІес кайрус ну  
ЧяллабегІ чирагъличил.

Иша чуйна вакІасра,  
ЛукІусира цараван.  
Дугили сунна кІана  
ТІинтІбиру наб кІапІиван.

Дугила кІапІрала жуз  
Убра белкІунра нуни.

Илди далуйти чуйна  
ДелчІунал наб кІанралаи.

Чум агиличи буршул  
Артузай сунна аги.  
Дунъя ишабван лехІси  
Биалри, баги аги...

Лерил жай ну валулла,  
Укъяслира чинавахІ.  
ХІера сен жибикулил  
Унрала хя КъарабахІ.

Гамушра балли нешла  
ХІербикІар дигиличил.  
Бизиси се бирусив  
ГІур илала ниъличиб?

Дила ши – ЛехІси ВатІан,  
БегІтала улгу лебси.  
Ил дунъя лебси нуйчив  
УргІергар талихІчевси...

Таманбарилли назму, илини бекІ гІяшбуциб ва, децІагисси гІулухъаван, руржахъули хъуцІруми, гІязизли симкъухъун. – ГъанхІебикиб ишкъяйда гІядабли бирар или. ЛерхІели, гъайгъайра, декІар-декІарти агурби дири, нешла тІабигІят къиянсири, амма тамашали нуша дигуси, илди диги селрайчир черяхІли чедиули, ил секІал нушани хІебалусиван, замана-замана гъанхІебушили хІеруи. Дигахъи мурталра нуша-гъанни къайгъилизир риес, нушала вяшатІала сунела хІерлиур дихІес. ХатІариркулира рири, амма ил секІал бетарусира уркІилизирти зурбати диги багъандан сабри...

Гъалавван, вакІибхІели шилизи, вякъунра иличи. ЛехІси бяргІибси цІелда. Мармарла цІудара къаркъа. Жагаси кари-хІяб. ВирххІеэси сурат сабри: даим саремцІурси, безиагарси нешра, ил бяргІибси цухбизурси хІябра... лехІли ва ванзали чекабуцили.

ВирххІеэси аги сабри... Ну пикриухъунра: се дирути къайгъни, ум-цІлаби, къавгъа, эгер гъар секІал ца гъигъла манзиллизир, ил тІашбизалли – гъигъ, мягІниагардиубли, кІундицІули диалли, вахъхІи, ил децІла ясириубли, сагали акІайчи кавлули виалли? Ге, алкІули сай адам сагали, чарулхъули сай разидешуначи, байрумтачи, талихІличи, сагали ит агиличи викайчи.

Илкъяйда – тІашбизагарли... Се биру? ГІямру – илдигъунти сари.

– Ге, илкъяйда саби... Гъм... Сен биалра, Хатир, хІу талихІчевси адам сайри. БегІтани айкъурси, хъаллаварибси, бухънабаибхІели, саби гъанни хІу къайгъилизи вikes игъбар баибси. Наб дудешла дяхІ гъаналра хедиркур. Нешра паргъатрарира хІябцІали дус гъалар.

– ХІяблар нур адалкабну чула, – иб Хатирли, нургъби ушкули.  
– ГІяпа баркъаб, – чебатур Нурисламли. Илдани сагали пигълуми касиб ва сагали ихтилатла къяли буцили гъанбикунала дунъялизи гІелабикиб.

Хъунрачила ва хъунул адамтачила къалли илди гъачамлис гъайбикІес бехІрабихъили ахІенри. Ил секІалра биру илдани, амма къанниван, держибтани айгъирдеш тамай дакІахъибхІели.

\* \* \*

– ... Буцибти заманалис кабалтуси мерличир рузухІели, агъ, нуни сегъунти тІабигІятуни чедаирал адамтала, – рехІрихъиб ил чІябарличи тІинтІбарибси гІядиялличирад аризур ва, сунела гІядат барили, сегъуна биалра, беркесилигІир умцІеррулхъули, холодильниклизибад нушиличилси сяйси къям касиб, мякълабси устІулличибад сусапла, гІявализиб берцІибси чутту. – Ил... секІайс Іергъи... гъи-гъи... ну гушрирусира...

Бурибси, саби лебсиван хІергъибси ва, левгІев мурхъли пикриухъи, уркІилис хІейгизни хІисаббиубси Хатирли, каберсибсигъуна мяштІбареси илала чІянкІуси цІуба къаркъайчи хІерикІули, иб:

– Гъаннаван... – агарси хъехІбушиб илини, – гъм... дахъна гушхІериъниличи вирхес дигахъира.

– Дигули виадли, вирхен, хІериубрану, – иб илини. Беркайчилси къумур урга кабирхъули. – хІу рахли халисиубли хІейиши?

– Ну? Виэс гІягІнилив гъатІи? Леву илгъуна? – илини дуб хъабхъбиубси чуттула кесек касиб ва, къябчІарбухъахъи, къацІикун... – Гъу, гІяхІси, гІяхІси, масхара саби, нуни хІела буруси къябаилра, се сабри хІед бурес диуси?..

– Наб?

– Ге, хІед. Изоляторлизир рузухІели, гъар журала адамти чебаира ил, багъурра ил, хІебалас, амма се сабрил бурри илала хІекълизиб.

– Ге бурра? Ил адамла хІялумцІусигъуна мер сабри. Чи-чи саял чейуси... нуни ил бурибси ца ити сабри, телевизорлизиб гъалабван ил чебаахъибхІели – изалятор... илини бяхІчиси хъа бяхІличи баршибси телевизорличибяхІ бекІ гъакІбариб. – ИкІ тІакъализир чедиахъути икІди думяхІ сари. Сегъуналра хІекъдешличи гъамси лишан агара. ХІяз саби чебиахъуси...

– Гъайла къантІа, хІуни бурибси, се бурадлира хІечи къаршили пайдалабарес асубирар ибти, яра вегІличи къаршили сенра хІебурес ихтияр лебниличила гъай, ца ити, пІугъ сари. эс дигулрив?

– АхІенра. Амма илкъяйда биэсра асубирар, сенахІенну гІямру – гІямру сари. Чедаэсван ахІи, дархибти сари илди.

– Сен ил хІянчи батурри, ивезслизисси? – илис шин дигулри, амма айзес азгъиниубли шикъхІелхъулри. – Байхъала улка ца шинна истакайс лугира нуни...

– Нунира...

– Аргъира, наб чебиркур айзес. – Илини дяргІибти шинни бицІили истскан хиб.

– Дила абдалдеш – иб илини, дивайчи сунела къакъ ибкъиули. Илини иштяхІличил шин держиб, гІур лезмили шинкІабиубси удибси кІентІра

лямбарили, – ца адамличи рирхаурли, ил мехІур хІянчи бетаур. ХІянчира бирар, хъалицІара дирар, гъар секІалра викІухІели, рирхаурра.

– Нуни хІела аргъес вирули ахІнра...

– Сен?

– СенахІену гъар чили шери раши ибхІели, батурли хІянчи, дуцІрулхъ-усив?

– АхІен. Гъар чили-биалра ибхІели – ахІен. Дила илкъяйда ахІен... ХІуни ил секІал хІергъид, – илала халати, гурдалаван лаг зуздитІунти хІулби къалабали къяпІрадухъун, гІур илдазирад нургъби гердухъун. – декІаррикибси рурси, дехъубти хъалицІаличил, я бегІтас дигули ахІен, я – узби-рузбас. Илини саби цІахбарибтиван бирар илди, мурталра разиа-гарли. Я хІуни барибси чехІебиу, я бурибси мадархІебиру. УрхІличирван гъячІрикили, урузли хІерриэс чевкъули бирар. Хаслира – дуклав хІей-алра, гІелав хІела дурхІяра левли виалли...

Наб илди гъайра анцІдукъири, сай илра чез мадарла адам сайри, я къиркъир ахІенри, челябкълара, илини бурни хІясибли, гІяхІси хІерлири.

– ГІур...

– ГІур, гІур... Ца гІяхІдеш хІу прокурор хІейъни. Чериулрав, селра бетхІеурли? Иличи нуни гІяйиб бирули ахІенра, се биубал хІебалас, ил гІур вакІхІекІиб дила шулги. Нуни аргъира чеблумау викили или... ЦабехІ бикІулри вайси агилизи викибхІели, нура инжитхІерарес багъандан илкъяйда барили уили сай или. Ца Аллагъли багъаб, се биубал! Нуни чизилра суравхІебарра. Гъачам дила уркІи бяргІялли, дебали къиянни ва-набирар адамтачи.

– Марли? Набчи севан саби ил? – Хатирли ургабси къумур убасиб, сунела някъ бетиуси мерличи кабихъили, дигІянали удивад иличи хІе-ризур.

– ХІечи? ХІебалас...

– ХІебалас?

– Ге, хІебалас.

– Сен хІебалусири? Ил хІезиб ахІену?

– Саби, амма.

– Се амма?

– ХІед се дигулри набзибад?

– ХІу дигулри.

– Дигули виадли, мякълар ахІенрав? Севан сарралра, сели рир-къулралра чериулра.

– Или ибси..

– Или ибси, или ибси саби.

– ХІу рарскъа риъни балахъулрив?

– АхІенра.

– ХІебиалли бура гъатИ!..

– Се буриша?

– ХІела уркІи се бикІулил. Севан сабил...

– ХІуни чехІебиулрив?

– Чебиулра.

– Чебиули виадли, се суалти сари гъатИ?

Илала удибси кІентІра руржулри, цаагили нургъбира гердикІулри.

– Агъ, сецад мехІурти буилил цацабехІ адамти, амма илди мехІурдеш наб дебали гІяхІдилзули сари баркалла биаб чус...

– Чус? Чи чус?



– Чискун итди лебтасалра чили бутакьяндешдариб виалра, илди аварализир.

– Сен?

– Сенахенну, илди детхеурти диалри, ху илис шери аркьяди. Рякьунси риадри, нуни ху чехериади. Иш мяштла, черикла устали каберсибси чарх набчибад гъарахъли бири. Аргъирив? – Иллини лагъси някъ илала ляжиличи кабихъили, сунечибяхи бекл ласбариб. Гур ил хуцарличи кабаиб, илабад клелра къяшла урга кадихъибти някъбани цаличи ца гъяждарибти арцес гъуцдухъунти лагъначи мешути мамрачи яргали кабихъиб. Ил мурхъси, чеб-чебудуси гъигъ дурабушили, удиряхи хусрухъун ва Хатирла хъябруцлизи ва дуцарти уммайлизи рикиб.

– ... Ху... разилири къалли шери хяркъи калниличи, – ахирра буруситаманбариб илини. Илкъяйда, руржуси тлама бушинбарес херирули, гъай-симкъ дурадуршулри илинира. Кунтлби, дял, кани, хъяб кунтлба лявдирулри, чурхрала ца ва цакъ дарсур лугули, гур ил лами хясратси кунтлбала уммайли тхубирулри, амма сагали чурхрикад илди аяздурхулри ва гъатлра буцарси лами абулкулри.

Бизиси хяйкатли гъанна илди тамай цаахъур, дугъбала мягна бетяхъили, ихтияр адаб, гякълу, дагъри се сарилра хумартурти чурхразибри. Илди дуцлири, дисулри...

Ахирра урцесдииб лазатла муридеш бержили, гур селалра авара агарли, заманалис гъар секлайчи дунъя бярглбхлели сари-сарил алкути дугъби. Илала гъаргси мухлларад дугъби ахли, тламурицун сарри дурадхути – мурити шавкъла мез.

Хапли чебакибси чхлла марка, сецадхли урзаллира, хапли буйрухъбарибхлеливан, тлашбилзули бирар. Тамай хясратси хязли дамсахъурти чурхри шипдьярлб. Цалис ца къакъбарибти, илдачирад удибси юргъайчи клантлдикулри майала тугъи. Гъигъани багъла-багълали хярхлдикулри ва ахирра илди цум михъирла дигляндикиб.

... – Агъ, Аллагъ, севан талихлчерлирал ну. Баркалла хлед, дила иганай, дила дигай... дила... Сен лехлкахъилри? Чарвахъи иша... Наб хлела хулбази херриклес дигулра...

– ... Хечилра ну, юх, хлезивра... Илди, лутли агарти хулбазив...

– Хуни ну хлerti дугъби хледурулри.

– Хледуррав гъатли?

– У-у.. хледурри...

– Наб гъанбикиб иш сягъатлизир азирна дурра или.

– Хебалас нуни хлeргъира.

– Марли?

– Ге.

– Хебиалли аргъа.

– Дурадли иргъис.

– Дурулра...

– Дура гъатли...

– Дурулра.. Наб хлу ригулри...

– Наб хлу гъатлра.

– Наб, хлуни чуйна бурадла, цайна имцали... Се бурадлра, се лугли бурадлра.

– Гяхлси. Ну къабуллира..

– Нура..

\* \* \*

## **СЕЛЕНГА ХІЕРКІЛА ДУБЛАБ АРГЪИБСИ ХАБАРЛА АХИР**

Юртала сурилиу кадихъибти гидгури нушани гъар бархІи ахтарди-дирулра, амма илдазиб сегъуналра барседеш чебиули ахІенра. Сари ка-дихъибхІеливан илди лугІяннири ва жагалири. Гъачам нушани къасбарра Селенгализибад кабухъунси хІеркІла ца къялилизиб бялихъ буцес. Гъа-лагти ва хІусдикІути илди, дуцилихъалли, някъбазир дуули ахІенри. Иш къалли батхІейис или, ил чІумабирухІели, гъатІира хъярхъли някъбази-бад арцурсиван дурабиркулри.

Ил сабухъагар хІянчили дамсахъурти нуша халал хІеркІла дубла дакІира. Умути шиннизир азирти илди, цІударбарили хІеркІла лутІи, лаг аркъулри.

ГІямрулизир кадиркути ва нушани чедиути тамашала анцІбукъуначи-ла гъайдикІули, нуша хІеркІла дубла кадиилри.

– Сен лерилра бялихъуни лаг, хІеркІличи къаршили куртІдухъунти? – ира нуни, ил суайсра илала жаваб лебниличи вирхули.

– Шин дахъдаили, хІуркІби лергІер дицибхІели илди лаг куртІдикІу-ти сари или гъачам хала нешлизибад аргъибсири нуни, – иб илини, хІер-кІличибад хІер убхІейсули.

– Сен хІеркІла дуб буцибти илдани, сяйси мер чеббиркІусив? Иргъули ахІенра сен цалис гІергъи ца кадизурли, низамлизирван сартил илди?

– ХІу шакхІеркулри? ХІеркІличи къаршили куртІдикІухІеликІун ила-ла шинна дайлабси дуцІ дебали хъярхъси бирусси саби. Сяйти мераначиб биалли ил хІярхІли бирар. Гъаларти бялихъунани шин гъяриули сари, ил-багъандан, гъалар куртІдикІути бегІла цІакъти сари. Илдани гъуни кав-дулину гІеларадли ляркъутас. Илкъяйда сари арцантира. ЧехІедаибтив сегъуна тугъ, къяй яра бугаси гІямзи барили урцарал къункъри, къузри, лебедуни? Гъалаб бирар бегІла цІакъси. Илкъяйда рикІи хала неш.

Ну уркІухъахъи, шинна рурсили палтар чердатур, ва, тІяхІрухъи, шиннизир ретахъиб. Нуни куртІикІес балули ахІенри, илбагъандан или-чи дублавад хІясадли хІерикІулри. Ил бялихъван кункли шинна чеди гъарракІиб, илкъяйда кункли сагали удир ретра-ретахъиб. Шинна ду-цІла илис авара аги, гъарли-марли, ил шинна рурси риъниличи вирххІе-эс хІейри. ЛасбикІуси рамчли ил кІапІриулри, амма, удир ретахъили, цархІил мерличиб шиннизибад илала бекІ гъаббакІиб. ТІашбизагарли пяхъярдирули къяшми ва багълали гъакІдирули някъби, ил лагра гъа-мадли куртІрикІулри, ца мерличи араибхІели, удиряхІ аррякъи, гъарахъ-ихІир, шиннизирад гъаррикІулри.

Дублар, бара сяйси мерличир куртІрикІухІели, илала цІуба кам леб-гІеб бялихълайчи мешубиркулри ва бусягІят уркІиличи шинна рурси ляркъулри.

ГІе, дубурла гъинтала гежбачира, хІеркІла бялихъличира мешуси илис шинна рурси хІейкІес хІейри.

Илала юртала гІелабси хандакълизирад шин хили нуша чардулхъ-

ухѐли Алтангэрэл гъала дуравхъун ва, гъакѐбирули някъ, нушази жикѐсииб.

– Аркъусив, яра... Дирхъу дургар хѐжарли...

– Гѐгѐнили ахѐн. Ваши хъули аркъехѐ, – иб Дунгармани ва, хѐилхѐ касили бадруми, дулкъахъули къяшмира, ратрихъиб.

– Даширая иша! Хѐушази тамашала секѐл чебаахъес дигулра! – вявикѐулри ил.

Илини чебиахъуси се гѐжаибдеш сабил багъес хъулдухъунти нушани яхѐбарес хѐедиубра ва иличидяхѐ дуцѐдухъунра.

Чебаибсиличи нуша уркъѐдухъицун ахѐнри, дикеси мер, бареси хѐебалули аѐлири. Илини илабси барглизирти пукъназирти гидгури дучили ца мерличичи кадихъилри. Цацадехѐ дячири. Гъар мерличир илдала гѐанкѐби чедиулри.

– Хѐнрѐая иша! Ишарра! Хѐя-хѐя-хѐя! Тамаша ахѐну?! Гъа?! Хѐя-хѐя-хѐя...

Дила варглаб серил къяббердиб. Агъ, сецад пашманиубрал ну, итхѐели илизи итди гидгури чедаахъниличичи. Нуша шипѐдыргѐилри, гъай детахъилрину. Хѐулбала гъалаб дебали кахси, чи-дигара урухиэси сурат сабри.

– Се саби хѐуни барибси? – ахирра ира нуни.

– Ил балагъла чебаѐличичи вякъризурси Дунгармала хѐулби халадаилри, илдазирад нургъби тѐашбизагарли кѐантѐдикѐулри. Ахирра, руржуси тѐамаличил илини иб:

– Хѐу... Хѐу душман сайри!.. Увяхѐси жаллад!

– Ну тамашаварес дигути хѐуша ахѐнрив? Ишди гидгури хѐушалав гъатѐи? Гъанна хѐушани, иш алавла умѐадаллира, цалра гидгари хѐебургидая. Илди лерилра дила детаур! – ахъли, хѐулкѐуси тѐамаличил иб илини.

– Лерилра дучили чула мерличичи, пукънази кадихъес гѐгѐнили сари, – иб илини ва, хѐевала сурилизибад чантай бетаахъурли, илди луцѐес рехѐрихъиб.

– Се?! – вявъиб илини ва бяхъили Дунгармала някълизи, дуклартира уряхѐдикахъиб. Илди дячун, духѐнарад духъутѐа шинзугъри дугъдухъун.

– Хѐечила хала нешлизи бурис нуни, – иб рисуси шинна рурсили.

– Бура, бура. Бурадли-деклар, хѐушала дибягъ рухъназивад урухкѐулрав ну? Ишди калунти гидгурира дялчас. – Илини бекѐализибад касили, ца гидгари ванзализи игъуб. Чярхѐдухъунти шинзугърала кѐунтѐри нушачи чегиб.

Кѐелра някъли бекѐ буцили кариибси Дунгарма декѐли рисулри. Илала хъуцѐруми руржулри. Гъанбикеслири, гъанна аргъайзирад рулхъан или... Хапли ил харчризур, касили къаркъа Алтангэрэллис игъуб, амма чехѐгили, шулумли арбякъун. Амма ил паргъатхѐериуб, сагали къаркъа касиб. Илала хамха руржулри, михъири ахъ-гѐяшбирулри, удибси кѐентѐлиличичи къацѐрикири. Къаркъа игъес някъ гъакѐбарили хѐебарили лерси иличи Алтангэрэл чеветаиб ва, някъ буцили, гѐела ласбариб, гѐур биалли, чуйнарил илала ряхѐлизи бяхъиб. Илини ахъли вявъиб: «Хала не-е-еш!» ва ванзализи карикиб. Алтангэрэлли мякълаб геркабизурси урца къегѐ касиб ва гидгурази вирхъессииб.

– Лерилра дялчас! Лерилра! Лерилра! Мая, касаяну, буха-а-я! Вя-

викѹлри ил, бяхъяни даимдрили. Гѹр, ахъли гѹякиѹли, ил илди къяш-  
ма ганздирес вехѹхъиб. Илала, хѹлби жаниварлаван сарри, гѹрра бяче-  
си калил-ахѹенал, умѹли...

Хѹбалас сен даѹбиубал набзиб ил манзил цаъкъ набра хабарагар-  
ли, хѹли липѹла манзил ну илала гъалав вагъариубра. Ва някълизибси  
къегѹ кебасира. Чуйнарил ил наб ванѹхъун, амма наб изихѹеур. Дила  
кѹанѹидеш ва урехи хапли детахъилри. Ну урухварра или пикриухъи ви-  
иши, ил наб къакъбарили ватихъиб. Ил манзил нуни някълизибси кѹегѹ  
илала къакълизи бикахъира. Наб барсур бяхъес ласяхъибмад къегѹ илала  
бекѹлизира чегиб. Илини вайтѹа вявбяхъиб ва ванзаличив диркъиуб...

Ил манзил илав, гъакѹбирули сунела гѹрчумаг, Жунай вагъариуб. Ду-  
нгарма хѹядячи калунти чумал гидгари хапдарили ребшиб. Илис гѹелавад  
нура... Амма Жунай къалабали гѹеваиб.

– Урши кавшес къасбарилрав? Агъ, жаниварти! Се барили хѹшаб  
ишини, ишцад витес! – вявикѹлри ил ва, цаагили чѹрхъбухъахъи гъава-  
личиб гѹрчумаг, нушаб яргали вирхъулри. Ил, ца алкунхѹеливан буѹа-  
рагахъили, нушала бекѹлизи, хъуѹрумачи, къяшмази чейгулри. Гъар ша-  
йчидяхѹ дебшесалра шакхѹедиркути нуша някъби дуцили дуѹдхъунра  
вявдикѹли:

«Неш! Хала неш!»

Жунайла гъимили биѹибси тѹама нушала чедиб къукъуван гур-  
бикѹлри, чуриван бемхурси гѹрчумаг, чѹичѹалаван чѹрхъбикѹли нуша-  
ла къаркълуми, къяшми алавдирули, лусулри.

– Вайкъасла нясани, балагъ бакѹла хѹяжурти, цадиубли урши кавшес  
къасбарилрав?! – паргъатхѹейрулри ил, цаагили урчилисра вирхъули. Ил  
нушачи чесабаили тѹашбилзулри, амма ганздарес дигули ахѹенри. Иличи  
гѹясили, Жунай битѹакѹили ургъур, урчила мухъли гъярбердес дигусиван,  
жиндралавиублири. Нуша къарддхъи кадиркулри, амма кункли адизур-  
ли дуѹдхъулри. Чарх рурѹулри, ванза ва зак гъакѹдикѹлри, хѹлбазиб  
ѹѹабдешри.

Тѹама-гъама аргъибти дила нешра Дунгармала хала нешра нушачи-  
бяхѹ дуѹбухъун.

– Иш ванзала гѹанжилизи гъудурдарес гѹягѹнитирая хѹша! – вя-  
викѹлри Жунай.

Хѹбячи калунси цацун гидгари сунела биштѹаси хъатлизиб чѹумаба-  
рили, дуѹрухъири шинна рурси.

Ил дуги кѹел хъулиб деѹѹ сабри, сенахѹенну нуша ѹумдикѹлри,  
гъанкѹлизир вявдикѹлри. Савли ну хѹилхѹи айзес виубра. Лебилра чарх  
гѹрчумагла шяхѹрума кѹапѹбарилри, цацадехѹ мераничир хъанѹа туми  
сарри. Илкъяйда сарри Дунгармара.

Гѹрчумагла къел, дяхъурби детаурли, изулри селизи-биалра хамха  
гачбикалри яра хъурсбухъалри. Ну Алтангэрэллис се биалра биуб бургар  
или деѹѹлизиври, амма илис биубси селра аги.

Чѹянкѹли андаличиб дурабухъунси биштѹаси къяйкѹари лебри.

– Дунгармани берцахъибси гидгари галгала умхализи кабихъира ну-  
шани.

– Белики хъула хъирхъали арбухес, – иб рухънани.

Чумал бархѹи Жунайла хъайчи гъамси баргла чедир хъирхъни вяв-

дикИ. Илди дургъули дииши гъармукабас. Пукъни дуунти хъирхъни гIердучес цархИлтира цаладикили дурги, хIедиалри, илдицад атхIер-дирки. Илди азирцад лерри. Миъбала маркаван илди ванзаличи кадирки, гIур, буйрухъбарибхIеливан, заки ахъдири. Илдала чIярла тIамали уркИ цIумхIебухъес хIебири, децIлизибти адамтиван сарри илди, чуласун дис-ули. ЦацахIели илдани берхIира гъабирулри.

Юргала дяхIцIилиу кариибси хала нешли, пикрумазирикили, иб:

– Чум мицIирти жан цIудара децIли дуцилира? БиштIаси, дибягъси нажасра, сунела дурхIни, наслу агарбиубхIели, децIбикIули саби. Се-гъуна бяргIибси, къаркъала уркИ биэс гIягIнилив илдицад мицIирагла лягIнатуни мучлахIедирес, илди чехIедиэс?

Илала хIулбазирад нургъби гердужъун. Халал узи гъаникили вииши илис, ахъли, кегIебси, жагъси галгагъуна жагъил.

Хъирхъни, ургубализир къалабали къубдирули жура-журала къарла гъе, делкъи-хIеделкъи, хIуреба барили чардулхъи ва, гидгурачи хIилла барибси мерличи дакIили, чула «биса-яс» бири. Ил зулму хъумартес илдани дирули ахIенри, ва цаагили чула лягIнатуни даимдирулри.

Илдала пашманти тIамрани Овоот хIеркIла къярд кIапIбирулри. Ил-дала вяв лихIбазир гIералгъулри. Ца бархIи Жунайла сабур каберхур, ил хъа гъала дуравхъун ва чуйнарил тупанг къяйкаиб. Амма кумекхIебиуб. Ил баркъудили арцанти гъатIира джгахъур: илдани вяв имцIадариб ва чула дяви биъни илди зулмукартази аргъахъес диуб. Ге, дурхIни бетакъ-ибсила децI халаси бирар, хаслира илди зулмуличил кебасили биалли. Ил багъандан сарри диштIати хъула хъирхънира, тамай джгурти.

Халаси, паргъатхIебируси децIли руцибси Дунгарма сунела агиличи хIеракIили лералри.

– Дебали увягIиси, дибягъ дурхIя сай Алтангэрэл, иб илини, мурхъли гъигъбуршули.

Багъеслири илала децIла ахир агни.

– Гасналичи хIерикIухIелира, багъесли саби ил гъимбукIили биъни. ГIяхIдешлис ахIен ил. Лусудунала талхъай ил секIал илкъяйда хIебалта. ХIебалас се бирул илини? – къакъадешличил хъарбаиб илини набзи.

Нуни се ирусил хIебалулри, амма, илала пашмандеш дугIаэс дигули, ира:

– ИкI сунела гIярчумагли, сепайда хIекъли витес Жунай бихъибси жаллад.

– ХIед гъанбиркули бургар ил танбихIлахIерили шинна хужаимтала талхъай, ит лусудунала бекIли валта или? Вирхаи, илини лайикъси кай-су...

– СецадхIи хIерли кайруси ил бетаайчи? – ира нуни. – Раши нушани пикрибирехIе нушала хабар. Илар нушани дирехIе нушаб дигуливан гъар секIал. ТанбихIлабарестира, бирехIе, чебяхIбарести – чебяхIра... лебтазилра илдигъунти цIудара уркIбала бегIти балтахъехIе ва хIейгиби-рахъехIе. Ишаб хIербирутани хъумхIертесли. Аргъибтани цархIилтази, илдани биалли гIурилтази бурули калесли. Ил иргъу Жунайлира илала Алтангэрэйллира.

Шинна рурсила хIулбазиб разидешла шала пархбухъун.

– Хала нешли бурсиличи мешуси? – иб илини, хIулбира гъичIдил-захъули.

- Ге. ЧянкІли нушани гІяхІси пикрибирехІе.
- Секьяйда бехІбирхъехІе? «Лебли саби, буили саби» или?
- Хабурти илкьяйда дехІдирхъути ахІену гьатІи? Таманбируси саби ишкьяйда. «Илди гъанна давлумазиб ва талихІлизиб хІербирули саби». Нушани бехІбирхъехІе ил ишкьяйда:
- «Мурт сабрил, жяв замана, мургъила пІялпІялагла удиб дебали дармандируси шинна дурхъаси урунж парчбикІуси къярдлаб хІербирули буили саби лергІер кегІерси шинна рурсира гІяхІси уркІила вегІ гІядатла бегІтала ца уршира, – вехІихъира ну...
- Гъачам илав вагъариубли сай цІудара уркІила вегІ ца адам, – чебатур илини.
- Ил мургъила пІялпІялагличир адамтала мезли гъайдикІути дахъал арцанти хІердирули дуили сари. Сарира нушала кІелра игитличил дебали гъалмагъдикибти...
- Ишгъуна секІал чебатехІелли: иларти арцантани илди дармандирути шин халкълис дихули дуили сари.
- Гур?
- Гур рикІулрив?.. Илабад югла шайчиб закличи зузбитІи саби ЧебяхІси ва дурхъаси дубур... Ил дубурличир дуили сари жура-журала галгуби, къадуби, гъар журала вава-къар, чучирра дебали бизити цІедеш дашути. Шинна рурсилира ил дурхІялира илар дуки дикулри мукърира гежбунира. Илдани луцІулри жагати вавни.
- Дурхъаси дубурла жаниварти ва мицІираг адамтазирад урухкІули хІедири. ХІунтІена гулиличир цІуба дамкънар гъунтабала гежбуни адамла мезли гъайдикІи, илди шинна рурсиличил ва гІядатла дурхІяличил хІязтадиркъи.
- Гъачам илав вагъариубли сай цІудара уркІила вегІ ва цІудара рухІла вегІ адам. Шинна рурсилисра, илала юлдаш гІядатла бегІтала уршилисра ахІерси ва дурхъаси ибси булъэс ва гъарали гІятІиэс вехІихъили сай ил. Кадушиб адамтас дарма шин дихути лерилра арцанти, хъямдариб ва керасиб илдала ванзурби, гъар бархІи мегъла мурчІли илини ити шинна рурсира илала юлдашра...
- Ишгъуна чебалтехІе... илала зулмуртани илди бетиркна-бетикахъили...
- Юх, юх... Ваши ишкьяйда... Шинна рурсира илала юлдашра итди азирти арцантазирадти ца арца кІел гидгариличил кали саби. Илди илдани адамтазирад дигІяндирули ахІерли дихІули кали сари. Ца гІядатла бархІи илди гидгури гІякъдухъи сари ва илдазирад кІел арцан дурадухъи сари: ца мургъила, ца арцла...
- Илди арцантира гъайдухъи сари адамла мезли, хъарбаили саби шинна рурсилизи ва гІядатла бегІтала уршилизи: «Иш шалал дунъяличиб хІушаб се саби гІягІниси?»
- ИлхІели шинна рурсили или сари: «Жагъил галгаличи мешуси, жяв замана алхунси дила халал узи варгили мицІирварая». Ва лугули сари мицІирти шин.
- Дебали жагали саби. Гъарли-марси хабар бетарули саби... Ва, хІера, гъачам илала узи зубразивад кайцІули сай ва ацІили ЧебяхІси Дурхъал дубурличи хъарбиули сай: «Се биубси иш дила ванзалис?»

– ИлхІели дурхъаси дубурали илизи бурули саби: «Дила гъакІбикІуси жагъил галгаличи мешуси багъадур! Нуни балулра ну багъандан душмантачил хІу ургъули кални ва цІала дергълизив ламартла душмантани вершадешличил хІу вяхъни. Чумал дус хІу усули калунри. Ну багъандан хІуван бургъути гІурра бахъал лебниличила балулра нуни. Илбагъандан дила удибад бархъира нуни мицІирти шинна урунж, илала чедиб бакІахъира мургъила пІялпІялаг, далгира ва дужахъира арцантира, жанивартира, мицІирагра, арабарира зягІипбикибти аламтира. Амма гъачам дакІуухъун цІудара уркІила вегІ адам, ва илини буун ванза ганздариб гІинзурби, кадушиб арцантира жанивартира, инжитрариб дила рурси ва гІядатла бегІтала пергер урши. Гъаннара илкъяйда саби. Кумекбара илдас, дила урши...»

– Илкъяйда жявли таманбирехІев гъатИ? Ил гІеркъаси барес гІягІниси саби, Жангарла хабарван. Ил хала нешли дуги-хІери бурулихъалли таманбирули ахІен. Илкъяйда гІеркъаси пикрибирехІе нушанира нушала хабар.

– Бархъси саби, жявли саби илдас «давлумазиб ва талихІлизиб хІербирес». Иша гъудурбарес гІягІниси саби неш-хІеркІ Селенгара. Галгаличи мешуси узи хабарла багъадур ветарахъехІе ва къияндикибси мерличичи виахъес, ургиван кункси урчира, илис шабагъатлабирехІе... Хала нешла хабуртазивси игитгъуна, – иб шинна рурсили, гъатІира халаси иштхІличил ва гъираличил илизи ихъули.

– Ге, илкъяйда бирехІе. Гъар секІал гІягІнитиван дирехІе... ХІебиалли иштгъуна секІал ишаб гІягІнили саби: илди кІелра арцай чула къудкъудилизир мицІирти шин дихули, цІудара уркІила вегІли азир арца гидгури дячунси мерличичи чахъдариб. Ил мерличир лерилра итди цІудара адамли дячунти гидгури дагъардиуб ва илдазирад азир арцан дурадухъун.

Шинна рурси илцадра шадриуб ва, илди арцантиван сарира арцес дигусиван, ахъдуцили някъби закличичи чІикъритІун. Дуздиубти хІянбани ил цІумрухъахъун. ГІяжизли цІумрухъи, ил майдайчи карииб...

... Ил дуслизиб нушала я хабар таманрбарес бетхІеур, я итди кІел гидгарилизирад арцанти дурахІедухъун...

Нушаб школализи дукъес замана сабаилри.

\* \* \*

Хатирла уркІилизи, гІергъисичи замана агарти гъира, гъав хъурадиублири. ЧинавахІ пикриухъихъалли, уркІиличи цархІил лябкъуси аги, Набисат ахІи. Ил дакІурухъунхІейчибад чебсаргъилри къацІурцлизибси ил. Гъалав хІянчи таманбиубхІелера кабинетлизив кавлули вири ил, яра хъули вакІили устІулла гІела кайили, касили ручка, пикриикІули вири. Дашути пикруми дахъал сарри, юх, дахъал ахІенрину, лергІер дахъал сарри, илбагъандан цІуба кІапІилизи илди гечдирули ахІенри, сенахІенну цалис итил ургабулхъули, яра цали итил уббирхъули, ца пикриличи вакІес вирули ахІенри. Чуйнара къанси заманаличи хІерхІеили, «Гумила гІелабси» бикІуси, шагъарлантани юртанира дачабира тІашдатурси мерличичир бегІтачил хІербирути Баинатра уршира чебаэс таксилечив ваши, амма галгуби ургавад хІерикІули кали, хъули ацІес хІейубли чарулхъули вири.

Илди дигулри илис, карцлири илдачи, амма «Хиу сен удив уусири?», «Се леба хиуни барибси?» ибти суалти аргъайзир гIералгъули дири, илди аргъибмад илизив варскъа Хатир алкIулри. Илини гъатIира дахъал суалти иргъули вири, илди суненира, сецад-дигара, сунези сунени хъардии. Хъардии Баинатлизира, амма кIидехIалра жаваб агарли калулри.

Къаниван илизи хъурабиуб бегIла рурцIуси ва гIядабси гъанбик. Ил сабри Баинат сунес марли хIерургар ибси. Хъали багъанали буцни, балу-балули пикрибарибси сабаблизиди бейгIни ахIенси, ил марраресра дигулихъалли, вирули ахIенри. Ил – бахъ бибгIянси сабри ва вирхаэсли мягIничебли ахIенри.

«Белики школализив учIухIели илизирти итди чехусандешра ну мучлахIейрути хамдешра сагали мицIирдиубли дургар илизир? Тамай дубкIутив гъатIи хамдешра, вегIличи пахрумаиркъахъути, вегI цархIил даражала адам вигъниличила дигIянси пикри уркIила лутIилаб бихIуси умут? ВиштIахIейчирад илди пикруми абала ниъличил хIилизира рухIилизира хъурадиубти диалли, мурт биара мицIирхIедирару гъатIи илди? Илкъяйда хIебиалли сен кахIебурхуси илала бяст? Сен чархIерулхъуси? Илини балули сари сецад гIядаблил наб сари мякълар агархIели...»

Сецад цIахли биалра, ил илис гIелавадраикиб, дигIянали хIерикIули, гъар ганз ахтардибирули. Амма ташмишгала дугIлатили урдухъун. Чебуркъиб гIяйиб агаркъи хъунуйчи ташмишухъни багъандан Аллагълизи чевверхахъес тиладибарес.

Илкъяйда пикрумазир, ташмишгъайзир ва цIумлизир аркъулри бурхIини, ахIерти гъарахъли, ил гъарахъдешли акIахъубти зугIлуми дахъ гъамли.

Ил агилизир рагъарриуб, бяргIибси хъули бухIнабикахъибси лагъаван, Набисат. Гъайгъайра, Хатирла уркIилизи ил сунела тухум гъанни ракIинила хIекълизир, ташмишгала гилдидухъири, сенахIенну илди белкIани, дигули виалри редакциялизи даахъес, сунени лерхи, яра почтализирад дурхъи. ЦархIил шайчивад, илини ил секIал барниличиди разилири, сенахIенну, саби тянишбиубхIейчибад гIяхIцад замана арбякъи биалра ва, (саби итхIели вайтIа декIарбикитира сабри) илини сай хъумартурли ахIен. УркIиличив кали уили. ХIятта хъумартур виэсра асубирар, валтIулира калун рургар, илхIелира бекIлил гIяхIхIедизести гъай илис дурули, амма... уркIилис ахIерти, чараагарли детерхахъес пикридарибти къасани гъатIардякъунхIели, ил илис сагали, цархIил куц-кабизлизив, хIятта гIибратла шухIярлизив виэсра асубирар, гъалаизурли ургар. БикIаргу, каркусили занзила къадара бурцу. Юх, сай Хатир къалли занзи ахIен. Илгъунав гъатIи сай? ЦархIил агархIелицун пайдалавареси? Гъайгъайра, ахIен...»

*(Хъархъуд гIурла номерлизиб бирар)*





# Поэзия

МяхИяммад ХИЯЖИЕВ



## САГАЛИ ДЕЛКИУНТАЗИРАД

### УРКАНБЯХЪЕС ДИГУЛРА

Урканбяхъес дигулра  
Ташаэс аркъуси дус,  
Гъалакли арцурсиван  
Билзули сунела хъус.

Сунечил дицутиван  
Дилзули дила бурхИни,  
Ардукъялли сеналра  
Валули чархедирни.

Юлдаш-тяниш ва гъамти  
Бирар адам левцадхИи,  
Илданира хъумкарту  
Аркъуцад дусми, бурхИни.

Лебси биалли рахли  
Алжана ишаб чедиб,  
ВирххIерус се бикIалра  
Бирар или ил удиб.

ВирхIейралли яхши-хуш  
Дарес юлдашуначил,  
Ихтилат даимбарес  
Гъалабван дигутачил.

ГъалакмабикIудра, дус,  
Арбукъес нушачибад,

ХIуни датурти ибгес  
Ахъри гисара чинад?

Сагал дуслира хIехес  
Нушаб халаси барседеш,  
Гъаргли бергунси улка  
Вирулив арабарес!

Дусми къалли аркъули  
Сари гъалакли, дуцIли,  
Ахъбиэс хIебирули  
Бахъалгъунти гIяш цIуцIли.

Сен биалра дигулра  
Абухъи ванал бархИи,  
Цаван ванабикIули  
Гъар адамлис гъар бархИи.

Илгъуна пергер шадлихъ  
Сабигу наб алжана,  
Арбукъялра буркъа дус  
Наб пикри аги чина.

Амма наб бахъ дигулра  
Ташаэс аркъуси дус,  
Ибгайчи ибгхIебгибти  
ГъалакхIебарили хъус.

### АРЦ ЛЕРТАЛА САБ ДУНЪЯ

Арц лертала саб дунъя –  
Бухъуси тIутIила анхъ,  
Арц агартас баибси –  
ХIянчи дахъал чIянкI авлахъ.

Арц лертани дужути  
Шараб сари бегI гIяхIти,  
Гугбазирад кIантI-кIантIли  
ГердикIули дакIибти.

Арц агартас агара  
Къяшма гъядарибтилра,  
Чягърлис къядин няс шин  
Сар илдас диутира.

Агъ, пакър дила дунъя,  
Хъямчиба хъямбарибси,  
Къялшубар гъармукаба  
Келпатайван буцибси.

Хечила сар пикруми  
Даим дила чархлизир,  
Урхъула ругерливан  
Вирули вет-сад зирзир.

Сагал дуслизибалра  
Дигулра хІу гІяхІбухъи,

Инсап-хІяя дицибти  
Баралра пикрибухъи.

Ца чулацун хІебиъни  
АрагІеб шалал дунъя,  
Сабира шалгІеббулхъни  
БикІули гъуя-гъарай.

ИлхІели илдас гъала  
ХІедилзан мас я кІялгІни,  
Беткайхъур агарсиван  
Илди лебнила мягІни.

Бука чили беркалра,  
Балас, илдалара мас,  
БагалахІебиубли  
Вайбухъти чула дурхІнас.

#### ДИЛА ЗУБАРИ

Сагадиуб хІулбачил  
Заклизи хІерикІулра,  
Беткахъибси зубари  
Бургис или умцІулра.

Амма бикилил чина,  
Ил чебаэс хІейрулра,  
Суркдирули хІулбира  
Пикрумазив вархилра.

Дила закла зубари,  
Итцад наб шалабикІул,

Чархлизи гъавра, къасра  
Умутра хъурадирул.

Чис алкирил бурагу,  
Ватурли хІугІев умцІул,  
Пархбухъишигу или  
Дурар дугурби дуркІул.

Сагадиубти хІулби  
Нургъба дицІили сари,  
Чинабрил  
Дила закла зубари?

#### ЦА-ЦА ГИГЛИ УМЦІУЛИ

Ца-ца гигли умцІули,  
БалцІунил тІутІила анхъ,  
ХІу хІеррируси мерлаб  
Ванаси берхІи абухъ!

Гъанбиклумала забли  
Бирцаб рашуси гъуни,  
Рахлилра гъаниркахъес  
Нура мицІирли левни.

Нунира хъумхІертури  
Чархлизиб гъигъ лебцадхІи,  
Гъанбиклумала ругер  
ХъячІбашули гъар бархІи.

Сецад дигІяндикалра  
ДакІудулхъули илди,  
Чархлизибси гъар биркІан  
БикІули саби гилди.

## НАБЗИБРА ИХТИЯР ЛЕБ

Дигайлис далай икIес  
Набзибра ихтияр леб,  
Дигайлицун сарину  
Дихути чархлизи хIеб.

Дигай агарси бархIи  
Севан вирирара ну?  
Ухьнадеш гьамхIейрути  
Чархлизи илданигу.

БиркIанти чархлизирти  
ДихIути илданигу,  
ЛугIмес биркIантазисси  
Хибси наб илданигу.

Гьачамалра дигайлис  
Ламартдеш хIедарира,  
Дигай лерси мерличив  
Ара-сагъли вирира.

Ца гьачамцун ахIенри  
Дигайли алкунси чарх,  
Амма къадархIебиуб  
Ил ванадеш бутIес барх.

УркIилизи чейгути  
Дигайла хIярхIубани,  
Улаван варира ну  
Левилра тIярхIубани.

Дусми аркъуцад сари  
Илдира хIянсавдули,  
Урхула хьамхьаван  
ХIулбас гьаладилзули.

ЛямцIван шалгIердухьунти  
Дигай чардирар или,  
БусягIятра сайра ну  
Хьул чархлаб бетхIейхули.

Далайра викIулра ну  
Чилилра атхIергьесли,  
Гьанна дигайла хабар  
Чис гIягIнисив, викIули.

Амма дучIули илди  
Чармализир чягьирван,  
ХIебалас варгиурал  
Дарулиин шуриван.

## ЧИТЛА ХIЕВАРА ХIУРА

Чинарри чирагъливан  
Наб гьуни шалабиран,  
Читла хIевара хIура  
Чераахьес дуцIрикIан.

Севан бурхIни, дугурби  
ДуркIулрил хIуни бура,  
Муэрлизивалра ну  
Чейулрал хIуни бура.

Бура, нуни иргьисну  
ДигIяй чIивчIиврикIадра,  
ИтхIелира хIулбала  
Лишан буцес вирира.

Иргьира пикрумира  
Чархлизир жургьдикIути,

ШалгIердухьунгу хьярхъли  
Дахь мурити замунти.

Гьанна къалли хIебургар  
Читла хIевара хIечиб,  
Лив-ливдикIули бургар  
Шалара чирагълизиб.

Нура тьяп илкьяйдара,  
Шала билшул чирагъван,  
Паргьатагар ирули  
ЦадехI пикруманицун.

ХIу биалли дуцIлири  
Читла хIевара хIура,  
Гьанна шалахIебарадри  
Ну аркъуси дякъалра.

## ХІУШАБРА НУ УГЪУСИ

(Масхарала)

**Г**бар убалтул вавалис  
У лугулра рурсбала,  
БегІла жагати рурсби  
Анхълизиб саби дила.

Гаремлизибцад бахъал  
Биалра гІянтІкІаби,  
Гъаричи ваэс иштгяІ  
ИмцІабикІули саби.

Цайчиб ца жагатира  
Къуймуртира саб илди,  
ХІебалас, ца ратурли,  
Рурцусил нуни чидил.

Ну ясирра илдала,  
Чус дигуси бируси,  
ШавлахІейахъес даим  
Къуллукъуна риркъуси.

У айхъулра рурсбала,  
КъунзикІули анхъкадли,  
Илди чебиутиван  
ХІи къунздулхъан чархкадли.

Дила гІянтІкІа рурсби,  
Анхъла куц лябкъяхъуси,  
ХІушабра ну учІуси,  
ХІушабра ну лукІуси.



## Проза

### *Ибрагъим Ибрагъимовлис - 60 дус*

**Ибрагъим ИБРАГЪИМОВ**



#### **ЦИАЛИЗИБ ВА ХИЛИЗИБ**

*(Романна хъарахъуд)*

\* \* \*

Амирбегхъали бархЕхълис Баршамайлизи баиб. Уркура азбарлизи бухИнаибмад, хъулирад Издагайла неш Перизат дурарухъун.

– Гъуя, дила гІязизти! ХІуша ляркънила нушаб хабар чинабри? – дудцІли чесараили, илини уркурличирад бара карацІибси ва урши дуклавси рурси кІапІруциб. Нешла ва рурсила диги ахъайчи мякълав сабурличил гуяв тІашли калун. Ил секІал Перизатли къанниван пикрилизи касиб, Амирбегличи гІядатлисван хІерра ризурли, салам бедиб. Ванати дугъбира дурили, Перизат рурсила дуклавси виштІасиличи хІерризур. Гъалав агарси Издагайла дурхІя чеибхІели, се ирусил, се хъарбиусил васвасрикІули, кІайризур: «Давлагаб, дила Издагайла вецІну шура дус агарси виштІаси гъанна сен виубси? Чинав варгисси?» -- Пикруми дархиб Перизатла

– Ил чила саю, абас рат?

– Дила, нушала сай, – пишряхъиб Издагай.

– Масхурти дати, хІела дурхІя агни хІебагъес гъачамлис ну рухънараили ахІенра, я гІякълу бамкъурли ахІен.

– КъакъамарикІуд, неш, дила сай... Нушала ХІямзат сай, Амирбегла ХІямзат сай!

Амирбеглира аргъиб сайра гъудурухъес замана баили биъни.

– Перизат-адай, нушала уршиличила хабурти дурес замана лябкъян Сапарбег-ази чейули ахІенрагу?

– Лявкъян, чарухъес замана баили саби. ТІутІила анхъ чехІебаили, илис дугили гъанкІ хІякъян.

– ТІутІила сабухъкІун жявлил бучилрая? БацІ анхълизиб се бирули?

– Илис дарести-чедаэсти бацІ анхълизирра камхІедирар.

Издагайли авцахъес урши нешлизи ведиб.

– Укъен, ХІямзат, хала абачи, хІедра тянишиэс хІяжатли саби.



Дахъал суалти хIяжатли хIедиъни аргъили, Перизатли дурхIя сунези сасиб, михъирличи гIинивариб. ВиштIаси ХIямзатра, гIеркъаси гъунчив вамсурли, хала нешла дуклав чIикъитIун, бачIни ахъдуциб, «ба-ба-ба» или, Перизатла лихIбачир сурдухъунти урцIли-зибзурачи гъадатур.

– Ца хIеръагу, неш, хIела у ахъили, «ба-ба-ба» викIулигу! Нушаб гъачамлис «ада-абахъали» дурили ахIен.

– КъакъамарикIуд, дуру, иш дахъдагъ урши сай... Гъу, селичи хIерлирая? Азбарлизир дууляв? Даширая хъули! – ХIямзатра арукили, Перизат хъули рухIнарухъун. Илис гIеларад – Издагайра.

Амирбегли эмхIерухъуни урдабгур. Уркурлизи ил вархили левли, Сапарбегхъала рягIят хIянчизар дакIуухъун.

– ХIурматла Амирбег, хIу хъули ацIи, ишди хIянчи дила сари, – иб илини, гъардуцили эмхIерухъуни азбарла ца шайчибси тIениличи дигъес аркули.

Гъунчиб мурул-хъунул пикрибикIули калунтири, Издагайла бегIтази хапли чула гIямрулизив дакIуухъунси ХIямзатличила се буралли гIяхI-сил. Селра хIебурили гIянцIдихъесра бетхIери: бегIти урхI ахIен, илдазибад ил дигIяндеш бахъхIи хIербарес бирхIебири. Я лайикъли хIебири.

Амирбег ганзухъличив тIашли левай, ца урчи бабгибси пургъумличив хъа вегIра чарухъун. Пис къапIара шайчибатурли, Бухарла эмирлагъуна шиниша-рангла бухъяна халгIятра гъакIбикIахъули, гуявличи гъамиуб.

– Дила Перизатла «цIулкъям» гIяхIдизуру? Жявли гIелавяхI чарухъес бажардиикиригу? – илини гуявла някъ цIацIабариб.

– Набчи къалли хIуша хIерли хIедиъни балулри. ХIушачи Издагай кили вакIилра.

– Илгъуна сабаб лебли гIергъи дила гъай агара: Издагай набчи кибси гуяв къабулхIерес хIейрус...

Амирбегли урши варгниличила къантI-къантIси хабар буриб, аммаки

Халал ГЯялизир детаурти балагь-къадарличила дахъал гъай хІедариб. ГЯгІнилирив гъатИ? Сунесра таманни дурусхІебиубси анцІбукъ бахълизи тІинтІбарнилизібад се гІяхІдеша? БекІлибиубси – гъанна илдала урши лев. Иличила сари мурул-хъуна къайгънира.

– Нушала уцуми РяхІимханна някъ гІяхІцад мер-мусаличи чебетиули ахІен, – иб Сапарбегли. - Табасарантлара Хайдакълара дазуличир дус гъалар кІел къамла къалмакъар демжур. Бяхъибти-кабушибти биуб. Илди-ургабси бижгурдеш арзили бекІхІебиуб, нуни бални хІясибли, къалмакъар гІурра даимдиубли сари... ХІушала дубуртазибра уцумила низам дурусли кабизурли дебакабиубли ахІен, аргъира, халати шимала талхъунти саби диванчиби бетаурли саби... Гъу, гІур се биру, халати масъулти нушани ирзути ахІен. Ну дебали разивиубра хІушала ХІямзат левниличи. Ил гъанна нушалара сай...

Перизат сеннира рурсилис сабицун калунхІели гІуркъбяхъес бажардирикиб:

– ХІериубри къалли, дила рурси, хІу-регІси дурхІяла неш ретаэс? Наб ил секІал децІгули саби.

– Гъуя, неш, марикІуд илкъяйда. ХІямзат-декІар урши ахІену?

– Илини хІу неш рариширира?

– Рарилра: гъанадал ну нешра хІу хала нешра дарилра нушала ХІямзатли.

– ГІяхІси биаб, гІяхІси биаб...

Пергъила бархІи Амирбегли Дербент къалализи укъес пикрибариб. Издагайла узи ХангІяхІмадра чеэс, шагъарла базарличирад дургІе-дургІели вачар-чакарла масра тІалабдарес. Чули барисси вягІда хІясибли Амирбег махъилизи чарулхъусири, Издагай биалли уршира сарира бегІтачир кавлусири...

Чус гъанра агарли, Сапарбеглисра Перизатлисра виштІаси ХІямзатли халаси разидеш хиб. Урши-рурси мерлабарила, илди цунбухъири, анцІкъили дугурбазиб сабурцахъулри. ТутІила анхълизир хІянчи демжурхІели, маслигІят лебри, чеб-гъабахъни бетарулри, гІур абзур дус Сапарбегли гумайлаб, Перизатли унра-хунрубачиб буркІулри.

– Гъаригу, дила рурси, дяхънуша Мирза жиирис, уршила хІяна сагъбиубсигъуна ахІен, – викІар ца бархІи Сапарбег.

Издагай урухриуб, гъалаксаур:

– Дудеш, чилра гІягІнили ахІен! Дяхъи хІяналичи шуркабухъи саби.

– Дяхънушани бареси бала, царил хІебиалра, дарман гІеббуру.

– Жан, дудеш, чилра жимайрид!

– Селизирад урухкІулри? ХІела урши левни шантазибад дигІянбарилли кавлан или гъанбиркулив?

– КахІевлан... ХІямзат бахълизи чеахъес дигули ахІенра, дудеш. Ила-ла дяхъи гІядатла ахІен, дяхънушани бусягІят бала. ГІур суалти дехІдирхъу... Наб илди авара хІедигар.

– Дяхънуша Мирзала дахъал гъай хІедигар.

– Чевверхи, дила дудеш, наб чилра живарили дигули ахІенра.

– ХІедигули риадли, рурси, урхІла адамлизи нушала юртлизи къяшра кахІейцІахъис! Паргъатрии... ХІямзат дус виубси урши сай. Илис къяшмачи кайзесра замана баили ахІенара?

– Дудеш, цацабехІ дурхІни кІел дус биубхІелира къяшмачи кахІебилзан, хъусли башар.

– Илсрагу хІези викІуси: ХІямзатлис кумек гІягІнили саби.  
– Се кумек?  
– Э-э-э, рурси, хІуни хъумартурлири узира хІура севан дашес бурси-диубтирил. Уркура, хІябхІулан уркура гъанбиркулив?  
– Марли, ил уркура гъаннара хъулиб калив?  
– Кали саби. Чина биркуси? Нешли хІушала никІахІелла хІязла ваяхІ булан гІела хъулир хІердирули сари. Дигив илди чедаэс?  
– ХІу арали ват, дила дудеш, гъайгъай, дигахъира.  
– Раши набчил!

Дудешра Издагайра, кІиибил дерхІла бухъянси жаняхІра ахъили, ца тавханаличи гъамбиуб. Унзаличир халати мегъ сарри, Издагайлис къалли, тавханализи ахІерацІила, лерил гІяимру деркІибсиван билзулри. Тавхана умули ибгилри, аммаки гъар-урла ваяхІли гарчбарили бицІилри: ризкъи калкъути ахъти кІел уси, ранг дуунти сандукуни, бала садилІути чирхлуми, делкунти кІарчІни, хІякни, гІяндан варгъни, мячуйти, шунгри, тІусри, къаркъала тІалхІяна... Сапарбегли ца сандугла чебхъла ахъбуциб ва иларад гъар-гІергъили биштІатала хІязла ваяхІ, урца гъайми, жани-варти, чабнала начурби дурасиб. Илдас гІергъи – бидбидуначи мешуси хІябхІулан уркурара.

– ХІера иш, нушала ХІямзатла кумекчи! – иб дудешли, чабара касили, уркура хясализибад умубирули. ГІур улкъайла къасиличиб цІударбиубси хІялила кесек баргиб, уркурла хІулрумни гІявадакиб.

– Ма, гъанна гербикІахъен.  
– Вай, дудеш, риштІахІели нунира иш уркура гербирирав?  
– ХІунира, хІела узи ХангІяхІмадлира.  
– Наб гъанхІебиркур...  
– КІел дусра хІейубси виштІасила гъанбикуназиб се кавлана?  
Издагайли никІа рурсиливан уркура гербариб.  
– КъикІли берги ахІен, гъамадли герра бикІули саби.  
– ВеГІла лебдеш заябирахъуси ахІен, рурси: хІела неш ваяхІ дихІес балуси сари.  
– Вай, дила хІуша каларти! ХІямзатли уркура бикес виэсара?  
– Вирар, бурсикайрар...  
КІиэсил бархІи. хъулибти тамашабиахъубли, ХІямзатли уркура баше-скаиб, гъалар-гъаларти гунзри кацІиб.  
– Машааллагъ, машааллагъ, иш никІализивад адам ветарар: ганзра ка-цІес хІейрар или, васвасрикІусири, - сунела хІулрукІни дигІянхІебариб Перизатли.  
– АкІес дигуси жан курлабра алкІан, дила ашна, – иб Сапарбегли.  
– Неш, хІядурбара хІела чуду? – дугъаризур Издагай нешличи.  
– Хала чуду рикІуду? Аргъира... Уршила бекІличиб кабутІахъес ди-гулрив?  
– Илгъуна гІядат лебси ахІенрив гъатІи нушала шилизиб?  
– Лебси саби, гъаннара кали саби. Бирис хала чудура, хІябилра бизиси бариша, зярхІси нусира леб базарличибад хили.  
– ХІу мурталра ралкъаурсири, дила аба...  
Гъангарси анцІбукъ мурталра унзала гІелаб хІерсигъуна бирар. Ил-гъуна бетаур ил дуги Сапарбегхъала хъулибра: бекІличиб хала чудура



кабутџили, Хџамзатлизи сай-вегџи чумал ганз каџџахъес пикрибариб. Бай хъули тџашатурли, Сапарбегли, иличивад циила тџаџили гугиили, «гъари, ваши набчи, хџерикџус сегъуна гъабза сайрил» или, някъби гъадатур. Илди пишначи хџерли, хъулибтира кџайбизур. Хџамзат, урухџџули виџшину, кумекбарахъес дигули, нешличи хџеризур. Хала дудеш сунечи хџерли чеили, сеннира белхаагрти гунзрачил гъалавяхџ гъуџџухъун, кџел-хџябал ганз каџџили, дапарухъун. Сапарбег ил уџес бажардихџейкиб: урши канигъавли чџябарличи кайкиб. Илмадан хъулиб илала ахъси чџярра гџеб-гџебагъур.

– Чуду кабутџес къалабарикири, дила ашна, – иб хъа вегџли, рурсила урши някъбачи ахъурџули ва паргъатирули.

Илдачи чесабаиб Издагаџра нешра. Хџамзатла биса тџашдизурхџели, Сапарбегли аргъиб някъбази ванадеш гачбикни, гџур илди хџили дџадиџнира чебаиб. Хџамзатла дџахъи михъирлизибад хџянсабердилри.

Хъулибтала разиси ихтилат Издагаџла ва илала нешла кам-гъамти бисали хумарбариб.

Шилизивси дџахънуша Мирза жихџерес гџямал аги.

Хъяшси хџяна муџџурла вегџи ва бурдибси хџябсурчевси дџахънуша левгџев паргъатси гъести гџямрула адам сайри. Дахъал гъай, хџисаб-суал агарли сунела хџянчи бируси, баршамайлантасџун ахџи, унра шимала жамигџатлисра кумек гџеббиахъуси.

Илини гъала-гъала Перизатра Издагаџра, ишаб селра урехила агара или, паргъатбариб, кџинайс хъа вегџличи шурахъиб:

– Хџурматла Сапарбег, хџела хъулиб маза-масла хџяли баргес вирару?

– Вирар, гъайгъай. Зярхџиси?

– Зярхџисира асубирар, зелабарибси берубси биалри, гъатџира гџяхџисри.

– Бусягџат лебхис, жан Мирза, хџеръа нушала уршиличи. Хџела къянра мусиб кахџевлан...

Перизатла гъайличи Мирза гъинчџизур.

– Никџа уршила дџахъи бигъни халаси къяян хџебиалли? Ну итира Сапарбегла ламус чевли сайра. Ил хџехъили вебкџесра дигули ахџенра.

– Нуша-ургар ламусуни лерти ахџен, – бизахъур хъа вегџли.

– Нуни хъумуртули ахџенра ириџ хџуни пешкешбарибси хџякаличила: янила џадехџ бурхџини деркџахъиб илини набзи, ишдусра ил хџякали ну мяхџкамваришагу викџулра...

Мурулра дџахънушара гъайбикџули лебли, Перизат бажардирикиб ягълавлизиб хџялира сарира чаррухъес. Мирзани хџяли баџџахъиб, илала гџявадешли Хџамзатла гъаргбиубси дџахъи бакиб, гџягали бигъун.

– Хџябилра бугаси къаркъа бурги, Издагаџ, уршилис ишџад дџахъи барибси? – сеннира гџядатлисван хъарбаиб дџахънушани, Хџамзатла биса къайдикибхџели.

– Сабри, сабри, ази, – къантџили жавабра чарбарили, уршира хапварили, Издагаџ тавханализирад дурарухъун. Ил сунела урши ухъна дџахънушани кевасесгу или, урухриубсигъуна сарри.

Камсиван беркалара берки Мирза арякъунхџели, Сапарбегли иб:

– Издагаџ, дила рурси, хџу урухмакџуд: ухъна дџахънуша хџунира валуси сай, нушала хџурматбируси адам сай. Ил пакъирла гумаџларра дахъал хабурти хџедитар. Аммаки сунела хџянчилизиб мургъила някъбар сай.

- Ил нушачи гГурра лявкъусив?
- ЖихІерасли, гГур хІякъян. Дяхъи буркъбиубли саби, викІар, тят ил хІялила гІявадешли бикеная или хъаркабариб: илкъяйда хІяна дебакаби-руси саби, викІар...
- Аллагъли арадеш биахъаб сунесра.
- Дяхънуша Мирзас, дила рурси, хІела уршила дяхъи се саби? Илини чум адамла ханжай дарибти мурхъти дяхъурби сагъдариба? Нушала ара-гІеб Хайдакъ хъарихъуси дяхънуша сай, хІятта уцуми РяхІимхан зягІи-пикибхІелира, ил чуйнал живарибси сай.
- Дудеш, илцад багъуди лебси дяхънуша сен дебали мискиниубси?
- Сен биэса матъал узухІели: илини чизибадалра хІекъ сайсуси ахІен, аллагъ багъандан, кери багъандан сунела чебла ихъуси дяхънуша сай.
- Наб гъанбиркур, илала хъалибарггра лебси хІебиши?
- Лебри, гъанна агара. Дахъал дусмас гъалаб илала хъунула кІел ур-шира вабаъла изай арбухиб. Илдас дарман даргес хІейубли, Мирза лев-гІев пашманиубсири, гІямру керхайчи цунни калес ва дяхънуша ветаэс сунези сунени хъя барилри...
- Савли Издагай азбарлизи карацІибхІели, вачарла масли гарчбарибси уркурара сайра Дербент къалализивад чарухъи Амирбег варгиб.
- ХІейубра, хІуша чехІедаили, шалгІевухъес: дягІли уфбарибси бам-багІячушван Баршамайлизи ваира, – иб илини, Издагай кІапІрурцули.
- Дудешли гъавяхъяйчи армякъяд, – масхара буриб Издагайли.
- Сапарбег илгъуна ахІен, илини, дила ашна, хІед багъес дигули ри-адли, чуйнал гъалабихъили сай набзи Баршамайлизи гечиухъес. АрагІеб махъикунт хъурабарес дила юрт-муса лер, викІар, уршиван къабулиру-ри. Баршамайлантанира шан вирахъуруну, ваши набчи. Дигалли, викІар, хІушаб шилизиб сагаси юртра тІашбалтас... Чебиулрив, дудеш хІечивра сахаватси уили?
- Сен къабулхІейкири? ХІябилра гІяхІил бииши илхІели набра. Бе-гІтачи гъамли, илдачи уркІи лехІхІейхъули...
- Нушала ЦІуриша махъи? Ил лайкабакІишав?
- ЦІуриша махъи ванзали къярхІейу.
- КъярхІейу... Дила уркІи бегІтала миналичи хъулбикІалли? ХІуни ил паргъатбириду?
- Бирис: нунира нушала ХІямзатлира.
- Гъамадли дила ари кебасес дигули лерри? Гъанна хІела цІакъ итира имцІали саби?
- Се цІакъ?
- Ну – ца, хІуша – кІел: хІура ХІямзатра.
- Нуни буриси вайси ахІен.
- Балулра, дила Издагай. ХІуни вайси бурес балусив? Биалра, хІела хъайчира, лаймабикІахъид набзи дила бегІтала ЦІуриша махъи, хІура ХІямзатра дигуцадхІи бегІтала янашар датес разилирану.
- Макруж гурда сайри хІу.
- ХІу – гурдала къуйрукъ.
- Илди разили дукарбяхІиб.
- БархІи ахъиб. Баршамай чемъурси закибад кІайбяхІибси абзур бацли сунела цІуба «чяхІ-чяхІилизиб» бизусиван сабри.

Сапарбегла хъулибти паргъатбекиб. Бизиси гъанкІли ХІямзатра раха-ахъур.

Амирбегра Издагайра гъанкІличила-декІар къакъабакІили ахІенри. Савли махъилизи чарулхъуси мура ва бегІтачир кавлуси хъуна дурести шинкъанир декъван кадурхули ахІенрину, заб-маркалис гІергъи арзи къарван сагадикІулри. Юртла ганзухъличи дурабухъи, хъуцІруми гачдикІахъули цаличи ца гъамли кабииили, лякъирбикІулри, илдачи лехІихъуси ва илди чебиуси ца бикъри сабри: шаласи бац. Гъай-мез агарси, чичилра халисхІебируси, къясхІебируси, гІярзхІебикІуси. Мурталра адамтачи разиси ва ца кабизла. ДигІянати чум ихтилатла ил бикъри бетаур вара, юх, илини чизилра цалра ихтилат гъаргхІебариб, я гІур хІебиру...

– АхІерси Издагай, дила ца хъул леб... Иличила хІези ишдуги буресра дигули ахъилра.

– ВецІну шура дус хІебурибси гъанна бурулрив?

– ХІу рархъли рикІулри, илцадхІи михъирлизиб хІербарибси саби. Эгер хІу къаршили хІериадли...

– Ну хІечи къаршили мурт риубсира?

– Илра бархъси саби.

– Бура, бура, дигІяна хъул се сабил набра багъес гъирадулхъулину.

– Гъанбиркулив ит дуги?

– Дугурби нушала гІямрулизир дахъал диуб, дила Амирбег. Чиди саби илцад мурхъли хІела хъуланази мякъидатурси?

– ИкІ хІушала Мускъарла дубурличиб беркІибси. Гъаннаван абзур бац нушачи хІеркабикІуси. ХІуни итхІели дурибти кІел девли дила уркІи дяхІиван бацІахъибсиригу?

– Наб къалли ит дуги гъатІира хъумхІертесили бетаур: нешли бегІ гъалаб набчи някъ ахъбуцибсири, «чина рашусири, байтарман, юртра бархъбатурли дугила манзил, хІела нуни бекІличиб жерши итахъис» или, черухъи.

– Набзи хІуни ил анцІбукъличила гъанра хІебуширигу?

– ГІягІнилирив?

– Наб хІела гъар секІал гІягІнити сари. Гъу, дила гъайла мягІна иргъулрив?

– ГІур се иргъуси?

– Дила Издагай, ну викІулра, ит дуги сагали чарбарес хІейрехІев?

– ВецІну шура дус гъалабси дуги чархІебирар. ХъулмакІуд...

– Сен хІебируси? ХІеръа заки! Бац жибикІули ахІену?

– Бургар. Бац мурталра цагъуна саби.

– Дугира цагъуна ахІену? Ниъван цІуба, аръа маркаван умуси, тяхІуси, лехІси...

– Саби... Дугурбира дарсхІедикІар, цаван кавлуту сари.

– Нуша гъатІи?

– Нуша ахІенра: жагъдеш ардякъи сари.

– МарикІуд, дила ахІерси, гъар хІечи хІеръибхІели, вецІну гехІра дусла гІямру гІеладяхІ чардулхъули дирар. ХІу гъаннара наб дунъяличир бегІла жагаси ва жагъси жан сарри.

– Баркалла, дила Амирбег, къугъати гъайлис, гъанна ну, хъуммартид, уршила нешра сарра.

– Даршал дурхИяла неш ретаадра, хIу наб рарсхIерируд, дила хIул-базир хIу даршал дус риубси рухъна ретаадра, баршамайлан исбагъили кавлад.

– Дигахъира илкъяйда биубли.

– Дигули риадли, дила ашна, илкъяйда бирра бирар, раши икI Мускъар-ла дубурличи. Дура набзи итхIели дурибти дугъби. ХIердара итхIеливан хIясратли хIела цIудара хIулбира, илхIели, балас, хIела хIулбала цIудар-дешли бацла шалара цIяббири. Бараб, аммаки нуни хIу цIябдешлизирра чериури, иргъис хIела варъа бархти мурити гъайра: хIеберкасира къа-клуб дурхIя мирхъила варъала тIемра лебни балас...

– Гъу, диур, диур... Урузмарираба... Иргъулра хIела пикри...

– ХIебиалли, дила Издагай, ит гъарахъси дуги нушачи сагали чар-булхъан. Илгъуна игъбар бахълис игъбарли биуси ахIен. ХIедра набра ахIенси...

– Паргъатии, бегIти чебиргъур.

– Ну къалли паргъатлира, уркIи паргъатбиалли.

– Бирар, бирар...

Мускъарла дубурличиб беркIибси ил дуги мурул-хъунуйс гIямрулизиб бегIла къантIси дуги сабри. Хъачла бурушличиб лямцIван шалгIеббухъ-унси, гъанкI агарси, бацла шалала илдачи пардав чебушибси ва дунъяла адамтазибад кIелра дигIянбарибси. Амирбеглис ил дуги, чили-сайрил ахъуцили, гIяршличи арухисиван кабилзулри. Белики, илис бурги или-ни сунес ахIерси Издагайлис илди дугъби шивкIивдарибтира:

– Дила хайдакълан исбагъи, гъанна хIу зубартала ургар гIяршличир сарри, ишдуги лерилра зубарти хIела сари, каса хIед дигуси...

\* \* \*

– Чебаирив, ГъазигIяли, сен-сен гъунибаибал Хъанди махъила жами-гIят?

– Чебаира, хIурматла АбулхIянапи, илдала хIулбазиб бекIлил ванадеш аги.

– Ванадеш чинабри гъари, вас-васъала, урехи, кахдеш... НушакIун душмант ахIенра? Се бетаурли адамтас?

– Набра тамашабизур: ГIяймаки махъикунтлира, нуша къакъалар че-даибмад, къапу гIеркIес бехIбихъиб, гъаргалаб хIязтабиркъути дурхIни нешанани хъали-хъайгIи дигIянбариб. ГъалабкIун илкъяйда хIебири. Се биубси?

– Нунира аргъес вирули ахIенра: ца аллагъли багъаб.

– Гъанбиркур шимала ва махъурбала адамти нушаб зе-къацI гъаладу-цили гъунибиутири. Яхши-хуш, хабар-вягIда, салам-калам...

– ХIябэсил дус дягIватличир сарра. Чичилра нушала шайзирад гуж-зулму хIедиуб.

– Гъазават дураберкIеси сабабра хIебиуб къалли: адамтани бусурман дин къабулбарили саби, ЧевяхIси Аллагъра илала дурхъаси МяхIяммад идбагра марбарили саби, дазала-дехIибала дирули саби, жумягIла ми-житлизи башули саби. Гъу, се бангъандан нушани динна узбачи гужби-

руси? Агара сегъуналра сабаб. Юх, ишаб се сабил белгили ахІенси ан-цІбукъ леб. ХІебиалри, адамтани нушази къакъ чехІебиахъи, дяхІ-дяхІли хІербикІи.

– Къурейш къалализи даибхІели, гъар секІал белгидиэсгу?

– Набра илкъяйда гъанбиркули саби... ХІятта цацахІели уркІи гъарг-бирутира камли бирар къаршибиркути.

– Сен или викІулри?

– Урехила къяшми духъянти дирар, къялшуби дугати дирар, дила узи.

– Къурейш къалала имам ШагърухІяжини селра дигІянхІебиру.

– Гъаман Аллагъ уркІилавси ил имамла сегъунтилра аги-хІяйзиб уре-хи лебси ахІен.

– ХІуни пикрибирулрив, ГъазигІяли, нушала муршидуни бамсурли саби.

– Саби. Балулра, бамсурли саби, бамсриахъесра гІягІнибиркур: савли-ла шалдаличил нуша гъунчир сарра.

– Урчира дамсурли сари...

– ГІярбукІла шилизи урдубяхъехІелли? БархІехъла дехІиба вахтличи илар цугдиркехе.

– Иншааллагъ, гІяхІси пикри саби, гъуни даимбарес тяхІяр агара: хІеръа аргъличи, секъяйда барсбиублил?!

Илди гъайбикІути муршидунала биштІаси гІяскарла бекІ АбулхІяна-пира илала марси дягІватчи ГъазигІялира сабри. Чумал ганзла гІелавад, ца някълизи шиниша байрахъра гъяжбарили, урчила мурда гІяскарла байрахъчира леври. Уркурла гъунчибад багълали аркъути урчала мурд-ни бамсурлицун ахІи, бемхІурлира сабри, бяргІилира сабри. Цудара хІябсуртира варгъила къапІнира хІябцдешли декІдарилри. Къалхантира, хІяннибира, ярагъра улибхъаличи дигъири. Ца хІерлис лебилра Мурши-дуни ургарти гІямрула, дерхъибти муцІурганира хумарти дяхІла куц-ка-бизлира ца нешли баркъибти хабарла нартаниван цаличи ца мешубир-кахъулри. ЧІянкІли АбулхІянапи зурбаси къаркъайчил, дяхІиван цІуба урчиличил ва къапІала дуб алавбарибси шиниша чялмаличил илдазивад декІарулхъулри.

СирхІяла дубуртазиб, яни гъамбиъни балахъули, дяхІили ургъулри. Цаибти, пушдизурти, гІинцла вавначи мешути пусли зумали дашулри, ца-дехІ ванзаличи кагибмад, шинна кІунтІрачи шурдулхъулри, цадехІ шур-къла къадубачир ва дерубти хъачличир камси манзиллис гІашдилзулри. Вераличи мешуси дирихълизирад шурмала гъярбикуназира лусентала бургачира гугдиибти махъурби бара-бара гІячихъдирулри. ГъатІира ахъ-ти шурмала лесани, цІуба букІун къапІни чедиибтиван, дяхІили цІубли чедиахъулри. Улгу-мина мискиндиубси ва дацІкадухъунси манзил сабри: ванза яниличи хІядурбиублири, бяргІибси цІуэри чІянкІси авлахъкад хамли къунзкабухъири.

*(Хъарахъуд – гІурла номерлизиб бирар)*



# Нушачив гяхладли



Дагъиста халкъла поэт  
Сугури УВАЙСОВ

## ЧИЧИ МЕШУСИВ?

*(АнцІбукъ цаибил)*

ХьулбикІулри бахъхи,  
Херлири бахъхи  
Цаибил виштІайчи  
Хьунул ва мурул.  
Кабиили кІелра  
Столла гІела  
Сурат цалабирхъи  
ГІур алкІусила:  
Нешли суратдири  
Цудара хІулби,  
Дудешли – биштІал къянкъ,  
КІунтІби ва нудби.  
АкІайчил уршилис  
ПикрибикІули,  
Лявла дугъби дахъал  
Цаладяхъилри.  
ХІера, урши акІуб  
Заманаличив,

ГІяшбиуб неш-дудеш  
Сирила чедиб,  
Дургули саб илда  
ВиштІасилизир,  
Мешути лишанти  
Неш-дудешличи:  
– Ту-ту, дила лачин,  
Мешул лев набчи, –  
Разили хІеризур  
Дудеш иличи,  
– Юх, хІечи мешули  
АхІен иш бекІлил!  
ХІулбира дила сар,  
Къянкъра, андара:  
Мешули сай набчи  
Левилра сайра, –  
Чумали каризур  
Неш дудешличил.

*(АнцІбукъ кІишбил)*

ШалгІердухъун дусми,  
Забла къириван,  
Халаваиб дурхІя  
Махъла мархІяван,  
Пикрумазиб саби  
Нешра дудешра  
Дугира хІерира  
Уршиличила.

Неш хазна ретаур  
КахІебурхуси,  
Дудеш мягІдан сайри  
ЛутГи агарси.  
Нешлизи алапа  
Луги дудешли,  
Ца левси уршилис  
МяштІдирув нешли!  
Бахъбаиб уршила

Гъалмагъ-хъиланти,  
ГНяхИдизур делхъани  
Ва ресторанти.  
Гелакавхъун урши  
БелЧудилизив.  
Рисули сари неш  
Пашмандешлизир.  
ГНясили сай дудеш  
Къакъадешлизив.  
БикЮли саб кЕлра

Халал децИлизиб:  
– ХЕра, иш нушала  
ТалихИ ва шала,  
ГЪу, чичи мешутив  
Баркъ-бац ишала?  
– Гъайгъайра, нешличи! –  
ВявЪиб дудешли.  
– Гъайгъай, дудешличи! –  
ЧЯрбяхЪиб нешли.

(Автор)

– ГНур чичи мешуси  
Виэса урши?  
Мешуси хЕйубли  
КЕлра илдачи.

#### ХЪАРБАА УРКИЛИЗИ

Сен берхИи ухухЕли  
ЦацахЕли адамлис  
Шала биъхЕбиусив?  
Ил чизи хъарбиусив?  
– АнцКъили къацИбуцибси  
Хъарбаа уркИлизи.

Сен янира ванали,  
Дугелира шалали  
Бирусив цацахЕли?  
Ил чизи хъарбиусив?  
– Дигайли ламбикЮси  
Хъарбая уркИлизи.

Сен дуцИрумла бархИла  
ЦацахЕли адамлис  
БугЯрдеш гъанарусив?  
Ил чизи хъарбиусив?  
– Гъар секИайчи бяргИбси  
Хъарбаа уркИлизи.

Сен амЪурси аргЪелизиб  
Бурямра авбикЮли,  
КъукЪура кИухбикЮсив?  
Ил чизи хъарбиусив?  
– Паргъатдеш бетяхЪибси  
Хъарбаа уркИлизи.

#### ГНЯМРУ

ГЪалаб, ну виштИахЕли,  
Гъанбиркур дургар, гНямру,  
Цуба къабулдайс къяйда,  
Нушаб гЕргЪикаркули.

УркИун лямцИдикИадая  
ЗурхИябла ранг къяйдали.

ХИуша гъардулхъадая,  
Нура хъямвашахъули:  
Гъачам гЕлавалтули,  
Гъачам гЕвиахъули.

Рах-рахли бекИла чедир  
Дирада къухдикЮли,  
ЛутИи къяшлизи гилди  
ВамсурхЕли дикЮли.

ГНямру, тЕмдикИудая,  
РайхИян вава къяйдали,

ГНямру, хИушала дуцИли  
Гъанна ну гъарахъ килра,  
ДурхИяхЕлла уюнти  
ЦархИилван чедиулра.

## ВАГЪУРРА

**Ж**явхІейчибад бурули  
Леб халкълизиб бурала:  
Адам вагъес дигалли,  
«Пудличир камли ахІи  
Дарх зела деркен» или.

Иличил бархкІун нуни  
Къякъ зела хІеберкунра,  
Амма гІяхІил вагъурра  
Барх шиша бержибхІели.

*Шурд. Р. АДАМАЗИЕВ*

## КАЛУН ТАНБИХІ АГАРЛИ

**Г**ъачам лезми  
Цулбачил шивкІивбухъун,  
ШивкІивъала  
КІунтІубачира тІяхІдухъун.  
ЛихІби, лихІби,  
Илдала лехІихъудеш!  
Къянкъубара  
Гъай-мезла тІем сунтІбариб,  
ХІулбани иб:  
«ГІелар мезли диркъулра,  
НушаникІун  
Ил секІал чебиулра».  
Мезлукъуни  
АхтардибарибхІели,  
Чегиб бахълис:

ХІулби ишар  
ХІилхІи чедиандариб,  
ГІянцидиэсли  
ЛихІбира сир-сирдариб,  
КІунтІубира  
КІапІиван дукІудиуб,  
Къянкъубира  
Бяхълиур хІунтІендиуб,  
Чегибтани  
Цулби булан вяшдариб.  
Амма лезми  
Калун танбихІ агарли,  
Кункли цулбас  
ГІела дигІянбикили.

## МЕГЪРА УМХЪУРА

– **И**шар гъарилра секІал:  
**Я**къутра лягІлумира, –  
Дила сари, – иб мегъли.  
– **А**гъа, – жаваб чарбатур,  
**М**егъ ибхъули умхъули, –  
**Х**іела уркІикІун, хІера,  
**С**абра нуни ибхъули.



### НЯС КАЛКЪУСИ ТІАКЪА

– Аркъу-лявкъуси набчи  
ГІяширар, икрамбиру, –  
Иб гъунила дублабси

Няс калкъуси тІакъали.  
Амма гІяшиубсили  
Сунес тудирхъу или  
ГъанхІебушиб илини

### МЕЗЛУКЪ

Дугели ва хІерели  
ЛукІи бугътанта къалам,

Иличил дарх кІантІдикІи  
Гъар бархІи къаламла жан.

### СТОЛ

Ца буркъа столличи  
Скатерть чебушалри,  
БусагІятал илини  
Жагъсила гІердиурли.

### МАРДЕШ

БецІ гІяйниб хІебуар  
Дибба балхадра,

Хя дугІра хІебурхар  
Терхъба вирхъядра.

### КЪИМАТ

Къимат малугадая  
ТІалхІяйс жагал саб или,  
Капек саб илис багъа,  
Эгер бацІли биалли!

### ХІЕЛУКЪУСИ

У си бицІибти бетІу  
Какъадра улализи,

– Ну хІебелкъунра! – иру  
Улали усилизи.

### ГУТАН

Хъучиб майа кертІуси  
Гутан даим лямцІбикІар,

ГІяйниб гІяргІни кайруси –  
Сигли буцили бирар.

### ХАЛАБЕРХУРСИ ГИ

Чугурличибси ца ги,  
ХІейгули бархси аги,  
Макъам буи, къимбухъун,

ХІебиубли хІербиэс  
Гимачил ил бархбалги,  
Цунбухъун ва цІумбухъун.

*Шурд С. РАБАДАНОВ*

## Проза



Хадижат ХИЯБИБОВА

### ДИГАЙ – ГІЯЖАИБСИ ЦІАКЪ

(Хъарахъуд)

– Бунагъ-хатІаличивад Аллагъ чевверхаб сунела. Алжанала агълу виаб. ХІушаб арадеш биаб. Баракат имцабиаб хІушала хъулиб, – иб Къайыпли, някъбира гъаладуцили, ахъли. Калунти «амин» бикІулри. ГІяшли, серил дучІули вехІихъиб, гІур ахъли «патихІя» иб. Лебтанилра алхІям белчІун. Патухлира – «Бунагъ хатІаличивад Аллагъ чевверхаб сунна. ГІяхІси адам вири Закир. Алжанала агълу виаб», – или, салам бариб.

Лебилра музабухъунти Къайыпхъайс кумекбарес сабри. Имцагани берклуми дихулри.

– Нушара бегІ гъаларти бурхІназир гашили дахъ инжитдарра. Дахъ язихъдиубра. Гъанна нуша къарауйчир сарра чи бакІалра, илдас кумекбарес, – бикІулри музабухъунти. Чула мер-мусала адамтаци карцІбиубли, цали ца хІебалули хъалли, хъябруцбикІулри. КІибехІелра бисулри, хъар-хъарбиулри. Илабти адамтала уркІбала ванадешли Къайыпхъайс камси ряхІятдеш бирахъулри. Къиргъизунала ванзаличиб даршуси бузерилизи ахъиб цархІилти лишунайтачил барх ил хъалибаргра.

– Гъанна нушаб нуша хІердируси мер-мусала гІядатунира дузахъес чебиркур, – иб Къайыпли гІяшливан. Лебилра децІбикІулри. Патух сунела Зумурутличила, Гулжанатличила децІрикІули рисулри. Зумурут ребкІила дусалра дикили ахІенри. Султанатли къугъаси, амма марайси тІамаличичил тулкни, къуръа аятуни дучІулри. Къайып чІянкІли ил тІамали паргъатирахъулри. Камси усарулри.

БусягІят чевсаргъулри ва бекІ сегъунти сарил пикрума бирцІулри. Лерилра диубти детаурти гъандиркулри. ВагІа гъар галга, гъар къяли, гъар къаркъа хІулбала гъалар сарри. БегІла ахирлизиб Аллагълис шукрура балги, халаси гъигъра абатурли, паргъатиэс къайгъибири. Чина хабара? Шаладикайчи чуйналра дуракалхъи. Дугела лехІдешличи лехІилзи. Чина укъяллира, дунгъа цагъуна буили саби. Дуги, хІери, берхІи, бац, зак, зубарти, гІянжи, шин, марка, гъава, дирихъ, – лерилра итарван сари.

ДурхІялис раибси Айбика цархІилтачир язихълири. ДулекІлиубси жан гІярзбикІусин вяшбулхъулри. Гаши ил атхІекІубси жаннира чекаси-

бара? Яра нешлис гуж халал биубу? Къайыплис имцІали Айбика язихъ-рилзулри. Илини гъанхІедурцу или урухлири. Алавтанира илис имцІали къуллукъбирулри.

– УрхІла уркІецІилиу дикира, гъари, – гІянцІли бисулри Къайыпла уркІи.

Гъарил децІла къутІкъудеш – ил чІямбарибсиниван хІебала. Къайыпхъалани чІямбарибси децІ ишабти лебилра «лишунайтани» барилри. Адамтира декІар-декІар журала бирар. ЦабехІтани децІани жявли хъумурту, кункли гъарахъдиру. ЦацабехІти биалли, дебали гІязаббуркІу. Лебилра децІбикІулри. Мариятла у уркІилизи гъуц къайда атІун ГІябдуллатІиплара. Ил укес вирули ахІенри, усес вирули ахІенри. Тамашала хІяйчи икиб. ИмцІали дугели дура ваши. Зубрачи хІерикІули гІяшли цІумикІули, Султанатлира чуйнара чеиб. ИлхІели узи урузхІейахъес гъарахърикили, рисусири. Хъалибарг децІхІебикІахъес Патухли рирули ахІенри.

– КІантІихІейэс къайгъибирулра, амма бетарули буили ахІен. Лерилра ишди къияндешуни чекасахъибси ну сайра, Патух. Наб сецад къиянни биалра децІхІейкІаси, амма хІуша, хаслира Айбика. Чердерхирая набчирад. ХІуша нуни селра камхІебарили хІердарес, дила къайгънира цІакъра ахІерахІедирусири. Чум бархІи урхІла уркІецІилиур калунрая. Нушаб ил бетарар или муэрлизибра гъанбиркив? Ца шукур, ишди адамтиалра къаршибикни.

– Гъанна нуша цархІилтиван хІердирехІе, селра ишабра камси агара. Нуша децІдикІнилизибад гІяхІдеш агара, – муруйс гІякълуми дурулри Патухли, ил дебали ваткавхъи чейули. Сунес сунени маслигІятунира дирулри, амма децІхІейкІес вирули ахІенри. Патухла гъайлизиб селра сагаси агарли хъалли, Къайыпла уркІи ряхІятбиубсин бизур. Сай хъа халал илкъайда усаликалли, калунтани се бирув или, чІумаиуб.

ГІябдуллатІипла, ишавад ца бархІи гъавухъи, сунела риганайра карукили, чарирниличила пикри бекІлизибад бетихъули ахІенри.

Лебталара къиян цабарили, биштІасигъуна хъали асес биуб. Асибси хъули илди гечбиуб, амма разидеш аги. Замана дикили, Атас урши акІуб. Ил биштІаси жанни хъалибарг берцахъиб. ГІядат хІясибли, цаибси дурхІялис дудешла у бирхъахъуси саби. СалихІ у лебтанилра мубаракбариб. ТалихІчерги, духъянти гІямру дулгули, балгара бариб. ДурхІя, гІядат барили, сирилиз катес гІягІнилири. Гъала-гъала кІантІити гІягнази урцулри. Ил барес нешли балули ахІенри. Цаибси дурхІялис дирути далтути Патухли халаси устадешличил тамандариб. Илини дакІубирусси къайгъиличи Айбика тамашали хІеррикІи. ДурхІяла биркІантира, чархра, хІятта рухІра далли гІягІниси даражаличи диахъубли, сунези сай валахъули, сунела цІакъ ахтардибирахъули, багълали пяхъярдикІути някъби-къяшми мяхІкамли, амма чІумали алавдариб. Сай алавварибси кІантІиси чІянкІила бутІа виштІасилис халаси цІакъличил гъалабилзусиван сабри. Вигъунси дурхІялис ватухъес дигули, мухІли булкІахъулри. ДяхІ къябшдурцулри. Нешлис гІабигІятли азирти миллионти дусмазиб батурси чебла – дурхІя михъирлавад ниъли валхни – Айбикани иштяхІличил дурабуркІулри. Лебталалра къайгъни виштІасиличила сарри. ХІера, илгъуналис бикІули бирар верхІел нешла бизбизаг. Ил хІявяргІяхъес,

умули виахъес, висихъейахъес къайгъилизи бикилри лебилра хъалибарг. Чумал бархъи дикибхъели, виштъаси сирилизе каркъес унруби балли бакъиб.

Гъядат байрамсун дураберкъес дигулиахъиб хъалибарглис.

Марлира, ил тлабигъятлизиб имцлабиубси мицъирдешли илдала уркъ-базир тамашала, дурес хъейэсти, хъялани дакъудиахъуб. Хъера, Патухли сунела гелиннизи дурхъя сирила каркъуси тяхъяр чебиахъули сари. Даршдусмазиб бузахъуси ил гъядат Айбика къайгъиличил бузахъес хъядурли сари. Ил агарли гъямалагарси гъямрула ца бутла сабри. Амма Патухли гардбарили сирира, белчъунси лайлали лебилра ишабти къантъибиахъуб.

**Капарайла мучиван  
Тутутути гъямрулизив  
Мургъила ашрапиван  
Нушаб пешкешиубси.**

**Дила марзла мукъара,  
Дила уркъила вава,  
Дила агрила давла,  
Дила хъулбала шала.**

**Дардли берцъиб дунъялис  
Дарманни ветаурси,  
Милигти гъямрулизив  
Шараб шинван гъягъниси.**

**Усен, усен, абас ват –  
Сагаси мерла вакил.  
Усен, усен, адас ват –  
Талихълис акъуб лачин.**

Ил лайлализиб Патухли сунела уркъи кабихъибсин, лебилра дунъяла дард дураиб. Гъай хъедалути балли макъамли, тламали къантъибиахъуб. Гъай иргъути хъунри бисескабииб. Унра хъунуй илис гъергъи хъатра бяхъили «гъилалилайла» бехкъабихъиб, чумал хъунул адам булхъес абизур. Дурхъялис дезни, бегътас гъямру, талихъи дулгути дугъби зайдикъескадииб. Имцали хъунул адамти делхъилизи кабухъун. Лебилра учибикили, ца гъяхъси ихтилат бариб. Лерилра дардани ил дурхъяли урасибтиванри. Илала тламали Къайыпла балли уркъи азадбулхъахъулри. Ил тламали иргъахъулри чула наслу, чула гъямру даимдарни.

Бузериличи мусаллаткабиубти адамтани, саби чинаб биалра, чула хъянчи даимбирули буили саби. Илдира бакъибмад бузерилизи ахъиб. Къайыпбегли фермализиб хъяйвантас къуллукъбирулри. Калунтала хъянчи бахчабазир сарри. Разидешагартти бурхъни багълали зуздитъири. Февраль базличиб, тят шилизибван, къугъали чяка бучкъескабииб. Улкъайлиуб тлама аурхъели, Султанат, гъала кабихъибси беркалара батурли, улкъай абхъили, чяка чебаэс хъеррикъескарииб.

– Неш, неш, лехъахъигу ца, тят нушала шилизибван бучъули, – разили тламадариб Султанатли, чяка сунела ватъайзибад бакъибсиван гъанаурли.

– Хъеблизи агили саби, – иб нешли. Тят нушачибван ишабра хъеблизи агибхъели, чякнала тламри дарсдирули дуили сари. Къайыпбеглара ил тламали гъав гъяхъбиахъуб, тят уршила уршила тламаливан. Хъеблизи агалли, нушачиб дяхъи бицкъес бехъбирхъуси саби. Ишабра белики илкъяйда бетарар.

– Сен сабира дила Бяхъцла? – Къайыпли сай вегъси бугъа гъанбикахъиб. Гъалабван акъубси къачас Бяхъцла бихъилри. – Се хъяйчи дикахъилира илди Хаинутинни.

– Дила къачни гаша дебкъили дургар, – иб Султанатлира, сунени далхути къачни гъандикахъили.

– Диур гъанна хІушаб. Къянари бячун, шин ардякъун. ДугІли нушани нуша гІязабдуркІулра, – нешли илди маймайбариб, – Нушаб ишаб къацІ къисматли буили саби. Шукру биаб, ишарра нуша халкъван хІердирулра. Масра давлара итил дунъяличи дургъути сари. Илдазирад азаддухъни – удунъяла алжана саби.

Къайыпбегли се бирусири, эгер Патух хІериалри? ВакІила усаэс хІей-русИ Къайып, сирилавси дурхІялисван, лайла бехІбирхъули, усалахъу-сири. Ил лайлалиув усалусири ГІябдуллатИпра. Къайыпла ВатІайчивад къябверднила децІ сабри. ГІябдуллатИп ВатІайзивадра риганайлизИ-вадра ухъи, децІ кІиркали сабри. Патухла децІра камли ахІенри, амма ил чебиахъули ахІенри. Ил сунес сунени маслигІятбарес рирусИ хъунул адам сарри. МаслигІятдеш бургулри Атанира. Айбика дурхІялизи рар-хилри. Султанат? Ил чилилра хабарриули ахІенри.

Дугели урши усхІелули или, Патухли гардла далай белчІун. ВиштІа-си уршиван лебилра, гІянайчи кабиили гъайкабикІути, гІятІванбиубли бусалулри. Уршира паргъатиубли, лайлара тІашаили, хІеррикІалли, ха-латира паргъатли бусули. Ила бакІила хІябал базличирра имцІали ардя-къири, сунела хъалибарг илцад ряхІятли бусули гъанна ахІи чехІебаиб. Сарира, гІянала чІябарличи лайванбакІили, карихъун, бусягІят русаун. Илди уршила бисали тІатІбухъахъун. Чебсаргъили хъалли, хъалибарг-лизивад чилра ахъхІейуб. Илдала уркІби кункдиублири. Ил кункдешлис тамашабиубли ахъхІебиубу яра кункдешли декІбиахъубу? Чирагъла ша-лаличи хІербикІули, кабихъири. Ца Айбика ахъриуб, рахли уршила биса ахъдирар ва хъалибарглис бамсриахъахъес диргалаулхъан или. Сириличи гІяшриубли, дурхІя вахун. Ил бусягІят усаун.

Султанат савли жявли анхълизи дурарухъун. Вавначирти савли-ла кІунтІри някъли хІяршдариб. Илди вавнала нургъбиван дизур ва гІяш-гІяшли цІум дурабушиб:

**Сен жяв-жявли дисулрав?  
Марти дигай хІехъилрав?..  
ВатІайзирад гъарахъти –  
Нушаван дардлизиррав?**

ГІяшриубли, гІурра цархІилти вавначирти аръа мяхІкамли хъатли хІяршдариб. Някъличи хІеръиб. Илис дигули ахъиб илди се сарил, ил-дала тІем сегъуна-сабил багъес ва кІунтІбачи някъ гъамбариб. Илди нургъбиван я зукъили ахІенри, я шарабван мурили ахІенри, я азихъван бизили ахІенри. Илдала тІем сегъуна-сабил багъес къияннири. ХІергъиб рурсили илди нургъби саррил, шараб саррил, шин саррил. Илдала у леб къалли. Илди аръа марка сари. Султанатли сунела далай даимбариб:

**Дила дигайла марка  
КахІедиркулив хІечи?  
Дархъирагу, жан юлдаш,  
БерхІила нураначил  
ХІечи хІедаахъили,  
БерхІили держибара?**

**Дила уркІила цІумла  
ХІебакъирив цайналра?  
ХІебла булбул-чатІначил  
Дархъирал хІечи чуйна,  
ЧатІнали цархІил шайчи  
Улас, ардухибара?**

Далайличи Гябдуллатип дигянни лехлахьилри. Илис хабар аги Султанатлара уркі дубуртазиб калнила. Сунени кьалли уркі буресалра ба- жардиикилри. Султанатла биалли, лерилра дурес дигути, хлерлизирцун калун. Султанатли сунела игусилизи хедурибти ва дурес дигути вавнази дурули, уркі ряхятбирулри. Вавнас шилизибти сунела гьалмагъ рурсбала умира дирхьулри. Илдази гьалмагъ рурсбазиван гьайкарикИ. Нешли ил жявли хабаррариб. Сунес сунени кьулайдеш нешли балгназиб баргибсиван, Султанатли вавназиб баргилри.

Султанат гьар бархИ саригъунти рурсбачил хянчиличи рашулри ва стахановкариублири. Хянчизир устадеш чедиахьулри Атанира. Цацахели Гябдуллатип цаличив гяхИл узи, цацахели селичира иштяхагарвири. Илис авлахьличи дураухь, виругев вьварес дигули ихь. Бацличи ацИли Мариятла у ахьес дигули ихь. Ил у дубуртазира, диркьурбазира, урхьназира, зубразира тикрарбарахьесли вьвбахьес дигулри. Сунела тама Гябдуллатиплис Мариятличи баахьес дигулри.

Ил у ихьули, дунья баргбердесван вьвбиклулри илала уркі. Чина хабара? Лебилра тама чянкли сунела бухнаб кавлулри. Бухнабси чярла чилилра бикьули ахенри. Дурабухьунси чярли зарал хебиру, бухнаб калунсиливан.

Ца бархИ гяхИси гьавличил Ата хьули ухнаухьун ва Гябдуллатипличил вехихьиб:

– Гябдуллатип, ху мехлур-секлал сайрив? Шилизибти лебилра кьуймур рурсби хечи гяшикьбиубли саби или дурхИни гьайбиклули лебри. Хуни биалли илди хабарра бирули ахенри.

– Сен хабар хебирулрав? Илди нуни гьар бархИ хянчиличиб чебиулра. Хериклулра ну илдаци, илдала хял-табигятличи. Илди цаличиб ца гяхИтира жагатира саби. Саби наб гяхИбизахьес илдала шикьра нуни далулра. Чянкли дила уркілизиб цархИллис мер агара, – иб Гябдуллатипли пашманни.

– Нушаб, урши, хела хьалица диубли дигулра. Хьалицализивси адам гьар се-секлайзив чеветаили вирар. Сунес дигутани иркьес хьулхелхьан, хаслира дурхИни биалли. Гямруличи ва дуньяличи диги имцадирахьу. Хьунул кариадли, белики хела Марият хьумуртид, – гьайлизи гьудурриуб нешра.

Илди гьайли Гябдуллатип мурхьикахьиб, амма Марият гьай рарибхели, сунела хяйчи кайзахьур ва иб:

– Наб Марият хьумартурли дигули ахенра, я наб хьунул гягИнили ахен.

– Нуша гьанна гьарахьлира. Зубари касес хьуллизир гямру дуркисиван бетарули саби, – вехихьиб Атара. – Нушала ванзаличи мажахят чардухьиша нуша. Гур бекли хьунул кахериили уэс пикри сабив хела?

– Ата, хези тилади саби, гур набзи илдигъунти гьай мадурид, ватаба ну. Гур-гурлис детарути нушани дагьес хедирехе, – ташаиб гьай Гябдуллатипли.

– Бархьси саби хела. Ишар-деклар нуша дакдурни гьанклизибра чебаибсив? – Гябдуллатипла гьай гердуциб Атани. – Хела уркіличи лехлахьили вяшикен.

Марлира, Гябдуллатипличи шилизибти рурсби гяшикьбиублири.

Шилизив беглара кьугъаси дурхІя ГІябдуллатІип сайри. Илизир лерри чарх-бекІла жагадешра, уркІила жагадешра, гІякълула жагадешра. Камли бирар цагъакІли илди хІябалра жагадеш лерти адамти. Илди талихІа-грила лишанти сари или буру халкълизиб. Илгъуна адамличи гъаман мухІлубала бяхъ, хІулбала хІер, уркІбала пахру бугабарибси гъуцван алтІан. ШакІейкахъили илдани адам каршу. Илдазибад я мяхІкамдеш барес хІейрар, я тІашаэс хІейрар, я верцахъес хІейрар. Тамашала цакъ лебси саби илдазиб. Чилилра хІебалуси, хІергъуси, тІашаэс имканагарси цакъ. Чилалра ишаб илис вайбарес пикрира аги. Илгъуна адамличи вайдеш сабицун хабарагарли башуси саби. ГІябдуллатІип уркІилизибси цундешли, гІядаблизибад, гІязаблизибад, декІдешлизибад ватухъес вирули ахІенри. Илис адамти дигахъулри, амма дунъяличибад уркІи бухъири. Илала уркІи саби сабил зубрачиб, закличиб къяйцІлири. Ванзаличиб чеббалкІунси жаниварван сабри.

Се биалра, ГІябдуллатІип сунечил барх бузутани дигили алавуцилри. Сунела лерилра дардани бузерилизир гІянддушес вирусиван, ил дебали вялхъяли узулри. Гъачам хІянчиличи ватихъалри, селра гІур я чехІебии, я хІебикъи.

Ил ватихъили аркъухІели, рурсби иличи гІелабад дигІянни хІер-бикІулри. Ахъси бархъси хамха исбагъи пурслайчи мешулири. Илала гъайлизиб къалпдеш аги, хІянчилизиб гунергъалучІни аги. Бухъя-зегъализив валикибси, чарх-бекІлизив кьугъаси дурхІяли исбагъи рурсбала уркІби дитІхІекІес дирив, гъатІи? Сунени биалли чичилра пикри бяхІча-эс хІейрулри. Илала хІулбала гъалаб Мариятла сурат сабри. УркІилизиб Мариятла у сабри. Атани бурибти рурсби Мариятличиб кьугъати сабри. «Жагаси жагали рирару, ригуси жагали рирару?». ЦацабехІ гІякълукартани кабалтуси суал саби ил.

Къайыпбеглисра дигулри урши хъаллаварес. Адамла гІямрулизир бекІлидиубти хъалицІа сари. Сегъунти пикруми дашара хъалицІа агарси адамла. Селичила пикриикІес вирара ил? Се гІямру сарив илала? Сунес риэси сунени рургу или хІерлири. Къайыпбегла Султанатличилара Патухличил ихтилат бетаур.

– Халараибси рурси сунела мерличир гІяхІил ралриркур.

Биршла шилизивадси Закирла урши Къурбайс Султанат ригули ахъилри. Султанат чераибмад, Къурба уркІи кабизур ва бусягІят Къайыпхъала хъалибаргличил гъалмагъикиб. КІибехІелра цаличи ца шадиб баши. Хъалибаргани цалис ца гІяхІдилзулри. Къурбан чучи вашули хъалли, Султанатли иличи сегъуналра пикри бяхІчаибси ахІенри. Къурбайс Султанат ригнила хабар хІянчиличиб ца рурсили бурибхІели, Султанат тамашариуб. Къурба рузи ГІяйшат, чучил рарх рузули хъалли, сунези селра хІеиб. ДигІянни гъамсигъуна гъалмагъ рурсилизи ГІяйшатли бурилри. Ил гъамсигъунала сунелара гъамсигъуна руилри, илизи бурилри. Ил гъамсигъунани – сунела гъамсигъунализи, ва илкъяйда Султанатличи баиб. Рах-рахливан Агачи дакІувируси Къурба шикъ, гъай лебтасалра гІяхІдилзи. Илини имцІаси гъай хІебури. Дурути гъай чедетаахъили дури. ЦархІил гъайикІухІели, илала гъай тамандиайчи, сабурличил лехІихъни Къайыпбеглисра гІяхІбилзи. Ил бяркъчевси адамла лишан саби. ГъайикІес балниличиб лехІихъес бални чебяхІли бируси саби. ГъайбикІес

бахъли балули хъалли, лехИхъес балути камли бирути саби. Адамтачи лехИхъес балуси адам, сай гІяхИл вагъес бажардиикибси ва цархИлла хІурматбируси виэс гІягІнили сай. Къяркъси дунъяли вяркъурси адамличи мешули ахІенри Къурбан. Ил ряхІятти хІял-гІабигІятла адам сайри.

Къурба рузи ГІяйшатли Султанатлизи чула хъулир гъаларван детаурти гъай дуриб. Султанат, гъар гъайбаралри, лехІкайхъи. Ца бархІи Султанатла бегІти хъарбаэс Къурба неш Къистаманра рузи ГІяйшатра бакІиб. Уруз-урузли чула мурад аргъахъиб.

БегІти разилири.

– ГІямруличи араибси рурси сунела мерличир гІяхИл рирар, – рикІулри Патухра. – Рурсила мер – хъалица. Къурбанра Султанатлис виэси дурхІя сай.

– Амма, – имцабариб Патухли, – рурси разили хІериалли, нушани гужбируси ахІен.

– Султанатличил нуни чуйнара ихтилат барибсири, ил разили сари, – иб ГІяйшатлира.

– Сари разили риалли, нушала гъай агара. ХІушала дурхІяра вайси дурхІя ахІен. Нушачи вашули вирар. ХІушара нушачил далдикили дирудая. КІелра шали къабулбикиб. Мекъличила цалилра гъай хІеиб, сецад нешанала уркІбазиб къалабадеш биалра. Сукни бакІибтази я Султанатли селра хІеиб. Я нешли гъай имцахІедариб. Илди мургъила тІулекара чІянкІира датурли, арбякъун. Амма илди датни Султанатли багъурси ахІенри.

Къурбанхъали Султанатлис сукни букънила хабар шилизи ГІяйкабиуб. Ишабра тѧп чула шилизибванри. Адамти декІар-декІарти саблихъалли, илдала цадехІ шикъ, цадехІ мез дуили сари.

Гъар бархІи сунечил хІянчила маргъличи карилзуси Гюлистан Султанатличи гъамриуб ва тІамара ГІяшбиахъубли, уркІигъаргли гъайкарухъун:

– ХІу, Султанат, мубаракриулри, амма нуни хІези буруси тилади чизилра мабурид. Сецад цахли биалра, ну дила уркІили ралтули ахІенра. Наб Къурбан дебали дигахъулра. Суненира ил балули сай. Я дугели гъанкахъес рирули ахІенра, я хІерели уркІилис паргъатдеш агара. Ну кариэс вягІдалара виуб. ХІу ракІили, ил хІечи шурухъун. Сай шурухъи хъалли, дила уркІили ил тѧйдивури ахІен. Се бирусил балули ахІенра, – рисескарииб Гюлистан.

Султанат гъалмагъ рурсиличи лехІахъиб, уркІецидухъун, амма гъайхІеиб. Илизи се рикІусил балули ахІенри. Цайналра Султанатли бегІтани барибсиличи къабулагардеш багъахъурси ахІенри.

Нешли Султанат гъатІира хумарриубли чериули, селра рикІес рирули ахІенри. Чумал бархІи ардякъи рурсила гъав гІяхІливан чебаили, Патухли ибсири. – ТІулекаалра хІясибхІебариригу, балбиркурал.

Султанатлис бегІти илцад жявли разибикни тамашабизур ва сунела уркІиличибси хІебурес хІериуб:

– Гъар сукни бакІибтала тІулкми сайсес гІягІнитив? Гъар вакІибсилис шери редес хІушара хІядурлирая.

– Нушани балулра, хІуни сен илдигъунти гъай дурулрил. ГІисабе-



глис хІура хІерли руилри, ГІябдуллатІип Мариятлисван. Нуша нушала ВагІайзи чардиэс биркур или гъанбиркулив хІед?

ГІябдуллатІипла у ахъибмад, Султанатлис Гюлистан гъанрикиб.

– ХІушаб дигуси барая, амма ну Къурбайс шери хІякъяс, – рурсила тамашала жавабли неш уркІрухъахъун.

– Се-е-е? – зузбитІахъун Патухли.

– Неш, ну разилира хІушани барибсиличи. ЦархІилтира леб ишаб дурхІни.

– ГІяйшат хІу разили сари рикІухІели сарри нушара къабулдикибти. ХІунира илди бакІибхІели, селра хІеири. Гъанна се бетаура, гъатІи? ЦархІил хІед гІяхІилзуси виалли, сен лехІкахъили гъайхІеири? – Патух рурсиличи гІясириуб.

– Наб чилра я гІяхІилзуси, я гІяхІхІелзуси ишав агара. ГІяйшатхъалани датурти секІал лер диалли, рурси разили ахІен или, чардара. Нунира бурис ГІяйшатлизи.

ХІянчиличи бякъунхІели, ГІяйшат гІяхІуларинури, Султанатла мякъларад гъарахъриркули ахІенри. Султанатла уркІилис гІядаблири, чучил дебали балбикили бирути адамтас хІейгибизахъес. Илини пикрибирулри Гюлиста хІял. Сунес гъайбарила илала рарсриъни. Султанатли Гюлистан чуйнара дигІянали рисули чераиб. Сунела уркІиличибси декІдеш, ГІябдуллатІип, чула децІ, дард – илди Гюлиста уркІилизирра лерти сари. Сен нуни рирули илала уркІи паргъатхІебирусив? НабкІун Къурбан игуси ахІен. Ну шери аркъусира, ца бегІти децІхІебикІахъес сарра. Амма балули ахІенри ГІяйшатлизи се ирусил, хІебурилира хайрихІебирар.

ГІяйшат сарицун чераили, Султанат гъамриуб:

– Наб къиянни саби, ГІяйшат, ил секІал хІези бурес. Дила цархІил левси сай, ну хІерси адам.

Илди гъайли ГІяйшатла дяхІла ранг далли дарсдариб.

– Сен, гъатІи, хІуни ил секІал гъалабал хІебурибсири? ХІу лехІкайхъухІели, наб гъанбикиб разили сари или, – иб биса дархли ГІяйшатли.

– ГІяйшат, чердехирая. ХІушани секІал кадихъибхІели, аргъира нуни цархІилличил дила хъалицІа детхІерни. ДуэхІе нуша гъалар къяйда цадалги. ХІушала узира дебали гІяхІси дурхІя сай. Дила сегъуналра хІушачила вайси пикри агара. Неш-дудешлисра Къурбан гІяхІилзан.

– ГІяхІси. Нуни балахъис Къурбайзи. ХІу ракІибмад, хІечи уркІи кабизурли саби икІусири ил. Сен-сен илизи бурусил балули ахІенра.

– Бархъли бура, ГІяйшат. Нуни хІези бурибси, бура. ИмцІа гъай ишар гІягІнили ахІен, – иб Султанатли.

ГІяйшатли бархІехъ Султанатли дурибти хъалибарглизи дуриб.

*(Хъарахъуд гІурла номерлизиб бирар)*



# Гъанбикуни

Набигуллагъ СУЛАЙБАНОВ

## МОРОЖЕНОЕБА ГЪИГЪВАРИБ

1953 ибил дус. ДуцДрум. Буйнакъскла районнизибси пионертала лагерьлизи аркьути ургав бегІлара виштІаси ну сайри. ГІяжаибсиван бил-зулри шагъар. Ну айкъурси неш Курсум рикІуливан, дугби дирес гІяхІсирри илабси площадь. Мегъли ва черепицали дуцибти халати юртани, дяд тІашхІейути машинти. Чебаира урчи бабгибси уркурара. ХъумхІертис МяхІячкъалала Буйнакъскийла уличилси къакъализибси «Бялихъ» ибси белкІличилси туken. АцІибсири илизи. Гъалаб чехІебаибси, къакъкад тамашала хъапІначилси бялихъла сипат бусягІятра хІулбала гъалаб лебал. ХІунтІена бялихъ буилри ил.

ИтхІеливан тІашли лебал шагъарла паркла гъалабси Ленинна памятникра. Ва хІерая, ну ил памятникла мякълав тІашли. Урус мез бара ахІи хІедалуси, набчиб халатала ва дила чемодантас къарауйчи катурси. КІи-кІили бетихъур уртахъуни, чарбулхъан мороженоебачил. Луга набра. Бизитира лерри илди! Дирхаирая, деркунтала лугІи бетяхъиб. Ит бархІи 20-цад мороженое деркунра ургус. Агъ, хІябилра дурхъали кадизур илди наб. ИтхІейчивад ну мороженоеличивад гъарахъикира. Уркухъанти бикІуливан, «гъигъварили» увухъунра.

## ЦЕЛИНАЛИЗИВ

1958 ибил дус. Сергокъалала педучилищела 4-ибил курслизи дуравхъунси ну Сагаси ванзаличи аркъутала лугІилизиври. Халаси сакІубдеш. Дагъиста вузанала ва училищебала 2200 урши ва рурси ризкъила сабухъ ибгес Казахста Кустанайла областълизи бурхъулри. Дех бихути вагонти уркълачил дерхІанаддарили, илдази кадатурли, гъайдарира...

Калунра целинализир базцадхІи. ГІергъисигъуна курсла дучІанти заманалис гъалар чардухъахъес хъарбаркъ бакІиб: – Сентябрьличир, практикаличи аркъни багъандан.

Далкъаахъурра. Авал дубурланни ца-ца тонна ризкъила ва 1000-1000 къуруш арцла касили урдухъунра. «Арц кисализи кадирхъехІе, ризкъи се дируту?» ибти пикрумачилти нуша паргъатагардиубра.

Киров колхозли авал тонна ризкѝ машинабачи чедихѝб. Кушмурун станциялизибси ризкѝ къабулдирусѝ мерличѝ даахѝб ва ила илди дедѝб.

– Мая ишди кагърти. Хѝшани 105 къруруш хѝсибли арцра кассализи дедая. Илди деднила хѝкърлизирти квитанциябира касая. Мяхѝчкъалализи дакѝли, ишди кагърти пулан организациялизѝ дедая. Хѝшаб дигусѝ мерличирад дигалли ризкѝ, дигалли декър луга, 105 кърурушра чардиру.

## МАЗА КЪАПАЛИЧИБ АХѝБСИ ГЪИМИ

Избербаш шагърличил бархбасунси ца гърти анцѝбукър. Муръралѝчи Сергокъалализѝ дяркѝ чардулхърхѝли, дяргѝбти ва гушдиубти нуша, (дудеш, Къраража Муртазагѝли, Ибрагѝмла Мяхѝяммад ва илала узѝ Гѝяхѝмадхан) иша хъррадиубра. Столовая баргес хѝедирути шелра тухум автобусличир Новѝй городоклизирад чардулхърлри. Сур къапачевси ца дубурлан имцѝлил декларулхърлри. Иличѝ хѝерѝкѝусѝ Къраража жиндралавиубсиван виуб. Левси мерличивад айзур, бекѝличѝбси маза къапачевси, автобуса къяяни-ургабси «жанияхѝлизи» игърб ва иличѝ ганзикѝесиѝб:

– Хѝунив дѝла куц-келпат дулърти? Бура, гърѝ! Ма хѝед, ма! Их, их шаттикѝли вирули сур къапачевси бѝхес! Уктемиубсилѝсѝ вайбаркѝлисѝ, ма, ма хѝед, – гѝашбѝзагарли, четяхѝликѝулри дудешла узѝкър маза къапалѝчи.

Уркѝкабухърунти шагърланѝти-ургаб дубурлан мехѝуриубли сай бѝкѝутира лебри, дукаркѝутира. Къраражала уюн къан-къанни багърси сур къапачевси левси мерличивад хърхърли айзур ва Къраража къапачевси.

– Муртазагѝли, се биубли хѝед?! Чинаври хѝу? Агър, хѝу гѝарадали вяхър! Хѝела илди пагърливанѝти камхѝедирули далан! – или илини гъртира чѝумали къапачевси Къраража.

– Ил къапачевси чебаѝхѝелив хѝуни адамѝти хѝебалутѝ? Гър! – урибси далайла уста Манасла Ибрагѝмличил гѝяк-гѝякбяхѝб дубурланни ва хѝяса бетаурсѝ къапачевси касѝли, автобуса бухѝнаб пяхѝбиресяхѝб. Илала ил баркъруди автобусличѝбтазивад цалилра хѝебатѝун. Иличѝ че, разѝли пишбирхърти илди бахърхѝила тянишунѝ биъни аргърлри.

## УХЪНАЛА МАСЪАЛА

Мегърла гърнулисѝ гъррахърли ахѝенси Шагърла халасѝ ахѝенси парклизѝ Бакулѝзѝбяхѝл аркърси поезд бакѝайчи замана беркѝес кайилри. Хърша сайри ну. Дѝла мякърла скамейкаличѝ хѝянкаѝубси ухърна кайѝб. Илини ну чинавадсѝрал, чина аркърсѝрал хърар-хърардяхѝб. Лерилра дуруѝти дурибхѝели, вѝкѝар:

– Хѝу педучѝлищелизѝв учѝули валанри?

– Сайра.

– Ца масърла арзес виѝшира?

– Сен хѝейрусѝра?! – Уктемли ира нуни.

Ухърна дѝла вяхѝла пишяхърли хѝерѝзур. Илала хѝер «паргърѝѝи, урши, паргърѝѝи» бѝкѝусѝгърнари.

– Гъанна лехИзи набчи. Базарличчи кел хъунул адам арбякъи саби. Гинцби дицес. Гъарилла дуили сари 30-30 гинц. Ца хъунул адамли сунени хибти гинцби къурушлис хЯбал хЯсибли бекАализи кадирхъули дирцули сари, итилли – кел гинц къурушлис хЯсибли. Цаибил хъунулис 10 къуруш арцла дикиб, кИибиллис –15. Лерилра – 25 къуруш. Сарив? Сари.

Гергъила барХира келра хъунул адам илдицад гинцбачил базарличчи бакИили саби. Илдазирад ца итиллизи рикИули сари:

– ИшбарХи ну аркъуси мер леб, дила гинцби дицагу.

Къабулрикиб уртахъличи, чекасиб илала тилади. Пархкъя аррякъун хИели, итил пикрирухъун. «ВяхИ, сен нуни декАрли бекИни дирути гинцбала? Ца бекАализи шел кадирхъули кел къурушлис бекА хЯсибли дирцис». Сунела ил пикри илини таманра бариб. 60 гинцла 12 бекА сари рикИуси багъалис дициб. ДейГун ахирличир арц.

– Херагу, даг кИиллра 60 гинц дицира 25 къуруш дикиб. ИшбарХи – 24. Къуруш чина бикиба?..

Ухъна набчи цИвизур: «Гъу, гъари, дила урши, барга бетяхъибси къуруш?»

Пикрумази ахъира. Амма къуруш баргес хИейубра. Левси мерличивад айзурли, вокзаллизи къалабаикира... Масъала халатас къиянси хИебургар, амма Гулухъабала гъарилли ил ирзу хИейКус бусягИятра.

## АДАМДЕШ

ВецАл дурхИяла дудеш сай бускран ГИялиев ГИямми. Сунела лерилра ГИямру мицИраг адилкънилис харждарибси пергер дубурлан дила къариган сай, дила дудешла рузикъарла урши. Баркъибти хъайчи кабатур, сай пенсияличив сай. Мер-мераначи тИутИукабиуб илала уршбира рурсбира.

Шагъарлизиб леб бусягИятра нешла рузира узбикъурти-рузбикъуртира. Иргъни ва бурни хЯсибли, ишаб царХилти тухум-агълура камли ахИен. Минала микИхИенти илдачил лямцИлисван ахИи гъунихИеира ургус, илдас «ишди дила тухумти саби» или буресра хИейрус. Дахъал дусми гъалав шагъарлизи гечиубси сай бусягИят Ставропольлизивси нешла узикъар Далухъала Мирза. Илала уршби-рурсби Избербашлизиб бузули ва хИербирули леб ибси хабар ахИенси царХил балуси аги.

Кел дус гъалав набчи къариган ГИямми вакИиб. Илини хибси хабар гИяхИси ахИенри: урши МяхИяммадли микИхИенничи машина къячаили, зарайзи викахъили, республикала больницала нервнo-хирургическое отделениелизив къагъли сай. Къариган гИяхИличи хуликИахъес маслигИятбарира.

– ХИу, къариган, набчи ил хабар багъахъесцун ахИенри вакИибси. Набзибад кумек хИяжатлив? – хъарбаира.

– АнцИбукъ биубси, зарайзи викибси Избергла больницализи ваахъибси барХилилизир царХилти микИхИенти-ургар, дила рузила урши ХИясайнили, хИела нешла рузи Хамис хИсабрарили сари. ХИу набчивад чевверхи, белики, хИела тухум виэс дила уршили вархахъибси, – иб, бекИ гИашбуцили ГИяммили.

Илгъуна анцИбукълис иткъяйдара музаухъес чараагарси саби или, архИяличи валкъаурра.

Ваќира шаѓарлизи. Аќира нешла рузичи. Яхши-хушлис гЅерѓи, тухум-узи-урши хъркабаира.

– Ва дила рузила урши, се иша хЅези нуни? Чумал бархЅи гѓалав узикъарла урши машинали кайкахъили декЅли сай или МяхЅячкъалала больницализи арукиб. ХЅела къариган сай ил, – рикЅар децЅличил 80 дусла рухъна.

КъантЅли бурасли, гѓаланачи бехЅемцЅлизи викибсила кулпетличи гѓавваќира. Дила парѓатагардеш, биубсиличи пашмандеш илдачил дутЅира. Машина къячаибсилис илцад дахъал гЅяйибти хЅедариб къарига кулпетли. Мирза МяхЅячкъалализив виъниличила бурибхЅели, ну ила къалабаикира.

Гъунчив пикрумазиахъира: «Къариган къарига уршили бехЅемцЅлизи викахъили сай. Чидилтала шали бурцуси? Гѓаланачи кЅелра шали се бикЅулил баѓес чебиркур». Централная больницала ца гЅямзилаб бускрантира микЅхЅентира ца авидлизиб чебаибхЅели, уркЅи парѓатбиуб. Нешла узикъарличил уркЅигъаргси ихтилат бетаур.

– Адамлис адамли балу-балули вайбаркъ барни такъсир саби. Илгъуналичивад Аллагъра чевхЅерхар.

– Нушала иш анцЅбукълизиб хатЅа саби бетаурси. Вайбаркълис барибси чебиули ахЅенра. Чулара нушалара игъбар биалли, урши мицЅирли кавлан. Аллагъли уркЅецЅи бирниличи дирхехЅе, – викЅар Мирза.

– Биубси наб кЅийнаили декЅси анцЅбукъ саби, – ира.

– Гѓалабван набзи баѓахъур, машинала вегЅ бускран хЅела тухум виъни. Вари, вари, рузикъарла урши. нушани чилра вайулавирули ахЅенра. ХЅу баѓъанданра лерилра анцЅкъи чекайсис, – викЅуси Мирзани ну кЅапЅуцира.

Нуша-урѓабси ихтилат чисалра дигЅянаси ахЅенри. Ил бикъулри бускрантирана микЅхЅентанира. Чидиллирил бурес хЅейрус, ишди дугъби дуриб:

– Марлира, адамдеш ва гѓабзадеш лерси уили сай Мирза!..

Мирзала урши аракайуб. ГЅяхЅси адамла балгни Аллагъли къабуддирути дуили сари.



# ДурхІнас



Тавсултан СЯГИДОВ

## ГІЯДУСРА ХАЛИДРА

*Келра унрас*

Халал шагъарлизивад  
Дила биштІал шилизи  
ВакІиб гІяхІяйс биубси  
Бурахъаягу набзи.

Машинала ухІнавад  
УфикІули дуравхъун,  
ХІязтабиркъуси дяга  
Чебаили уркІухъун.

ГІядусла дяга сабри  
ХІябал бархІи биубси,  
Сунела биштІадешли  
ГІяраличи мешуси.

Лебилра цІуба саби  
МухІлиличи бикайчи,  
Къуйрукъра къантІа саби,  
Мешуси гІяралайчи.

«ГІяра, – викІи ГІядусра  
Пишяхъили дягалис,-  
Халабиур, барсбирис  
Иш нуни ца кигъалис».

Дягачи хІерикІули,  
БекІли гъакІикІар гІяхІял,  
СенкІун багъурли ахІен  
Гъачамлис илала хІял.

– Ишцад халаси гІяра  
Нуни чехІебаира!

Бирцуси биалри иш  
ГъайхІеили исира.

Шинкъанкула Халид сай  
Гумайлизив кайили,  
Дягала уюнтачи  
Хъяшаван хІерикІули.

– Марлирагу, ГІядусли  
Гъарушли балхули сай,  
Ихдицад шикъ хІедири,  
ХІебержили, цалра жай...

– Гигант гІярми бикІаргу,  
Ишцад чехІебаира!  
Бирцуси биалри иш  
ХІябдарш доллар лугира, –

Хъямики, лихІби дуциб  
Вабза гІяхІяй дягала. –  
Сегъуна сабив, дудеш,  
Ишис лугул бергала?

– Аждагъуна, бурасли,  
Се бедадлира буга,  
Дерубти маркІа булан  
Диркули дирар урга.

Ишди, гъари, нушачир  
ГъатІира халати лер,  
Зарулти дирули сар,  
Агарли викІуси хІер.

Дичес дигутира леб,  
Агарав исуси мер?  
Нушаб паргъатдеш бири,  
Дирки аждагъуни чер.

– Ца ишини бугагу  
Тамай абзур ургуба,  
Дудеш, хІуни бурагу,  
Чила сабил иш цІуба?

– Чила биэса, гІяхІял,  
Мешебей ГІядусла саб.  
Гумайлизи башули,  
БетІили саби ил наб.

Дила гІяхІси уртахъ сай,  
Нуни хІед ил бирцахъис.  
Нугъуна ургакъяна  
ХІейруд хІуни викахъес.

Сунна шайчи кайзахъес  
Халидлис рушбат бедиб.  
«Вачар гІяхІил бетерхаб –  
ГІурра савгъат лугас», – иб.

Ца хъяша дуцІаили,  
Мешебей дурайкахъиб.  
Пишяхъили, Халидли  
Хъярхъли вачар барахъиб.

– ГІядус, хІела иш цІубас  
ХІябдарш доллар диуру?  
– Гергъиси багъа бурис –  
Авдарш доллар лугаду? –

ГІядус ца гІяжаибли  
Халидличи хІеризур.  
Шинкъанкула сунесра  
Пай бикахъес вализур:

– ШуцІа-шуцІали доллар  
КІилилра урдатира.  
Гумайлизирти нуша  
Сен дацІли далтутира?!

ГІяхІяй дяга буцили  
Машинала абатур,  
ХІяйна дядра ахъили,  
Машинара арцахъур.

Дикибти доллартира  
Кисала кадихъили,  
Къимизурли ГІядус сай  
ХъуливяхІ ватихъили.

– ГІядус, гъари, тІашизи,  
Дила буруси лебну!  
Илкъяйда хъули вебшес,  
Бура, цІахли ахІену?

Дила шуцІали доллар,  
Гъари, юлдаш, дакІахъа!  
Канилаб гушси милякъ  
ХІуни дила бекІихъа!

– Даг кабушиб гъинтала  
ХІед нуни урдур буцІас,  
Ну сахаватси виъни  
ХІебалусирив увас?

Ца-ца хъаба гъарушла,  
Ваши, дякъи, дужехІе,  
Гъарбизурси вачарлис  
Ца далайра бучІехІе.

– «ГІяра саби» викІули,  
Арбукиб хІела дяга.  
Ит няс пашманхІейахъес  
Баришара ца балга! –

ГІядусла гъаруш держес  
Халид сай хъулиубли,  
Дяга бицахъескІун ил  
Сайри икъалайубли.

Гергъила бархІи илда  
БархъІебатур гъеч буруш!  
Агъ, чІумаси буилри  
ГІядусла гъарушла чІуш!

ГІядус гъинта викІуси  
ДугІла цурас уилри.  
ХІяж барибси Халидлис  
Пуча пиша барилри.

– Пашманиубли ит няс  
ВакІалли се дикІехІе?  
Умудизс нушани  
Илизи се бурехІе? –

КъакъавакИлри Халид,  
БучIуси бекI буцили.-  
ХIела гъаруш лералу?  
БекI саби баргудули.

– ХIела шинкъа тIашликъи,  
Бузули сабгу дунъя,  
ХIу сен къакъавакИлри,  
ВикIули ахъли гъуя?

Гъарушли изахъул бекI  
Чибъяхъили лайбакIа!  
Камси гъандуца, юдаш,  
ДукехIе диъла хинкIа.

– Рахли ит няс вакIалли,  
Бурагу се дикIехIе?  
Судлизи дедахIелли,  
Бурагу, се бирехIе?

– ЦIали тIутIубикIуси  
АждагъаладирехIе:  
Вашен ишавад или,  
Шилизивад уркIехIе!-

Хъаба ахъбуцес гъалар  
Супелти къартIлукIули,  
Халидлизи ГIядус сай  
Пишяхъили викIули.

Ил замана ца хъяша  
ГъркикIули дурайкиб:  
– Дяга асибси гIяхIял  
ХIушачи хIерли сай,- иб.

КIелра юдаш гумаизи  
ДапарбикIули баиб.  
Ит вабза гIяхIял илав  
Аргъван вамкъурли варгиб.

– «ГIяра саби» дикIули,  
Дяга бицилрагу наб!  
Бурги хIяндиуб муйли,  
ЦIахли ахIену хIушаб?

– ГIярализибад дяга  
ДекIарбарес хIебагъес!  
Вализурли хIейиши  
Нушачив дукарвахIес? –

Ириличибси ханжа  
Ар чIумали буцили,  
Душмайчиван ГIядус сай  
ГIяхIяйчи гъамирули. –

ГIяра биалри, ит хIед  
Чили сабри бирцуси?!  
Халидлира нунира,  
Белгъи, сабри букуси!

ХIуни арбукиб дяга  
Баргес или умцIуси,  
БецIли бергунгу дила  
ЭмхIе къацIли валхуси.

– ЭмхIе бецIли кабушни  
Нуни багъхIебагъурра,  
Чевверхи, дила узи,  
Пашмандеш балахъулра.

ДилакIун дягаличи  
ХIяжатдешра агара,  
ЭмхIе бебкIили гIергъи,  
ХIейкIусра: «Арц чардара».

Биуб зарал бицIахъес  
Дяга хIед чарбирулра,  
ЦIябдаайчи ваэсли,  
Ну хъули чарулхъулра, –

ГIяхIяй багажниклабад  
Дяга сай дурайсули.  
Къагъбиубси ил ахIен  
ТIашли буэс бирули.

– БубкIули сабигу иш,  
Наб декIар се бариша?  
Неш бебкIили гIергъи, иш  
Нуни сели балхиша?

Иш куцличи бикахъес  
ХIуни сели балхири?  
Дяга гаша бубкIахъни  
Нуни дагал балулри...

– Набадура, хиярта,  
Капустара бедира,  
ИштяхIличил дугулри  
Банантала кумрира.



«Гяра» викIуси набчи  
Гьалмагъуни дукаркIи.  
ХIушала пишаличи  
Гьимили бицIиб уркIи.

– Иш пакъирлис дигути  
Вякьяла гIянкIби дирар.  
ЭмхIе агарли гIергъи,  
Дургуту илди чинар?

Базарличирад вякьни,  
Дех бицIили, дихира,  
Гумайлизир дицили,  
Дяга гIянкIба балхира.

Арбука, юлдаш, дяга,  
Гьанна хIела сабину.  
БекIалли, бунагъ бихес  
ХIядурли ахIенра ну, –

БекIли гьакIикIули сай  
КьакъавакIибси ГIядус, –  
Базарли бикес эмхIе  
Ишдус асес вирхIейрус.

– Ишис вякьни асахъес  
Даршал доллар лугулра,  
ХIушаб бархIи гIяхIбираб,  
ГIелавяхI чарулхъулра.

ГIяхIяй дедиб долларти  
Кисала кадихъили,  
Дягара гьаббуцили,  
ГIядус сай ватихъили.

– ПяхIли ветихъулигу! –  
Халид илис гIевваиб,  
ШалкIубад някъ буцили,  
ГIядуслизи гIяшли иб:

– ГIядус, хIела бекIлизир  
Лерли сар дахъал мехIе:  
ХIед севан гьанбикIба  
«БецIли бергахъес» эмхIе?!

Ханжайчи ухъунхIели,  
Тамай урухиубра,  
МехIур такъсир барили,  
ГьанбикIб, цIахдирура.

Дяга чарбарибхIели,  
Дила пай агарсира?

ХIела гьаруш гапдирес  
Ну кьалли бурсисира...

– Дяга багъандан нуни  
Ит кьалли кахIершира!  
Амма вякьни асахъес  
Арц лугни хIебалира.

Хала дудешла бердан  
Пенсияличи бурхъис:  
Даг дикIбти доллартас  
Сагал тупангра исис.

Ургакьянадеш дарес  
ИшбархIи хьулхIевхъунри,  
Цалра доллар хIелугас –  
Пайлизивад ухъунри.

ГIяхIси унра сайрину,  
Ну хIечи разилира,  
ГIяхIяй чарбариб дяга,  
Халид, хIедал лугулра.

– ГIяжаибти гIямру лер,  
ГIядус, нуша алавти:  
ЖягIял нушачи хIерси  
ИшбархIи хIебалути.

Дяга бицасли, набчи,  
Марли, хIу гьимуркIуду?  
ХIебицили батасли,  
Чарбара викIхIейкIуду?

– ХIед дигул бара, Халид,  
Наб авара агара,  
ХIела сари, иргъулрив,  
ХIякара дулгъубира.

ГIяяр бихес ГIядусли  
Сагаси «Сайга» асиб.  
Яни гIяяр вашули,  
Чумра цура кадушиб.

«Гьинтала сари» или,  
Халидра валхули сай.  
Гьарушли белкъунхIели,  
Дягачила дирар гьай.

ВацIа-хIярла адамти  
Бираргу гIяжаибти,  
Вачурта биркъес саби  
Илди устни бурибти.

# Чилра ва селра хъумартурли ахлен

Нурулгъуда РАЖАБОВА



## ХІЯБАЛРА УЗИ

### Сагадан фронтлизи

...МяхІячкъалала тухтуртала комиссияли ил фронтлизи вархъес асухІебирусилези халбариб – гъачамлис къяшла дяхъи тамай сагъбиубли ахІенри. Амма жагъил ургъанна уркІи барсбяхъилри – илис дигули ахІенри гІелавяхІ чарухъес. Ахирра ил «бузерила фронтлизи» вархъес хІукму бариб...

ИтхІели, фашистунани дурцути шагъуртала хала-халатигъунти заводуни Ураллизи гечдарибтири. Идрисра иларти заводунала цализив къаршиикиб.

– Халаси бугІярдеш, миъдирІути цехани, станокунала мякълаб бузути хъунул адамтира гъачамлис чула къянкъубилра душкили бекІбиэс хІебирути камти гІямрула дурхІнира. ЦацабехІти станокуначи ахІебиули, дарили урца утни-ганзухъуни илдачи кабилзутири. Камти гІямрула хъяшнала назикти някъбала кам станокунала мегъличичелкусири, – бурусири Идрисли илабси агиличила. – Бузерила смена 20 сягІят бухъянибилІусири. Дунъя даимбарахъес Аллагъли акІахъубти инсантис – хъунул адамти илгъуна даражаличиб чебаэс гІядаблири. МиъхІябяргІес багъандан илдани чучи чедирхъути жура-журала зибкънира, чІукъати, дирцили-хІедирцили куркушдиубти дяхІ-някъра, халакадаибти хІулбира... Ленинградлайчиб илаб лугуси паек цакъадар халасири. ЦацахІели къацІлизир декъ имцІалил яра жура-журала дарх-маг имцІалил белгибарес хІейри. Гаша хІебевкІес букусири итхІели чус се бедаллтира... Илгъуна агилизивси Идрисла уркІи къакъабикІулри, сабурлизивад улхъулри. Ил бисулри. Станокунала мякълабти кам-гъамти мурул адамтазибад имцІатигъунти – чулахъуни... саби илаб агарли гІямал агарти черикІла специалистунтира...

– Ишди хъунул адамталара хъяшналарара ургав кални мурул адамла баркъуди ахІен, – пикрумазиври Идрис. – ВегІгъуна мурул адамтала ургав, душмайчи дяхІ-дяхІли гъазабарили, адамтала къисматуни чулахъдарибти фашистунни кабуршули, дявила майдайчив алхни гъалаб саби.

Илала къас сабри сай ургъули калунси артиллерияла полклизи ваэс. Ураллизивад фронтлизи ваайчи чуйнара ил уцили дявила комендатурализи викусири. Илини бурсири сай ургъули калунси частъла номерра, сунес илаб «Акробат Аббас» биклули калниличилара. Суравбухъи, цацабехити ил мицирли калниличи тамашабирутири, цархилтани гяхила шайчив сипатирули, ахирра ваиб сай калунси частълизи. Масхарачи, далай-делхъличи, пагъливан, чичил-дигара валикес балуси жагъил адам. Илди хасдешуна вииши ил чуйнара къяянти шуртразивадра ваерцахъибси.

Илала масхуртала – пагъливандешла уюнти гъандиркахъули, иличил варх редакциялизив узули калунси шукъдан Хиясанов Шамилли дукарклули бурули вири: «Гъачам Идрисра нура, редакциялизирад дурадухъи, шагъарла парклизи аркъулри. Левгев гяхил сунела гъавлизив валикибси Идрисли иб: «Хера, хера, Шамил, херагу ца ит галгаличибси тамашала арцанничи».

– Ну итини някъ бяхичаибси мерличи ласвяхъили, халаси галгаличи хериклула. Амма илаб арцан чебиули ахенри. Шурухъи Идрис левси мерличи хериклула – ил чинавалра агара, амма мякълаб ца тамашала маймалаг леб... къакъуй, някъби ца шайчи, къяшми цархил шайчи далкунси, шарикуниван ласдиклахъули хъанцла хулби лукъахъуси... Тамашакайубли ну хяккайзурлира, Идрис или вяхиклула... Ахирра, дила мякълабси маймалаг пяхяр-пяхярбухъи, адамличи шурбухъун – хъатлизи хъатра бяхъили, дукарклуси Идрисла тамали ну гъузгъалдидешлизивад чевсаргъахъира.

Юлдашуни ургав валкайкибхели, илдигъунти тамашала уюнти дирусири илини. Сай левси мажлис илини мурталра жагара шадра бирахъусири, сунела бунагъ-хатгаличивад Аллагъ чевверх, – мурталра жагали гъаниркахъули вирар Шамилли ил.

### **Илала биографиялизирадти баянти**

1944 ибил дуслизив Идрис ваибсири сай калунси артиллерияла полклизи. Ленинградла фронтличил артиллерияла полкли Украина акъубалтахънилизир бутакъяндеш дарибтири. – ца дявлизир Идрисли бекдеш дируси 45-ка тупли душма танк ва бронетранспортер заядарибтири. Нушала пехоталис имкан бедибсири гъалабяхи башахъес. Ил дергълизир чедаахъибти устадеш багъандан Идрис «Гъабзадеш багъандан» медальличичи лайкькибсири.

«Нушала гяскурти Польшала Котовице шагъарличичи гъамдиклури. Нушала гяскурта Краков шагъар азадбатахъурли гергъи, Гитлерла командованиели сунела лертигъунти цакъани ила дяхичаилри. Тупла расчелличичи хъарсири мегъла гъундурала шайчибяхи башуси пехота геббуцес. Идрисла расчелли душмантас имкан хегибсири гъужумти сагадарахъес. Декли вяхъниличичи херхеили, дергъ таманбийчи къяйкикес, пехота гъалабяхи башахъес бажардикибсири.

Идрисла дявила гъуни Польшализиб таманбиубсири. Илаб илис «Дявилати къуллуцкъуни багъандан» медальра бедибсири.

Гур илдала полк Квантунна гЯрмияличи кяршили бургъахъес Китайлизи бяхІбарисири.

Фашист гярмукаби габяхъили – агъула чІичІа бекІ сунела пукъализиб – Берлиннизиб бячІири. Нешхъали, хъунри, цІикруми чула муйлачи хІерлири, Аллагълизи булгулри. Амма Запад бячІи хъалли, Восток бархилри – милитарист Япония бургъес иштяхІлири.

Дургъби тамандиубли, – сай хъули чарухъахъес хІерси хъалибаргличи гъатІиралра гъарахъихІибад – Дальный Востоклизибад кагъар бакІили, илди уркІаибсири. ХІера, се лукІулрил Идрисли итхІели:

**Дагъистайзив ну дарган  
Шамилра ну – хІямшиман,  
ЦахІнаб хІезиб лебгачи  
Салам, дила Дагъистан.**

**ХІу батурла, Дагъистан,  
Ласбарира Гуржистан,  
ХІечил мешухІебурцис  
Франко тевси Балкан.**

**ХІябкубтазиб бучІаси  
Мургъи Украиналра,  
ХІечил цугхІебикибну,  
Салам хІечи, Дагъистан.**

**Чебаира Европа  
Багъурра Япония,  
ДигхІейги Америка,  
ВатІан дила – Дагъстан.**

**Кагъар белкІунси муса  
АхІен Кавказла Моздок,  
Японна унра шагъар  
Саби Владивосток.**

**Къадарли чарватасли,  
Чебиури хІу, ВатІан,  
Нуни бархъбатуртачил  
ГІяхІил кален, Дагъистан...**

*Владивосток, 1945 ибил дус*

### **Хъумартахъурти анцІбукъуни**

Америкали 1945 ибил дусла августличир Японияла Хиросима ва Нагасаки шагъуртачи атомла бомбаби лайдакІили, дунъяла гІялам кахби-ахъубтири. Ил адамта адамтачиб барисси кахси зулмула баркъуди сабри, суненира азирти адамти мицІир-мицІирли цІали бигубси, ил бомбала гыгълилра бяхъибти мицІирли саби кали биаллира, чеалкІути наслуби чулахъуни бетаахъурси. Сеннира Россияличи кяршили бургъес ибси гъира таманни бишахъунсири.

Идрис тамашала хІяланазив хъули чарулхъулри. УркІи гъалаклири кІел халатигъуна уршила «цІудара хІябмузантани» бяхъибси нешла уркІи ряхІятбиахъес, хъунуйчилра... Сунела вегІебш, сен кяркъсил адамла къисмат, сен марайсил узбани бацІбатурси нешла юрт? Сели ва чили сагъдирахъу дургъба адамтала уркІбази дарибти? Сели чедирцІахъу илдала мерани?!

Владивостоклизивад МяхІячкъалализи саайчи халаси замана арбякъун, чумилра гъанкІ агарти дуги деркІиб. Сай чарулхънила илала уркІилизиб сегъунсилра паргъатдеш я разидеш аги.

Ахирра МяхІячкъалала мегъла гъунила вокзал. Селра барсбиубси аги – гъар секІал сай аркъухІеливан лералри. ЧІянкІли поездличибад убяхІбулхъулри чучил барх дургъбала декІси гыгъ лебхули чулахъбиубтира, назиктира, чІукъатира.

– Ца гІяхІдеш, – пикриикІулри Идрис, – дявила гуйчир сунени чедибти Ленинград, Украина, Польшагунти харабдешунилла хІедийни...

Гур Идрис гялли вокзалла мякълабси КІичІу Даудхъала хъайчивяхІ ватихъиб. Мурталра цалабиркутири иша шагъарлизи бакІибти сунела шанги, ишар дургутири сагати хабуртира. Ила гъамикІуцад уркІира гъалакбикІулри – се хІерлира гурра сунечи, сай шилизив агарти кІел дулла духІнар?

Гела гІебшнила тяхІуси аргълирил, дургъути урхъначибад чедиберхурси циркІси дягІлирил, яра уркІила хІяланарил – хІулби нургъбани садирхъулри, ца гІяжаибли чарх руржулри... Ахирра Идрис гъамиуб Даудхъала юртличи ва урух-урузли унзализи гъутІдяхъиб. Башутас шадли гъунириъни ГІяшура нешла хасдеш сабри. Идрислисра шадли пишряхъили гъунираиб, амма Идрисли илала хІулбазиб се сабрил дигІяндеш-гъузгъалдидеш гъанаур. – «Гурра чи вяхъили, чи вебІилира?»», – пикрибариб Идрисли ва мез кабуцибсиван, гъай хъумкартурсиван ГІяшурачи мурхъси суайчил хІулби вякъяиб...

Иличиси хІял аргъили ва ил паргъатрияхъес къалабарикили, ГІяшурани иб: «Хабурти вайти-деклар ахІен. ХІебалас хІуни севан къабулдиридал. СейкІуси Аллагъла къадуртас, Идрис? ХІела халал узи мицІирли кали, Россиялизи чарухъи сай... Аллагълизи шукру, дила узи... хІед уршира акІубли сай...»

– ХІерагу ца, ил вебІниличила ва къел-хІерзи агарли ветяхъниличила хІябал кагъар дакІибтиригу, жагъси хъунул адам ялгъузли хІералтехІе или, илала хъунуйсра набра магъар дихъахъибтиригу бегІтани. Се бирусси, сейкІуси, чина виркуси?..

Разити или гъанбикести кІел хабарли ил илцадра гъузгъалдивиахъублири, илини викес мер балули ахІенри. КІел разити хабар, кІел хумарти хабар, илди хабурта акІахъубти хІялани илала уркІилизир дургъулри. Илди ибкъли дарсдяхъилри. «Се-биалра беркес, чяйла бержес кайи» рикІуси ГІяшурала илини иргъули ахІенри. Бяхъибси жаниварван хъярхъли ил илдала юртличивад тядивиуб, бургъуси урхъуличивяхІ ватихъиб. Чулара дардани лерхІеливан, хІяна рамчани гургурли дакІили урхъула дубличи чегили, тІутІудирулри. Идрис илди рамчаначи хІилнавиркълри – илди пашдехъубли деткайхъниличи. Се дард хебли вара илдала? Набра дигахъаси къалли, ихди ругертиван чина-биалра чегили веткахъес, дила уркІила хІяланира ардухили урхъула лутІилизи арукъес... Гъарли-марли ил барес алавакІибси Идрис, илала уюнтани тамашари-ахъубли музарухъунси ГІяшурани верцахъиб... Илала маслигІятла дугъба паргъатиахъубси Идрисли итмадан шилизи гъуни буциб.

СагъхІедиахъубти дяхъурбачила хъумартахъур. Гъачам дуцІикІули, гъачам касикІули, гъачам хІялагарикили гъунила дубла герилзули, – чилилла хІебикънав – бацІ авлахъличив, бяхъибси жаниварван авкайкІули, ваткайхъилри я Ленинградла бугІярдешлис, я гашилис, я къияндешунас мукІурхІекІибси, Европализивад вехІихъили, Япониялизи бикайчи дунъя чедибяхъибси ургъан. Тамашала хІяланани ил залумси Аполлон (илира бикІутири илис), дебали кІантІивакІахъилри. Сунес итцадра дигуси шиличи гъамикІуцад, чархла хІялани деткайхъулри.

Ахъушала ГелахІеркІличи айбХели, берХи хІеригІергъийчибад шал-

Гѐббухъири. Амма Идрис шалали лебай хъули ваэс урузкІулри. Гъуни-ла удибси хІеркІлизи кацІили, бугІярдешличи хІерхІеили, чарх баргаур, дахъхІи дархъдатурти дехІибала дарес хъулухъи, дазала дариб. ИлкІун динна агълула вакил сайри. Илала дудешлис ГІяппас Будун бикІутири, авцІали дус шила будунни кални багъандан. Ил бекІливиубли, шилизиб бахъал мутаГІялимти бучІутири. ИтхІели ХІямшимала ши алавчар шимала ва районталара бархли, адамтази гІилму дучІахъуси центрли калун-сири.

Идрисли, замана беркІес ва дарданас дарман сарливан, дахъал дехІибала ва балга-дугІя дариб. УркІи ца къадар маслиГІятбиуб. «Блокадала Ленинградла агри- гашилизив, набчибад туп чедиберхурли, гъалли ван-заличи цІапІакахъунхІелилра, Польшализив вяхъибхІелилра сен хІебкІи-рара» ибти хумарти пикруми булан урдизур...

Къанси дуги Идрис хъули ваибхІели, ХІябдяргъи ХІямшимала шила чедибси бай заклизирад цакъадар шалГІердухъири.

### Узила кагъурти

Идрис хъули ухІнавхънилис, хъалибаргличилти дярГІиб-дярГІибти яхши-хушлис гІергъи, нешлизи къалабали НухІличила баянти дурахъиб. Нешли чумал кагъар гъадуциб...

Кагъурти дургъба хараббарибси Украинала Донбасс шагъарлизирад сарри. Илдани балахъулри, Керчь багъанданси дергълизив вяхъили, кон-тузиялизи викибси, бахъал цархІилтачил варх ясируцили Германиялизи арукили калниличила, концлагерьтала хІял багъниличила...

Чумилра кагъар делкІихъалли, сунела хъунуйчила гъанбуршули ахІен-ри – ил селичирил хІерлири. Ишданира шилизирад дархъибти чумал кагъарлизиб иличила селра хІебелкІири... Ва, хІера – цагъатІи кагъар. Ахирра, гъандуцес хІейубли, НухІли яргаличилси кагъарлизиб лукІулри: «Дила назикси, дила наб рахъ дебали ахІерси, дила жагъси жайран... Чи-нара ил, сен лехІакахъилрая иличила селра хІебурули? НукІун Керчь ба-гъанданси дергълизир душмантала самолетунани бомбаби челкъухІели-ри дяхъи-хъаслизи викибси – къагъси немецуна гІянжилизиवाद дурайтІи бара чеваргъибхІелира иличила сайри пикриикІуси. Концлагерьлизиб адамти гашазиб бубкІухІелира ну иличила пикрумани ургаси мицІирли калахъунси...

Дургъби тамандиъниличила багъахъурхІели, – даимирулри НухІ, – немецуни нушази бикІутири: «ХІуша ита чардухъи хъалли, хІушачи тус-накъ-сибирцун сари хІерти. Итав чилра калунси тевси ахІен – лебилра бекІибти саби. Се теба хІушала, ита чардухъи? Я хІушаб итаб хІянчи тебси ахІен, – агитация бузахъусири илдани. Дилара бархталара жаваб ишгъунари – чи-биалра мицІирли калесра асубирар, цархІил хІянчи хІе-бикалли, белики, хІяжатхунби алкъанталалра хІянчи бикес. Илра биру-ли, вегІла мер-мусаличиб гъалаб саби... Амма мурталра дила уркІи дила жайранничи гъалаклири. Нуни МяхІячкъалализир цунни гІелар ратурси. Жагати, халати цІудара хІулбазирад хъарагъунти нургъбира гердикІахъу-

ли, ну аркуси поезд чехІебианбиайчи илис гІеларад дуцІрикІуси... Амма нуни итхІели перонничиб илизи ибсири: «Ламартла душмай дехІдихъибти дургъби хІязла уюнти ахІен. Се-дигара биэс асубирар, хІу гъачамлис жагъил адам сарри, белики, ну чархІевхъасли, ялгъузли, цунни марууд»... – Амма илди гъай дурниличи ну чуйнара пашманиубра ва хъул хІевдахъули, иличила бакъес лехІлира», – лукІулри халал узини.

Сай къел-хІерзи агарли ветяхъниличила яра вебІниличила буруси хІябал извещение дакІили гІергъи, сунела хъунуйсра виштІал узисра магъар дихъниличила хІекъдеш бурули бархъибси кагъарлис чарбухъунси жаваб:

«Дила дяхъурби зе чекъурхІеливан сагали рургес дехІдихъиб. Гъачамалра дила чарх ит хабар аргъибхІеливан анарханархІебиуб, – лукІулри НухІли. – Ну алавчар чилра агарси гъумла бацІ авлахъличив сайливан ва ила чинад сабил халаси бурям челябкъухІеливан бизур закибад цІудара хъябхъяла къири, ванзаличибад кахси варачан чедухъи, гъавухъес-викес мер агархІелигъунти хІяланани къакъавакІахъира. Марлира, чина виркусирал хІебаланиубра – чарх гъузгъалдилири, бекІ ласбикІулри, амма мякълаб я наб дарман аги, я дила дард аргъеси аги, – лукІулри НухІли. – ГІур уркІила ракІиб гъалар нуни кариили калунси ва виштІалла изайзирад ребкІибси Мерила халал рузи. Рахъ дебали гІяхІси, рахъ пергерси. Ит хъумартес хІейрули, бахъ дебали пашманни вирухІели гибсиригу илала бегІта наб чула кІиэсилра рурси. Сен къяркъсил къисмат! ХІерагу ца – Цихни ГІямарла цалра рурси наб къадарли хІеруили – цаличибра ца жагати, цали ца хъумартахъесли пергерти! Аллагъла къадарлизивад верцес вирули хІейэс. Се биру, сен-биалра анцІбукъ биубли саби. гъанна хІушара гІяхІли каленая, хІушаб шишимала агарти дуги-бархІи дашаб. ХІуша дигахъуси ва мурталра хІушачи карцІси хІушала игъбарагар НухІ... ГІяхІли каленая...», – даимиублири Идрис узила кагъурти дучІес. Яргаличилси кагъарлизирад «хІушала игъбарагар... гІяхІли каленая, ну гІуршилизи чархІелхъас» ибти дгъби делчІи гІергъи, Идрис тамай гъузгъалдивиуб ва чІумабарили бекІра буцили, гІяйни дуравхъун... Се бируси, чизи сейкІуси, чинаб ва селизиб берцуди бургуси... дила вахъ дебали ахІерси, гІязисси, малхІямси халал узи. ХІела дард камбиахъес, уркІи ряхІятбиахъес, хІу хъули чарухъахъес, хІечил сагадан гъибандилизи ахъес имкан акІеси се-дигара бираси нуни... Михъирлизиб мер къакъали, ила кахІебурцулри, баргбердес хІядурсиван уркІи тимхъбикІулри. – ИтхІели, ит дуги, мицІирли калунси ну гІур бекІлил убкІхІебкІус или гъанбиркусири», – халаси хумардешличил бурусири Идрисли.

Дарданани игуси уркІилис сеннира паргъатбиэс дигусигъуна ахІенри. Илгъуна дардлизи викибси манзил илала уркІилизи ца абдал пикри бакІиб – ацІили сунес у бихъибси Идрис увяхІикили алхунси Барха шурличивад тІяхІкавхъни саби. Унраличирси Гъуруй Мерени, Хала дуги дирути диъла чуднази гъудурдарес гъулуличи вархъибси 11 дусла дурхІя – Идрис, лесла дубличирад гъулу авдухІели, увяхІикайкили алхунсири. ГІяппасхъалани бихъибси Идрис ибси кІиэсил у сабри. Илцадра гъархІе-

бизурси. Тамай ил пикриличи вакѝбхѝейс хулибад висусила виштѝасила – сунела уршила тѝама чехиб, гъчамлис сунени чехѝейбси уршила. Ил назикси тѝама илизи жибикѝулри, ил тѝама гѝалаксаурси уркѝилис дарманван, дагъри чериргъахъуси гѝякълуван чебихулри. Ил тѝамали чевсаргъахъибси Идрис, чили-биалра някъ буцили гѝайварибхѝеливан, вархъли уршила сариличи гѝамиуб. Нешра Мерира, къагъдешлизибван шипѝяргѝили ца шайчи кабиили, вѝащра булхъули ахѝенри. Идрисли гѝамиубли сириличи чебушибси пардав ахъбуциб. Илавад халати цѝудара хѝулбира вякъяили, бицѝиб бацгъунти шалати жагати дяхѝличилси виштѝал шадли пиширхъулри. Сунела марзла урши, сунела гѝязиз жан. Арзили уркурара, илини урши дурайтѝун ва сунела михъирличи гѝяжвариб. Уршира цапѝкаки михъирличи шипвяргѝиб, дудешла уркѝилизи ряхѝятдешра разидешра минадирусиванри...

Дудеш, урши михъирличи гѝинирули, хуливад къунзухъун. Илала жихѝли сунела михъири ванабирниларе авара аги илис. Ил пикри-викѝулри: «Хѝера, гѝямру ишкъяйда далан даимдирути. Илди даимди-ахъес, дурхѝнала челябкъла шаласили биахъес, улка азадсиле биахъес ахѝенрив, гѝари, нуша дургъути? Аллагъла къадуртикѝун нушани дарсдарес дирути ахѝенра, – сунени сай паргъаткайрули Идрис...

Нешра Мерира ил анцѝбукъли декѝси муэрлизибад чебсаргъахъибти-ван вѝащбухъахъун. Илдала уркѝбачи аибси «миъла къат» бицѝес бехѝибихъиб. Шала вѝащдухъири, ахирра ахир, чумал бархѝли гушли калунси Идрис, сай верцахъибси Бяхѝцѝа къя ниъла пигъала бержес хулухъун-хѝели. Нешра Мерира къалабабикиб илала мурад барес. Михъирличив ускауни уршира нешлизи велили, ниъра хупѝдарили, Идрис даимиуб Нухѝла кагъурта учѝес.

### **Гѝергъиси кагъарлис жаваб**

Цархѝилти хатѝли белкѝунси, цархѝил мягѝнала хабарли сунечи пикри битѝакѝиб: «Касира гѝела гѝергъиси кагъар, ахѝерси Нухѝ, – лукѝулри илизи рузи Маръямли. – Хѝу алхъниличиларе къел-хѝерзи агарли ветахъниличиларе бурути кахти хѝябмузанти дакѝибхѝелира хѝела нещра хѝела руз-бира бисибибти ахѝенри. Сенкѝун илди бирхарули ахѝенри хѝу мицѝирли агниличи, чархѝелхъниличи. Хѝела гѝергъиси кагъар бакѝибхѝели биалли, хѝела нешла ва узи-уршила юртаназир биса-яс сарри. Чичиба гѝяй-иб – хѝу гѝяхѝил пикриухъен, Нухѝ. Камлив илдигъунти ва гѝатѝиралра кахти анцѝбукъунира дургъбани харабдарибти къисматунира? Ахѝерси Нухѝ, хумармадирид бахъ дебали хѝу дигути, хѝечи карцѝти хѝела нешла, узи-уршила уркѝби. Чарухъен! Хѝу сеналра чарулхъниличи нуша дир-хулра. Хѝечи кагъар белкѝес кариилихъалли, хѝулбазирад дашути нургъ-би тѝашаэс хѝерирули, илди кагъарличи кѝантѝкадикѝули, хѝябал кагъар дарсдарилра. Аргъа хѝуни нушачибси хѝял. Нешла ва узи-уршила шайзи-рад хѝела рузи Маръям» (Ил дила неш сарри)

Ил кагъар бучѝуси Идрислира цаагили хѝулби хѝяршдирули. Гъар секѝал гъандуцес гѝядаблири. Илгъуна маслигѝятла кагъар белкѝунси



рузи Мерьямлис баркаллаикІулри ( ил НухІличи бархъибси кагъарла нургъбани иркибси копия саби).

БелчІи бегІла гІергъиси кагъар таманбируйхІейс, ца гІяхІил шаладикили, Барха шурличибад уруз-хІяцІли гъаббакІили, берхІили сунела нуршиличи тІинтІдирулри. Кагъарлизи биалли НухІли лукІулри:

– Аллагълизи дезадиаб ва баркалла биаб хІуша лернилис. МаслигІятла жагати дургъбани дила уркІи ряхІятбарнилис, ванабарнилис. Аллагъли къадарбаралли, чарулхъас нура. ГІямрули набзи къаламла мерлаб (ил даргала газетала редакциялизивад сай гІяхІулали фронтлизи арякъунсири) ярагъра дурубра касахъиб. Дабрумала устара ветаурлира. ЧарухъунхІели, хІушаб лебтасалра жагати дабруми даресра чейсулра...

Ил кагъар белчІи гІергъи сабри Идрисли халаси гъигъбушибси ва хъалибаргла ихтилатлизи гъудуриубси. Ил бархІи илини къасбариб узи левси мерличи – Донбасслизи сеннира ваэс.

... Дила дудеш ГІялиев МяхІяммадра Идрисра НухІличи букъес дигниличила аргъибти тухум-агълу, НухІлис гъунгелти хили, нушачи музабухъун. Дургъбас гІергъити дусмазиб яшав къулайти камлири, амма гІядат илгъунари ва ламуслизиб лебилра шанти цаван сахавагти сабри.

КІелра илди дургъба хараббарибси Украинала ванзаличи –Донбасслизи – сабаиб. Сабаиб вершабазибадси урехи, камли хІебиалра къацІла бутІа багъандан илди чи-дигара кавшес хІядуртири...

Ясирлизибад чарбарибти бузахъуси, ванзала удибси шахталичи кІелра илди ахирра-ахир бархъбизур.

Дарх касибти ваяхІла мякълав Идрис ватурли, МяхІяммад шахтала ухІна аркъули сай. (Ил секІал барес буресван гъамадси ахІенри: илди гъунти мер-муса чІумаси хІерудилиур дирутири ва сахъдешлиур дихІутири). Идрисван ахІи, МяхІяммад (дила дудеш) имцІали серхурсири, бажардичевси вири. Рузила мурул шахтализив вагъариъниличи НухІ дебали тамашавиуб.

КІелра илдала ургаб бетаурси ихтилатлизибад:

«Германиялизир дирухІели, илдани нушази дурути хабурти хІясиблира, нушала аслу-минализив чи-биалра мицІирли кали виалли, ил хІу ургуд или гъанбиркусири. Ил багъандан сабри дила цаибил кагъарра хІушачи бархъибси. ХІела хъалибаргличирад дашути кагъурта ну гІямруличи сагадан хІеризахъурра. Баркалла, хІу илгъуна виънилис», – НухІли рузила мурул кІапІуциб.

Шахтализивад дурабухъи кІелра илди гъаланачи карантинна хъули кабиб. КъалабахІебикІули, кадикибти анцІбукълумачила гъайбухъун. Сунела хъунул виштІал узис къадарриънила сабабгачилара буриб. Сай мицІирли калниличила багъурхІели, Идрис сегъунти хІяланази, анцІкъи-шишимтази викибал буриб. Амма сунечил варх Идрисра левниличила МяхІяммадли илизи гъанхІебушиб. ХІебуриб НухІла уркІи цакъадар рахІятбиайчи.

Дарсехъибти хІяланачилти кІелра илди ахирра шахтализивад дурабухъун ва... Идрисличи гъамбиуб. Идрис хутІли вяхъибсиван харчизур.

Ил чеили, НухІ гъузгъалдивиуб:

– Иш муэру, хІуруцІу?!

Амма ил муэр ахІенри – илала хІулбала гъалавси снела дулекІла узи Идрис сайри! Ахирра, НухІли иличибяхІ ганз кацІиб... кацІиб узичибяхІ ганз Идрислира.

ЛехІдешлизиб хъябруцбикили, цаличи ца цапІаки, илди бахъІи калун. ГІянцІси ил лехІдешлизиб дулекІла узбани гъар секІал аргъиб ва гІямрула гІямрулис узбили – адамтили калун.

Дила дудешлис, бурули къяйда, НухІ илавад хъайгІи савкес имкан-бакІибсири. Мар саби, НКВД-ли чуйнара хъусвариб, суданази викахъиб. Ясирикнилис НухІ гІяйибла вегІ хІейъни, нушала хІукуматличи къаршили селра хІебарни белгибарайчи, Буйнакъскла туснакълав калахъун. Ца хІябал базла гІергъи шилизи чарухъи, даршуси бузерилизи ахъиб. Сагали хъали-ца дариб. Жагаси кулпет абикъур. Амма итхІели ясирлизиб калунти хІукуматла илцад-декІар уркІецІила хІерудилиуб хІебири...

### Сагати гІямру

... Идрис школализив учительли узулри, хъунул – Май колхозла складлизир. Военное делела дурсри кадирхъули, шила школала дурхІни «акробат Идрисли» сагъ-саламатли дебшлабирулри.

Партархивлизиб иличила ишгъуна белкІ леб: «Республикала школа-бала военрукунала ургав Идрис ГІялиевич ГІябасов бегІлара гІяхІтигъунтазивад сай. Жагъилти-ургаб илини халаси хІянчи бирули сай чеабиуси наслулис бяркъ бедлугнила шайчиб. ХІямшимала школализиб ГГО-ла 40-йчибра имцІали значкист хІядурбарили сай. Чебетаибси хІянчи бирули саби илини бекІдеш дирусси осоавиахимла первичная организаци-ялира...»

Идрис пагъмучевси мугІяллим, поэт, художник, музыкант, пагъливан, масхарачи... Чинавалра валиркес балан, цархІилтира балбиркахъан. Тамашала хабарчи. Илизибад сабри нуни Фадеевла «Жагъил гвардияличила» бегІ гъалаб аргъибси.

Ил хабарли дила уркІиличи халаси асар бариб. Чумал дуги-хІери русхІеунра. МицІир-мицІирли шахтабази лайбакІилри жагъил игитунни. ГІур дакІубухъун илдачила бурси кинора. Адамтала гъабзадешра душмайчи гъмира сипатдирусси, гъабзадешличи-гъунартачи жибикІуси хабар. Бахъла гІямрулизиб, дахъал анцІбукъуназиб гІибратли бетаурси хабар.

Кино дурабухъайчи, ил хабар тикрарбирахъули, нуни Идрис инжитируссири.

Дургъбас гІергъити дусмазиб шилизиб мугІяллимла хІянчи камси ахІенри. ХІукуматла шайзибадра илди къулайдешуначил гІеббуцилри. Амма Идрисла уркІи паргъатли ахІенри. Къулайдешуназивад мяхІрумси, хъали-цІализирра дархибдешуни детаурси халал узила гъалаб адаб-бирулри. Илала гъалав вагъаризэс урузкІулри.

Ахирра ил кулпетличил шагъарлизи гечиуб. Сай Гярмиялизи арукъяйчи узули калунси даргала газетала редакциялизиб сагадан хІянчи баргиб.

НухІ биалли шилизив калун. ХІулба чебаибси някъба бируси уста вири. Хаслира мурул адамтала палтар жагали ибусири. Районнизиб артельра цархІилти устнира лебли биаллира, мурул адамтала палтар дирбахъес имцІали башутири. Илини палтар цархІилтаничир жагали дургІели ибусири. Ил викІусири: «АсухІебирар цархІилтас гъаветухъес, вегІлис яшав барес биалли, илра баибси саби».

Гур ил колхозла мирхъичи ветаур. Халаси варъа кайси. Чинав-биалра зягІипси левниличила аргълари, дармайс иличи варъа биахъи. Мирхъи сай вегІтира дири. Илала юрт пуш гъунила мякълабри, лаг-кат башути-ургаб иличи бухІнайхъути камхІебири:

ЦабехІтала илини жагали бурги далдири, одеколонни пурхдири, лямцІдулхъахъи. Чила-биалра палтарлизиб нукъсандеш чебаалри, чеббатахъурли, ил балбурши. Варъаличил чяй гъаладирхъи. Адамти дигахъуси, гІяхІдеш барес хІядурси, пагъмучевси, дахъал дучІуси вири. Дунъяличир кадиркути анцІбукъуначила хІебалуси хІебири. Илдачила бурахъесра иличи хасли гъаббикІули бири.

Гямру деркІиб, ца адамла уркІи хІебамкъахъи.

Абикъур жагаси хъалибаргра. Шелра урши-рурсилизи чебяхІси даражала багъуди казахъиб. Сунечи мешути адабчебти бетаур дурхІнира.

## Повесткаличила

Идрис дяхъурба сеналра паргъатли валтули ахІенри. ЦархІилти дяхъурби халхІедараллира, иличибад туп чедиберхурли шалгІеббухъниличила, лига-къякъя дячниличила гъанбушаллира биур.

– ИтхІели, – гъанбиркахъули вири Идрисли, – дявила майданкад чедидерхурти самоходкабира цархІил журала танкаби-тупира... цадехІлизивад гъавухъунси, сеналра цархІилла уди виркусири. Нура бахъал цархІилтиван тупла удив вагъариубра. Ганзкарили, чедибад арбьякун. Айзес чина хабара! Чумра мерличирад лига-къякъя дячун. Халаси гъаза барили, алавбакІибтани, носилкабачи кайхъили, госпитальлизи ваахъибсири...

1959 ибил дуслизив Идрис хъалибаргличил шилизи чарухъун. Ил тамай зягІиплири. ГъаббакІес башутази, мурталраван масхара бурули, ил викІусири: «Итабад (хІябрачи лишанбарили) повестка бакІили, шилизи чарухъунсира».

Гямруличи карцІси, адамти дигуси, поэт, художник ва пагъливан Идрис 1959 ибил дусли августла 5-личив таманкайубхІели, ил авцІали дусалра виубли ахІенри.

Илдала халал узи ГъазимяхІяммад биалли, «къел-хІерзи агарли бетахъибтала» лугІилизив калун. Иш белкІла бехІбихъудлизиб ил левси полкли дарибти гъунартачила, ГъазимяхІяммадли, гъуни агаркъира, су-

нела къакъличиб халаси ахъдешличи туп чебяхІасниличила бурибсири. ГПур полкла гъалав ил мурталра гІибратлис урусири.

Бугаси пагъмула писатель Ильяс ХІясановли Идрисличила гъаман бурули вири: «Ну дебшлаварибси дила дигуси унра ва учитель, гъарли-марси Аполлон вири».

Илди узби ГІяппасхъали, дебали цІакъти, пагъмучебти, жагаси тІамаличилти, жагати хатІличилти, хІулбани чебаибси някъба бирути устни сабливанра лебтанилра бурутири.

### **Хабар ахІен иш, кахси хІекъдеш саби**

ХІябалра узи: Гъази, НухІ, Идрис. ХІябалра дургъбала къурбунти. Ца чархІевхъун. КІел чарбухъун. Финский дергълизив къел-хІерзи агарли ветахъибси халалгъуна Гъазила ца рурси ПатІимат калун. 50 дусличирра имцІали учительницали рузули сари. Идрисла хІябал кулпет гІелаб калун, неш Майла някъбачи хъарбикили. Загс агара или сабабра бурили, илис хІукуматли сегъунсилра пенсия кахІебзахъур я кумекхІебариб. Халал узила Загс бехъахъубли, ил сагабарахъес чилра музахІевхъун, адаб-билзули.

НухІла шел кулпет леб. Лебилра адамгачи дигичебти, хІурматла тухтурти. МугІяллимти...

Халалгъуна узи ГІяппасла ГІябдуллагъ, сунес гІелабадкабиркниличи, къияндешуначи хІерхІеили, калун Аллагъла гъуйчив шаригІятла законт дархъли дузахъули:бебкІибти жагали ахиратлизи гъуниббалтули, зикруми-мавлидуни дирули.

ХІулба чебаибси някъба бируси черикІла устара сайри, кулпетлис яшав барес узули, жагали чебетаибси хІянчи бирули.

Аллагъли саби Алжайзир мерани хІядурдарибтазибад биахъаб.



# Дагъиста тарихлизибад

МяхІяммад ТАХСУРМАНОВ



## ХАБАРЛА ЧЕКИСТ

*«Чекистла хІянчи бузахъес вирар  
чІянкІли сагъ-саламатси бекІла,  
буцІарси уркІила ва умути някъбала  
вегІлицун».*

*Ф. Э. Держинский*

Дагъиста машгурти адамтала, жамигІятла-политикала хІяракатчи-бала ургаб хабардерхурси чекист ТІалхІят Сурхаев дахъал миллатунар Дагъиста МВД-ла бузери гъалабахІ арбукнилизе, законті дулъантачил баришдеш агарси дяви бузахънилизе мекелли халаси пай кабихъибси хабарла адам сайри.

УркІила дигиличил чеббикІибси баркъудилис чула саби бедибти, чула гІязиз жан, устадеш, бугаси пагъму, арагІерли цІакъани ахІерси ВатІайс ва халкълис дедибти дубурлан гъубзназивад ца сайри микІхІен ТІалхІят Сурхаевра.

Сунела къасани, пикруми, адабла черяхІти къ依ликъуни дубурла урунжла шинван умути, гъар бархІила хІянчи уркІила ванадешличил, иштяхІ-гъираличил тамандируси, хІянчизартачи дигиличил, бутІацугдешличил хІерикІуси, музаухъунси-дугъаизурсила мурад бируси, илала зугІлуми иргъуси хІяким сайри ил.

Сецад хІейгеси биалра, гъанна халкъла зугІлуми, челукъути иргъути руководителти дебали камли саби. Илди халкълизибад къяббердили саби, автоматуначил чус къараултира гъала кабатурли, дигІянбикили саби, чили-биалра хІебалтутиван.

Ил – 1954-1962 ибти дусмала манзил – хІекъли къиянси – такъсирчиба, хъям-къацІли, хаинта, къачагъуна, пачалихъла ва халкъла лебдеш пулукІбирута берчурси манзил сабри.

МВД-ла отделтазир – министрла къуллукъличи бикайчи 45 дусла гІямрула ва бузерила къиянси ва бархибси гъуни ахъибси Сурхаев ТІалхІятличи халати жавабкардеш хъардикиб. Илала гъала дебали жаваблати масъулти лагдизур. Амма министр бузерили гъатІира дебшлавариб: ми-

нистрла кјуллуќ бузахъес илала баарила къадар баѓудира, паѓмура, устадешра лерри. Ил бегІлара къиянси замана министрла кјуллуќљичи гъалаихъес сабаб-хъулчира лерри: Лавашала РОНК-ла уполномоченный-ла кјуллуќљичивад вехІихъили, лерилра даргала районтала МВД-ла ва НКВД-ла отделтала начальникли, УМВД-ла начальникли, ДАССР-ла МВД-ла кадрабала отделла начальникли, МГБ-ла хасси инспекцияла начальникли, ВагІа дјавтала замана истребительный отрядунала начальникли калунсири. Илкъяйда цаибил ганзухъљичивад вехІихъили, ахъ-анайљичи ацІиб. КъантІли буралли, Сурхаевли ДАССР-ла МВД-лизиб хІебарибси хІянчи мажахІят кали бииши.

Даргала халатигъунти шимазибад ца саби МикІхІила ши. Лавашала районна ил шилизив 1909 ибил дуслизив хъубзарла халаси хъалибарглизив акЉубси сай ТІалхІят.

ВиштІали левалли, хъубзарла бузерила тІем-тІягІям даѓур. Амма илизир белчІудилічи иштхІ-гъира жявли акЉубтири.

Пачала хІукуматла замана белчІуди касес вирулри чІянкІли яшав лебси адамљицун. 1923-1925 ибти дусмазив, сунечиб биштІатас икъалара бирули, шила хозяйствотолизив узули калун.

1925-1926 ибти дусмазив ТІалхІят МикІхІила бехІбихъудла школализив учІес вехІихъиб. 1927-1931 ибти дусмазиб илини Шураѓаб (гъаннала Буйнаќск) рабфак таманбариб. Рабфаклизив ункъли учІан сайлин комсомолла къяянази къабулварибсири. Илаб белчІудилизиб хасли декІарбухъунти ученикуни баѓуди ахъбуцахъес ва санигІят касахъес МяхІячкъалализибси Кадрабала юртлизи бурхъутири.

Гъабкъябала къукъялизив паѓъмучевси ТІалхІятра левсири.

Ит бархибси манзил МВД-ла урехи хІебирахънила органтазиб бузахъес белчІудилизиб гъалабикибти, спортлизиб гъалабикибти, жамигІятла гІямрулизиб жигарчебти жаѓилти чеббиркІутири.

ЧеббикІибтала къукъялизив Сурхаев ТІалхІятра левсири. Ил – 1933 ибил дус сабри. Жаѓъти гІямруличиб ТІалхІятли СССР-ла НКВД-ла бекІлибиубсигъуна школа таманбариб. (1933-1934 ибти дусмазив) узес вехІирхъуси жаѓъси оперотивник гъала-гъала оперуполномоченныйли ухахъес Лавашала районнизи вархъибсири. Илала гІерѓъи 1937-1943 ибти къиянти, дархибти, низамагарти дусмазиб гъалабла давлачебтани Совет хІукуматљичи къаршиси дяви дакІу-ѓаргли жигарчеббарибсири. Советский законті къяркъли дуљъуси, такъсирчибани улка берчурси замана Сурхаев НКВД-ла, МГБ-ла декІар-декІарти жавабла кјуллуќъла хІянчурбазив калун.

ТІабигІятли бедибси паѓъму, урехи агри, сахъдеш, челябкъуси секІал гъала хили бурес бажардиирни пикрилизи касили, Сурхаев Лавашала ва Ахъушала НКВД-ла начальникла кјуллуќљичи катурсири.

Итди дусмазиб оперативный хІянчизарти ца мерљичиб дус байхъала сабри бузахъес балтути. Илди дусми Даѓъиста историялизир хъисхъала душиван дархибтили, гъузѓалдидешли ва урехили дицІибтилира кавлан.

ИтхІели коллективизацияљичи къаршити, ил бетхІеберхахъес тур-турли гъазали кабизурти, къабулагарти ва кІиуркІти бахъал лебтири.

Совет хІукуматљичи къаршили дурабухъунхІели бячІунтани сагали

букри ахьдуцилри. Илдани пачалихъличи кършили пунтани дехдурцулри, гядлу-зегъа, низам-къяйда дулъулри.

Кулакунани колхозуни кадизахъниличи кършили дяви бузахъусири. Илдани колхозунала лебдеш талапбирулри, шила хозяйствола жура-журала ваяхI, машинаби дигIянали заядирулри, шила активистуни, партийно-советский хIянчизарти кабуршулри, советский учреждениябази цIадуршулри, лебгIеб иманагартани халкъла напакъа бухIнати складуни цIали игулри, уртахъси хозяйстволиси хIебедес багъандан, сегъуналра гIягIнидеш – чараагардеш агаркъира унци лугъулри, урки, дукI-дураз дялчулри, цIали игулри, мазала-мас, хIяйван-къача, талапдирулри.

Чумлизира ясани дарахъибси, шишимти чедаахъибси, агъу держахъибси манзил сабри ит. ИтхIели милицияла хIянчизартала гьалар лергIер жаваблати масъулти тIашлири. Ишав сеналра хатIаикес асухIебири, хатIаикни биалли – адамла гIямру заядарни сабри.

Гьар адамличил декIар-декIарли хIянчи бирес гIягIнилири, ил гьарли-марси хIукуматла кършикар саял яра гьир-кусварили чевалкIахъунси саял якъинни белгибарес гIягIнилири.

ИтхIели духIнарти къуллукъунала хIянчизартас халати сахъдешра, изуси уркира, чIумадешра, бархъдешра, хIялалдешра, бузерила опытра чараагарли диэс гIягIнилири.

Ит бархибси, къиянси ва ибкъси замана ТIалхIят Сурхаевличи халати жавабкардешла – НКВД-ла начальникла хIянчи хъардикиб. Хала бегIтала гIядатуна, гIямрули вяркъурси, къиянтазив дебшлавиубси гьарли-марси патриот ТIалхIят илди жавабкардеш мардарес, баркалла сархес, хIянчизартас бекIдеш дирнила устадеш чедаахъес гIягIил бажардикиб. Гьачамлис кърхIебарили лебалти Гоцинскийла къачагъунани ва жамигIятлизирад къябкадердибти къукънани халкъла лебдеш хъямбирулри.

Буребала бехIцадалра гIяйиб агарти адамти кабуршулри, някъбазир ярагъличил хIукуматличи кършили дурабулхъулри, Совет хIукумат агарбарахъес халкъ гьирбирутири, жура-журала хIиллурти дурадуркIахъес халкъ кусбирутири.

Илди гъай-мезла дайлав сайри оперативник Сурхаев, сунени бекIдеш дирути хIянчизартас мисал чебиахъули.

ХIерая, ТIалхIятла урехиагардешличила се бурулил СССР-ла урибси чекист, МВД-ла урибси хIянчизар, отставкаличивси полковник Расул Халиловли:

«Сурхаев – гьар мурталра гIямрулис урехилати анцIбукъунала дайлав вири, умутагартни ва урехилати аги-къяйдализив узес бажардирки. Илала гIямрулизиб биубси ца ишгъуна анцIбукъличила бурис. Гьачам ЦIумадала районна ца шилизиб хIябал къачагъ уббилхъули леб или МВД-лизи багъахъур.

Ил урехиласи ва жавабласи операция дураберкIахъес хIялумцIурси чекист ТIалхIятличи хъарбариб. Илис кумеклис МВД-ла хIянчизар Муррад Мукайлович Муратхановра ил районна НКВД-ла начальник ГIялиев ПатяхIра декIарбарибтири. ЧIичIалаван далкIунти дубуртала дукъбачибад гьачам мурдали, гьачам хъурали башули, хIябалра гьабза архIяли батбихъиб.

Оперативникуни ца шилизи абаибхІели, шила дублаб, бурхла удиб, ихтилатбикІули хІябал хъунул адам баргили саби. Илдази хъарбаибхІели, «Валлагъ, нушала шилизиб урхІла адамти агара» или, жаваб бедили саби. Сахъти оперативникуни тянишли ахІенси шила къакъурбикад къунзбухъи саби. Ца бурхла удир жагали делшунти мурала бекІнани илда ла пикри битІакІили саби.

ТІялхІят, мурала бекІа халтІбирули, тІинтІбиресвяхІили сай. Илаб оперативникуни тамаша-хІяйранбиубли саби: мурала бекІализибад, шайтІа къапІниван, хІябал къачагъ дурабухъунхІели.

ТІимкълизи бикибси гурдаван, гІяшдуцили букІрира, андаличирад хъара-хъарагъунти майала кІунтІрира гердикІахъули, руржули тІашбизурли саби. Ахъри биалри илди, гъайгъайра, ванзалиу кабурхи. Илдазир кІел хъярбукан тапанчара хІябал ханжалра даргили сари.

Ярагъра керасили, илди арбукили, лайикъси танбихІ барили саби.

Илдигъунти къиянти ва гІямрулис урехилати анцІбукъуни, баркъудлуми, архІяби Сурхаевла гІямрулизир дахъал дири», – буриб ихтилатлизиб полковникли.

Гъар чинавалра чеветаибси сайри ТІалхІят.

ТІалхІят Сурхаевла пагъму, гъунар, хІянчила устадеш, сахъдеш, гъабзадеш, духудеш, тІалабкардеш, жавабкардеш, гъайлис мардеш, вегІла мер-муса, ВагІан дигахъни, дипломат тяхІярли гъайикІнила устадеш, дургъбала гІилмуличи вегІиъни, – лерилра илди кагибси дубурланна ва патриотла къиликъуни, хасданра гІячихъдиуб ВагІа ЧебяхІси дергъла ва илис гІергъити дусмазир.

ВагІа дявтала замана Германиялизиб хІядурбарибти агентуни, хаинти Дагъистайзи бурхъутири. Илди имцІаливан парашютуначиб кабалтутири.

Илди Гитлерла агентуни имцІаливан хъарихъутири Совет хІукуматличи баришкабиубтала гІердарили, иличи къаршити, ил агарбарес се-дигара барес хІядурти вершабачи, къачагъуначи, гІярмиялизиб къуллукъбарес хІейгули дигІянбикибтаци.

Душма агентуни бузулри Дагъистайзибси аги вайбиахъес, жамигІят пашкабехъахъес, гъузгъалдидеш имцІадиахъес, халкълизир кІиуркІдеш ва Совет хІукуматличи разиагардеш акІахъес.

Фашист гъармукабани тыллизир дурадуркІути жура-журала зарулти тІашаънилизе, илди дурадуркІути пужбарнилизе, бурцнилизе, агарбарнилизе, бурес агарли халаси пай кабихъиб Сурхаев ТІалхІятлира. 1942 ибил дусла августличиб фронтлизибси аги вайтІабикибси замана, Дагъиста дазуличи дургъби садаибхІели, тыллизибти душма агентуни хаинти, къачагъуни, дизертирти душман гІевуцили, Советунала пачалихъличи къаршили бургъесбяхІиб. Илди хІерлири Гитлер чедииркур или.

Къачагъуни бурцахъес ва къирбарахъес Дагъистайзир хасти истребительный отрядуну акІахъубтири.

Илдигъунти отрядунас бекІдеш дирули, гъабзадешличил ургъули, ВагІа хаинти бурцули, жан хъябла дигъи ургъи чекист Сурхаев ТІалхІятра.

1942 ибил дусла октябрьличиб Цумадала районнизиб къяркъти хІиллурти дурадуркІули, азадли къунзбикІули ярагъли бегІбиубти, гІямру-



лис урехилати къачагъунала къукъя лебниличила Дагъиста МВД-лизи багъахъур.

Ил къачагъунала къукъя буцахъес МВД-ла хъарихъли сайси – ТПалхІятра истребительный отряда бархъиб. ТПалхІят Цумадала ва-цІурбазив, дубуртазив умцІули къачагъуни буцайчи байхъала баз калун.

ВагІа дявтала къяркъти дусмазиб дургъбази хІябукъес багъандан ва-цІурбази дигІянбикибтанира къачагъунанира даршути шимала халкъли-чи гъуж-зулмурти дирулри.

Ярагълабиубти къачагъуни цугдугила замана хъулрази бухІнайхъ-урли, тиладибикІахъули, бисахъули, итира мискинси яшавла бегІтала лебдеш кебисулри.

Муйли, дудешхъали гІярмиялизи арбукили гІелаб калунти хъу-нул-дурхІя халаси урехилизиб хІербирулри. ВацІурбала къачагъунани гаша хІебекІес ташабад лябкъути лугІутири.

Илкъяйдали илдани чябхъинти дирулри колхозуначира учреждение-бачира. БархІиличи бархІи хъям-къацІ дахъдикІулри, гуж-зулму цІакъ-дикІулри.

Илдани колхозунала ва учреждениебала руководительтира цІум-бикІахъулри. Лерилра илди аварали халкъла иш бурала гъанбиркахъули саби: «ВегІла хура ваталли, дугІла буцІара валта» ибси. Марлира, вегІла душманти гъатІира вайти ва урехилати буили саби дуралайтачиб.

Ит замана вацІурбазиб бахъал къачагъуни лебри. Илдани колхозла маза ва хІяйванти ардикутири, цацахІели – хІункърира дурзамтира дал-ли.

Колхозла складуначи чебухъи, декъ, ризкъи, диъби, нусби – халкъла лебдеш хъямбусири. Советский учреждениебачи чебухъи, партий-но-советский хІянчизарти, руководителти кабуршутири.

Советский халкълис цагъакІли кІелра шайчиб бургъес гІягІнилири: фронтлизиб ва тыллизиб

Илдигъунти гъар журала къачагъдешличичи къаршиси дявилис бекІдеш дирули, жан хъябла дигъи, дявила дайлав, бекІтала хІулбази урехиагар-ли хІерикІули, игитдешличил ургъулри ахІмакъ микІхІен гъабза ТПалхІят Сурхаев. ВагІа дявтала замана урехиагарли, дуги-хІери, бугІардеш-бу-цІардеш, заб-марка хІеили, къачагъуни буцес къяйцІикІули, дахъал ду-бурти ахъес, дубурла мер-муса, вацІурби, къадурби къяйцІарес чебур-къиб илис.

Илди къиян-жапализив, къалмакъарлизив, къяйк-къуйклизив, ил гъатІира чІумавиуб, дебшлавиуб.

... Сергокъалала вацІурбазиб къачагъунала къукъя лебниличила ха-бар баили саби Дагъиста МВД-лизи. Ил урехила архІяра хъарбарилри ТПалхІят Сурхаевличичи.

ТПалхІятли илди бурцнила план барили сай. ТяхІяр-къяйда белгида-рахъес гъала битІли ила оперативная группа бархъили сай.

ТПалхІятхъали ила абаайчи опергруппали къачагъуни чина мерлабиу-блил, илди чум лебал – гъар се-секІал белгидарили, начальникла буй-рухъличи хІерли буили саби.

Сунела хІянчизартачил Сурхаев вацІализи вякъи сай. Къачагъуни

алавбуцахъес буйрухъбарили сай. Оперативникунани къачагъунази, дугли хли кахлертлахъили, някъличи баклахъес буйрухъбариб.

Къачагъуна биалли жавабла мерличир къяйк-къуйк дехидихъиб. Илди байхъала сягятцадхли духъяндитунти къяйк-къуйклизив къачагъунала халалгъуна кавшили сай ва ца вяхъили сай. Ца милиционерра декли вяхъили сай, гурилти къачагъуни, ярагъра лайдаклили, мукгурбаклили, някъличи баклили саби.

Илдигъунти анцбукъуни Палхятла гямрулизир чумдехира диуб.

Сунела районна мер-муса ункъли далуси сайли илабси аги гъунчи-бикахъес ДАССР-ла МВД-ли Сурхаевличи хъарбариб. Хъарбаркъ таманбарес хяралаб хярхяван хядурси Палхят хъархъли Лавашав вагъариуб. Лавашала НКВД-ла хянчизартазира багъахурли, сунени далути мер-муса умцес пикрибариб.

Хъямчибачи вархъизурли, Сурхаев къачагъунала халалличил гъайухъи сай, саби НКВД-ла хянчизартани алавбуцили биъниличила аргъахъили сай.

Чула аги вайтлабикни багъурли, къяйк-къуйк, кабушибти-бяхъибти агарли, хли кахлертлахъили, ярагъра кадихахъили, къачагъунала къукъя някъличи баклахъиб.

Илкъяйда гямрулизив дахъал къиян-жапаличи, урехи-бевклиличи вяхягибсицун адам урклецичевсили, мяхкамсили, гякълучевсили, душмайчилси дявиллизив чумаси вирар. Тяп илгъуна сайри чекист Палхят Сурхаевра.

Ватла дявтала манзиллизир Сурхаевли гъанкли агарти дугурбира, паргъатдеш-ряхятдеш агарти бурхинира, халати жавабла къуллукъунира устадешличил, жавабкардешличил дузахъутири. Илис бикъридеш дирули сари илала хурматла уманира, грамотабанира, , Хунтлена Зубарила, Хунтлена хурматла байрахъ ордентанира медальтанира.

Сурхаев чуйнара Дагъиста АССР-ла Верховный Советла депутатли, КПСС-ла Дагъиста Обкомла членни викибсири.

1953 ибил дуслизив пергер чекист Палхят Сурхаев сагали аклахъубси Избербаш шагъарла округла МГБ-ла управлениела начальникли катурсири. Избербашла округ убкасибхели, ил СССР-ла МВД-ла чебяхити даражала школализив улахъес Москвализив вархъибсири.

Курсани тамандарили гергъи, бахъал хянчизартас бекдеш дирнила устадеш лерни, санигят ункъли бални, пикрилизи касили, Палхят Сурхаев 1954 ибил дусли апрельличив ДАССР-ла духинарти къуллукъунала министрли катурсири. Пенсияличи арукъяйчи, 8 дус ил жавабла къуллукъличив калун.

Партияли ва пачалихъли Сурхаевличи бихъибси ил бурес агарли халаси игъдибар сабри. Министрли ил хурматла ва ахъси даражала у марбарес багъандан сунела опыт, цакъ, гъунар, пагъму дягичаиб.

45 дусли гямруличив министр ветаурси Сурхаевли МВД-ла хурмат ва къадри ахъдуцести, бузери къулайбарести тяхурти далдуциб.

Республикализирти гядлу-зегъа, ва низам-къяйда лайикъси даражали дикахъес, пачалихъла талабуни гямрулизир детерхахъес, пачалихъла ва халкъла лебдеш мяхкамбарес, такъсирти камдиахъес, халкъ ряхятли, урехиагарли хербиахъес чекайзурли узусири ил.

Низам-къяйда, гІядлу-зегъа ахъси даражаличи айкахънила гІяхІдешли жамигІятла бухІнаб урехи камбиуб, адамти бархІехъуназиб урехиагарли къунзбикІес, урхъудубла, парканази шадиб башескабииб. ГІядатла ахІенти къиян-жапаличи хІерхІеили, ТІалхІят Сурхаев ДАССР-ла духІнарти къуллукъунала органтазив 30 дус хІялалдешличил, бархъдешличил, хІурмат-хатирличил узули калун СССР-ла ва ДАССР-ла МВД-бала, партияла Дагъиста обкомла, ДАССР-ла Верховный Советла ва илала Президиумла баркаллаличи лайикъикиб.

30 дус... Ил бузерила ва гъабзадешла гъунар саби. дубураван битавси, урхъуван мурхъси яхІ-сабурла дурхъаси лишан саби.

Илала хІялалси ва асилси бузери хІисаблизикасили, Сурхаевлис «СС-СР-ла урибси чекист», «МВД-ла урибси хІянчизар» ибти хІурматла уми дедиб.

Сурхаевли МВД-ла хІянчизарла у ахъси даражаличиб бихниличила, серхурдешличила, хІурматличила, бурули саби барх бузули калунти МВД-ла хІянчизартани.

«Къиян бакІибси, чарулхъан-хІелхъан бикІуси мерличи укъес Сурхаев хІядурли вири. Уъмуъагарли дахъал къиян-жапа, балагъ-къадар, гІелумхІейзури чейси илини.. Гъаргдарес хІейрути такъсирти сунечи чейси ва илди ахирличи диркахъи. Илис гъар чинабалра ва селизібалра чебетаибдеш дигахъи.

Пачалихъла ва халкъла лебдеш пулкІуцІбирантачи къаршили уркІеци агарси дяви бузахъи.

– Сурхаев кайзурси, кагибси, чІумаси гъабза ва ахІмакъ руководитель сайри», – гапикІи иличилаАбакаров ХІясайни, ДАССР-ла МВД-ла цаибил генерал .

«ТІалхІят Халимбекович – вархъси, хІялалси, халадеш-хамдеш агарси, адуцалачевси, дубурланничи далдикибти гІяхІти къиликъунала вегІ зугІяйзи викибсилис кумекличи музаулхъуси, паргъатси, адабчевси, амма тІалабкарси, чекайзурси руководитель сайри.

СанигІятлис марси, къиян-жапализивад, балагъ-къадарлизивад, уруххІекІуси гъабза сайри», – гъанбуршули сай ДР-ла МВД-ла ветерантала Советла председатель, полковник, гъалавла МВД-ла министрла заместитель ГІябдулбасир ГІялиевли.

– Сурхаев – ряхІятси, паргъатти хІял-тІабигІятла, амма тІалабкарси, чекайзурси руководитель сайри. Илгъуна хІялалси, вархъси ва чеветаибси адам наб гъанналис къаршихІейкиб, – гъанбиркахъули сай отставкаличивси подполковник, ВагІа дергъла бутІакъянчи Аркадий Белкинни.

Дагъистан Республикала дахъал миллатунар халкъанани ВагІа асилти уршбала – патриотунала, гІяхІгъабза багъадуртала хъумхІертести сипатунни мяхІкамли ва халал хІурматличил хъумхІертули дихІули сари.

Илдигъунтазивад сай Сурхаевра.



## Расул БяхӀяммадовлис - 85 дус

*Даргала писатель ва фольклорист, Российская Федерацияла урибси учитель, Дагъистан Республикала культурала урибси хӀянчизар Расул Мусаевич БяхӀяммадов акӀубси сай 1932 ибил дуслизив Дахадаевла районна Меусишала шилизив. Илала дудеш Мусала БяхӀяммакьади гӀяраб гӀилму делчӀунси, шилизиб гъай бузуси адамцунра ахӀи, алавчарти шимала ва цархӀилти миллатунала халкъли булан валуси адам вири. Расул виштӀали левалли, неш-дудеш бекӀибтири. Школализив ил дебали ункъли учӀусури. Илис дебали дигахъи даргала халкъла хабурти ва далуйти.*



*Расулли Сергокьалала педучилище ва Дагъиста пачалихъла университет тамандариб. Дахадаевла районна КӀишала ва Зилбачила школабазив учительли ва директорли, Меусишала школализив, шила Советла исполкомлизив, «Маяк» совхозла парткомла секретарьли узули калун. Илини бузерила адammtала гӀямру гӀяхӀил дяркьур. Ил сабабли илала произведениеби халкъла гӀямруличи гъамти ва кьиматчерти детаур. Меусишала школализиб илини «НикӀа литератор» бикӀуси кружок бузахъусури. БучӀантала произведениебала «Савлила шала» бикӀуси жуз дурабухъун.*

*Халкъла хабурти дурчес ва сунени хабурти лукӀес Расул вехӀихъибсири университетла студент вирухӀейчивад. Илала гъалар-гъаларти хабурти дурадулхъун газетабазир ва журналтазир. Фольклорист сайливан БяхӀяммадовли сунени дучибти даргала халкъла мухӀлила пагъмула произведениебала чумал жуз дураиб: «Даимси ламы» (1977), «Даргала халкъла хабурти» (2006), «Даргала халкъла пагъмула зурхӀяб» (2008), «УркӀила тимхъ» (2009).*

*Дагъиста жузала издательстволи илала хабурти, повестуни, пьесаби ва назмурти кадерхурти “Адамдешла умцла” (1981), “Жавгъар” (1982), “Зиланти” (1991), “Къяббердибси гъуни” (1995), «Къисмат» (2001), «ЧердикӀибти» (2002), «Урши» (2005), «Сабирхъулра субхӀян дусмала дила» (2007), «Заманала гъигъ» (2015) бикӀути жузи дураиб.*

*Расул БяхӀяммадовла повестуначил ва хабуртачил тянишиубсини нуша хӀердируси манзилла бекӀлидиубти аницӀубкьуни, нушала халкъла историяла ца бутӀа, чедаахъили виъни бала. Назмуртазир авторли ишхӀелла гӀямру сунеласун сипатдирули сай: ВатӀайчи ва адамтачи диги, бархъдеш ва гъабзадеш черяхӀидирули, кьиркьирдеш, давлаличи гъаргъдеш, уркӀециагардеш, къачагъдеш далтӀули сай. ХӀялалти, мурхъти уркӀила хӀяланачила бурили саби илала назмуртазиб.*

МягІналасал давлачебси саби писательла сатира. Мулкличи, дав-  
лаличи гьаргьдешили адам уркІеҫІагарси ва ряхІмуагарси ветарахъ-  
ни, сабаб агарли адамличи гІяйибтабиркьни, держличи мусаллатка-  
бирни ва дахъал цархІилти гІямрула зиддешуни пуждирули сай.

Пагьмучевси педагог ва писатель Р. БяхІяммадова творчестволи-  
зиб хасси мер буцили саби дурхІнас хасдарибти «Залум», «Тигрик»,  
«Гурда», «Дудешличил ихтилат», «Къиргьу», «Миғла гІями», «Тар-  
гьа» ва цархІилти хабуртани.

«Жавгьар», «ГІянтІикІа», «Урши», «Дигай ва хІяя» пьесабала ав-  
торра сай. ГІямарла Батирайла уличилси Даргала театрли илала  
«ГІянтІикІа» ва «КъутІкьуси къисмат» бикІути пьесаби хІясибли  
спектакльти кадрихъиб.

Учительтас кумеклис Расул Мусаевичли «Дарган мезла дурсрачир  
грамматический разборти» бикІуси жуз дураиб.

Расул БяхІяммадова произведениеби урусла ва Дагъиста гІяхІ-  
цад миллатунала мезаначи шурдатурти сари. Иллини А.С. Пушкин-  
на, М.Ю. Лермонтова ва Н.А. Некрасова назмурти дарган мезличи  
шурдатур. 2013 ибил дуслизиб илис А.П. Чеховла медаль бедиб.

Дубурла шилизив узуси учительли делкІунти, илис сай-алавти  
гІямрули гІердурибти произведениеби даргантас гІяхІдилзули сари.

БяхІяммадов Р.М. «Ветеран труда» (1987), «60 лет Победы в Ве-  
ликой Отечественной войне» (2005), «65 лет Победы в Великой Оте-  
чественной войне» (2010), «70 лет Победы в Великой Отечественной  
войне» (2015), «За любовь и верность» (2009) медальтачил шабагъ-  
атлаварибси сай. Бузерила чихъти сархибдешуни ва жамигІятла  
гІямрулизир жигарла бутІакьяндеш дирни багъандан Дагъистан Ре-  
спубликала Правительстволи 2015 ибил дуслизиб илис ХІурматла гра-  
мота бедиб.

ГІямрула ралликьяна Зулайхала ПатІимачил барх Расулли верхІел  
урши-рурси абикьур.

Р. БяхІяммадов нушанира 85 дус виғниличил уркІи-уркІилавад му-  
баракирулра.

## **ХАБУРТИ**

### **НАБ ШУТІНИ-КЪУНБИ ХІЕЙГАХЪИС**

БайтІу шуҫІалицад дус риалра, чархлизир ара-сагъли лералри, чи-  
нар-дигара рузес цаќъ лебалри. ХІела хьунуйзи лезми буцахъа или  
сунечи дугъабилзути анҫІбукьни, дурхІя варкъес раибси ил муруй ду-  
гІеибсири. Ил гІеркъаси лезми диргалабулхъули, гІур хъаллариэсра  
риубси ахІенри. Шилтахъла вачарра бузахъули, хІянчилизи-декІар  
гужхІебарахъили, хІерриубсири ил. Гъанна хасданра рузес хІяжатдеш  
аги: дудешли айкъурси уршиличир хІеррирулри, илра илала хьунула  
бузулри. Диргалаухъес илди жагъти мурул-хьуна гъачамлис дурхІяра  
аги. БайтІуни, сари мурталра акьухІели бишиши, шинкъа хьярхьартІи-

ван лезми даим бузахулли. Хела нешли набчи бугтан чебихилину, мезли хериркяхъес бура или, уршилизи гуркъбирхути камбирули ахенри. Уршили нешлизи чуйна-сабил тиладибариб:

– Ягари, дила неш, урхличила шутни-къунби датигу, адамти набзи зигарбикли саби.

Вегла хасият барсбаресичиб, туйчил дубура буркъес гьамадси саби бикливан, Байту рачарихулли:

– Гьа-а, ретилрав?! Рухнараилрану, чаплихли карихили мурхъси къадализи лайраклаба! Хед цахли хебиалли, хела хьунула хура кадарцахъес, цархил шилизи аркъяс, – цаагили ручли ил, уршира уршила хьунула хянчиличи арбукъайчи. Гур, къацлира руки, къалаба-къалабали къакьурбази дурарулхъи ва шилизиб биубси вайси-гяхлиси ахтардибири, къелгеббикли, гьарил анцбукълис къимат луги ва тинтлибири. Рахли шилизиб бетаурси сагаси анцбукъ сунени хебагурли, цархилтани гьалаб багьалри, ил гьасирикли, гьимруркли. Сегьуна-биалра тама гьанаалра, ил ахтардихебарили руэс херири.

Гьачам дугели дурар тамала гьанаур. Тама илцад-деклар ахъси ахенри ва ил багьандан ца сари Байтуни ахли ахергьиб. Ил къалабали гьаргала дурарухъун, къатли хербариб, ташмишрикеси селра чехебаили, гамъа Санятла къапу-алавла умцур. Илабра селалра лишан чехебаили, чаррухъун.

– Рамкъурлиригу, неш, хед се бетаурли? – хьарбаиб нешлизи кахейхъи левалси уршили.

– Кани изули, дурар калунра, – рачарархили иб ва гьанайзи бекли бурхубли, карихъун. Сепайда, ил дуги илис беклил гьанкли хебаклиб. «Ит села тамарив? Рахли гамъачи чи-биалра херизурли хейалли?» – ца шайчирад итил шайчи шуррулхули шаладикахъиб илини. Савли ил багьлалли бурушларад ахъриуб, уршира уршила хьунула чебхергьахъили, бехли гумлачир дурарухъун.

Байтули къакъала дайлар унра хьунул ташаиб:

– Жан рузи Райхьанат, гамъа Санятли барибси... Къаралди чебаира, сай чехеира. Чи левара иличи... вираргу, клиш-муш дузахъуси, гьа?

– Таш, таш, та-а-аш, даг нуни къакъалав иличил гьайиклили нушала колхозла бухалтир чеира.

– Дила урклиличивсира ил сайри, жан рузи. Къаралдира илалагьуна сабри. Цахдеш ахену! Илала хьунули муруйс къараулбирахъес бурис.

– Ил хела къуллукъ саби. Нуни биалли чизилра хебурис, наб гьими-къяс хейги. Гьу, гьийибта мариркъуд, къанрирулла, – Байтула дуроти таманхедиахубли, аррякъун ил.

Байту хулиряхли ратрихъибгу, чинарил дурарухъунси цархил унра Сайхьанат чераили, иличи къалабали гьамриуб:

– Ва-ай, жан рузи Сайхьанат, хяли хебергесира адатани хебуре-

сира се биэса! Бара гъанна наб РайхЯнат кърширикиб. Ил риклар: «Гамъа Санятличи нушала колхозла бухалтир вашули сай». Ну биалли рирххеурра, жан рузи СайхЯнат, сенкун илала мурул вебклила дусра дикили ахен. Илцад жявли мурул хъумартес асубирусив! Сен-дигара биабгу, наб шутни-къунби хейгахъис. Амма кършибиркули саби хъунул адамти, бурахелли, Ряхиматла Бикагъунти. Ил, жагъси хъунул адам, гъанна чумал бархи жагъси тухтурличи рашули сари. Пикрибарагу ца, вегла хамха чебаахъес мурул адамтачи башару?!

– Юх, Байту, хатгарикулри ху: Бика зягипли сари.

– Рирхмаруд. Сецад-дигара халаси парписсурли селра хлебала. Гъанбиркуру, Бяхмудхъала Патлини шагърлизи парписсурличи рурси рукили кани гъяраахъибхели, дус кали ребклили? Беклиалис гълаизес вирус чилра левси ахен.

Жаваб чархлебарили аркъуси СайхЯнат хлевала дуб буцили ташаиб:

– Гъу, ил ху риклуси биэс, наб тухтурла хъунул тамашарилзули сари. Бумгуси гяргялаван бяхра хунтленбарили, гядикунтали гягриклули рашули сари. Бекличисидеклар гъезбала се къяла саби, мицлири левал-хели Дербентла базарличибад дила дудешли хибси цегъала шангъуна! Сен-дигара башабгу, ил нушала къуллукъ ахен, наб шутни-къунби хейгахъис.

Гяш-гяшли саламра бедили шалгеррулхъуси, шагърласун регриубси жагъил хъунул адамличи, СайхЯнат ратаили, Байту гъамриуб, гъаларетухъи ташаиб:

– Релхунрив, Зара! Мурул айзуру? Дубдатурраив?

Ратрухъунси СайхЯнат къяшум дердиси урчиван къалабали ратрихъиб.

– Херъагу ца итичи, жан Зара, – урретурхуси СайхЯнатличи бекли гъаклибариб Байтуни, – мурул колхозла бригадир сай или, сен хамриублил! Адамтачил гъайриклесра дигули ахен. Гъалаб релкъес къац хлебиркули калунси гашукъ!

– Ягъари, Байту, сен-дигара калаб, илди урчердирес хлечи хърбикибси лебу?

– Бархъси саби, дила рурси. Дилара тят ил хелагъуна пикри саби, набра шутни-къунби хейгахъис. Амма цабехи хъунул адамти леб лезмилизиб лига агарти: гъандикибта бугъар, чули чехлебаибси буру. Пикрибарагу, дила рурси, РайхЯнат риклар, валлагъ, гамъа Санятличи чи-саял хъямхИнадвашули сай или. Нуни къалли хуни чехлебаибси бурни бархъси ахен ира. Чучи хъарагар гъайла бегти саби хушала унруби ХИядархъалира. Илдани «ужуси сай, хлевчуси сай» или, ХИйтхъа Гъапурулис рурси шери хлередиб. Лебил парписсурти биэс

гІягІнили ахІенгу: колхозлизибра бузес адамти хІяжатти саби. ХІер-рикІен гъари, илдала рурсилис се бетарарал. ХІяпизхъа Баху къяйда рурсили рухънариур!

Илди агруми анцІдукъи, Зара аррукъес чуйна-сабил ралризур, амма дулгъа буцили БайтІуни ратхІеиб.

– ХІела, – ургарухъун яхІ каберхурси Зара, – лезми гІеркъали саби, гІякълу – къантІли. Илди ургІерли диалри, хІябилра гІяхІил бииши...

ЧяхІ-забла хІеркІван рамкурси БайтІуни Зара ратаиб ва, бяхъиб-си цураван гъуррикІули, шила къакъакад къалабали ратрихъиб. Хъули чарриубхІели, хІери баилри. Уршила хъунуй хІядурбариси беркала ванабарес хутІла печь улкахъулра или, шакхІерикили иту алкахъи, къакъала дурарухъун: Зарачиси гъими тамай пяхІбарес хІебикили, уркІи паргъатхІебиурли, цІаличиб шангван руржулри. Сунечи лехІирхъуси узила хъунул къарширикили, Зарачи бугъантала варачан бяхІчаиб, хъали ва беркала хъумартурли:

– Зара бихъибси харабат итгъуна хІяягар сарни хІебагъурра. Наб хІейгусилис шери архІякъяс или, мугІяллим Амирлис аррякъунгу. БегІтази дигайличила гъанбушес риубсила инсапра хІяяра чинар дирути! ЯхІла регІ хъунул адам риалри, палтар ицусира хъали ушкусира хутІла машинаби исхІейси. ИлдикІун хІукуматли хъунри агарти гамъа муйлас пайдаладирахъес дураибти сари. Наб гъатІира тамашабилзуси – халати адамтази ил хІяягарли гъайрикІес рирни..., – БайтІула гъайла духем сецад гІеркъаси бирибал чили бали, эгер хабарагарти вяв-чІярли ишаб хапли къябаибси хІебиалри.

– Юртани цІали игули-и-и! Юртани цІали игули-и-и! – вяв-чІяр-рикІесрииб чирил хъунул адам.

ГІур БайтІухъа къатІлизиб къяйкбикІесбииб – шанти илабяхІ ду-цІбухъун...

ЦІадикибхІели ахІи шилизиб тупанг пІянкъхІейу. Дигалли хІерили биаб, дигалли – дугели, тупангла тІама бакъибу – къяшличи кайзес вируси къянари – бадирачил, газа-кІатІаличил итхІяйзив дураулхъан. Илгъуна анцІбукълизив эгер музахІевхъунси виалли, ил шантани адамлизи халхІейру.

Сепайда, шанти шакбикайчи БайтІухъа ца хъали цахІнаб цІа бетарурлири, гІурилти хъулрази багъбиубси лами гушси бецІван хъямбашулри.

– Хъулри чердахъя! Дурхъирти хІяйванти дуракаая! – буйрухъ-бикІулри бухънаби.

Хъунул адамти, рурсби-дурхІни гІинзирад шин дихули дуцІбикІули, имиуливан сакІублири.

ЦІа гІяйхІедиахъуб, дишун. Сепайда, ца хъали ва ваяхІ шанти му-



забухъайчи дигублири. Дурхърти къял, бугъа, эмхе ва шел-урегал маза-мас гавли гянддушилри.

«Гъуя, дила лезми абит!» – или, Байту сунела беклизи рирхъулри.

Байтугъунтас саби халкъли буриси: «Мезлукъ хъуна лезми – адамла хъули балагъ абицуси ганзи саби».

## ТАВБА ХІУНИ ДАРА

Декабрь сабри. Чумал бархи чяка-чякагъуна дяхили пасбиклури. Ил бархи биалли, гушси бецван авбиклули, хурхъазибад дягъра кабухъири. Бугъардешли мицирдеш дигъянбикахъилри. Илгъуна бархи ну чараагарси анцибукъли унра шилизи дураира.

Гъарчумаг муэрлизибра чехебаибси колхозла хабарла хъанца дяхила киликмазибад кункли арцур, ва хапли цунси гъункъяс гевваира. Илини шившитайзир шинван дила пикруми жургъдухъахъун.

Гъахти гили-къабтачебси урчи гъаббуцили, дяхила киликмази гъачам каркули, гъачам алзули, цудара гулбала хъяка чегъурси, халаси чубкар къапа чебибси валка, ургарти гъамрула хъитгагъуна адам гъалавахъи хъусиклури.

«Вашес ахъриагариубхелира хъурали сен вашуси? Къантиси мерличиб баклибси бургар», – гъанбикиб наб.

– Ассаламу гъайлакум, – салам бедира нуни, урчи багълабарили.

– Вагъайлакум салам, – валка ташизур, къапа чебасиб – бекличибад майгала дирихъ ахъбиуб.

– Сен мурдахейрулри, гъалмагъ?

– Ш-ш-ш, – чизи-биалра хебакахъесван илини мухлиличи тул чебуциб ва жаваб чархебариб. Ну тамашаиубли илала диштати шиниша хулбачи херизурра: мехурла хер къакси бирар, хулбира, бускаунси гъаралаван, дяргъдизурли мицирдеш агарли дирар. Амма илала вяхлизиб илгъуна цалра лишан чехебаира. Нуша лехкахъили дарх дашулра. Ахирра, лехдеш анцибукъун биэс, ил набчи сурат касес дигусиван херизур. «Калхуз переверитьбарес лявкъуси ревизур ургуд?» – хъарбаиб илини.

– Ревизор ахенра, мугъаллим сайра.

– Калхозла хъякимта пермала унза-бурх ремонтхедарахъили, къули диргули сари. Районна хъякимтачи гъарзли укъес дигусири, иш анцибукъ ургабухъи, укъес бетхеур.

– Я уркилиси дигуси барес, я урчиличи мурдайэс асuxeбируси вайси анцибукъ къаршибикили хебиалли?

– Ту-у, хела вегебш, сагаличиб къаргаван, гъайра вегличи

лехІейхъндиублигу, – дила суай дурабитІунси сунела «анцІбукъ» ибси девличи ил вачавархиб ва лехІкахъиб.

ХІу хІенкъула ургуд? – хъарбаира нуни.

– АхІенра, уртахъ. Къулас балкІаби хІейгахъу. Хъарахълизив къараул сайра. Иш анцІ... – буруси гъай таманхІебариб.

– Я гъанбушили, я гъанхІебушили уэс хІейруси хІела анцІбукъли талихІла тахличи катабину, хІелайчи мурдайэс асухІебируси биалли, ваши иш дилайчи мурдайи, – урчиличивад кацІира, гантирлизи гІяр-гІяван дяхІила кІиликІмази вархибси валкІа язихъизурли. Илини къапІа чебасиб.

– ИшбархІи иш урчи я цархІиллизи бедес, я сунечи адам мурдави-ахъес асубируси ахІен. ХІела гъунуцІ урчиличив хІу вашен.

Илкъяйда, валкІала «анцІбукъра» хІебагъурли, ну илизивад декІари-кира. Пгергъила бархІи ил тамашала гъункъяли шанглихІир хинкІиван дила пикруми рурхъесаиб. Дила къуллукъра барили чарулхъухІели, шила дублав, цІаван бемжахъурли урчира, разили шилизи чарулхъуси валкІа къаршиикили уркІухъунра: ребкІибси неш ва илала харидеш, даг урчиличи мурдайэс асухІебирни ва ишбархІи гъираличил гъайбарни. Даг итцад гъайхІейкІуси гъанна цахІнаб гъайла уркура ветаур: «ИшбархІи, дила товарищ, ну хариси ва дила аваданси уркІи батбухъунси бархІи саби».

«ЧичІалаван дигуси убай неш жяв-жявли ребкІахъес дармунта-гІив къяйцІикІуси урги», – гъанбикиб наб.

– Нушала тухтурти кепеклизи агара. ВецІал-вещІну шура бархІи неш больничагІи каратурхІели, арарарес се хабара, операция барес гІягІнили саби или, дармандарес хІебиуб. БекІлизир балча хІедиалли, кани гъяраахъили, операция бирахъув! Хазабачи вякъунхІели, гъарсекІал далкайкахъиб: бусягІят изалара багъур, сабабтира дариб.

– Марлив гъари?

– Валлагъ-галлагъ, икІ дурхъал аллагъличира. Даг хІечил къаршиикибхІели, нуни урчиличи мурдали ШайтІан ГІяхІмад левкусири. Ил багъандан мурдахІейрусири. Хазабани бурибсири: «Дила ШайтІан ГІяхІмад жявли гъимуркІуси сай. ГъимуркІар сай аркниличила цархІиллизи буралли яра сай мурдаватурси урчи чизи-биалра бедалли. ГъимукІалли, ил лявхІякъян». Ил багъандан сабри, таварищ, даг хІези дила анцІбукъличила хІебурибси.

– Чи сая ШайтІан ГІяхІмад? Нуни ил чехІеирагу, – хъарбаира нуни, даг илала урчиличив чилра чехІеили.

– МехІуррив гъари хІу, шайтІунти чедиув?! Гъалав ил ШайтІан Хамисла мурул вирусире. Ит ребкІибхІели, Хазабачи хъайчикайили сай ва илизи гъар-се секІал дагъахъурли сай. Гъанна Хазабани хІебалуси иш дунъяла къакъличиб къаркъа агара. ШайтІан ГІяхІмадли бурсира-

рибси сари. Илини дунъяла къакъ хъатлихИибван чебиу. Ге, иличила набзи Хазабани буриб. Гъанна ну ил арукили чарухъунсира. Илини нушала ганзухъунауб неш ребкIахъес нуша хIейгутани белкIахъунси кIа баргилри. Ил, ну хIерикIахъули, Хазабани цIаличиб бигуб. Гъанна урехи агара, рикIи. Сунени дедибти духъутIа шинра дархаили, дуги неш верхIел гIинизла дяргIибти шизира каратурра.

– Хазаба багъа сасес сахаватси сари бикIули бакъирагу, сецал сасиба? -хъарбиулра нуни.

– Илала багъа тукеннагъуна барсхIебикIуси саби, тавариш. Дедира 30 къурушра ца метр бячун къалтра, сунес ва шайтIунти чердерхахъес авруша барахъес кIел гилавка нерхра, ца сяхI цIуба декълара. Авруша хIебарасли, къипIдикIули, шайтIунта хIералтара, рикIи. Илди гъимхIедукIахъес сунела ГIяхIмад чарарайчи я багъа сахIесиб.

– Ва хIела хъали анкIили бицI, сегъунтилра шайтIунти лерти ахIен, я илди чедаибси левси ахIен. ХIушагъунти абдултациб саби чIинкIиртира Хазабахъалира чебдукаркIути.

– Тавба дара, тавба: хIечи балагъ лябкъяхъу. Хазабани адамла уркIиличиртира далули сари.

– ГIур илгъуна мехIурдеш хIебарес тавба хIуни дарану, хъули къа-лабаики, неш вайтIа сарину.

Неш ребкIни дигIянбарра: селис гIягIнили дяхъиличи зе писдирес!

## АДАМТИ КЪАРКЪУБИ АХIЕН

Дила ази МухIяммад жагъхIели давлачебтала мазала букIун вирус-ири, гIур – колхозла.

УрчIемцIали дус виубси ил ухъначи хIерикIалли, нушала даршдус-ли адамла уркIилизи каибти гъаршани чедиули сари.

ХIера, гъалавван ил хъярла шинван шилизивад ветахъиб. «Дура-ша гIяхIлад-мага вякъуну?... Нушази хъархIебаили, мажахIят ил бар-иши?» Ил цацахIели кIатIа ва барда касили ургубализи ваши; гъун-дури далдири, дугIла галгуби чедалти, мякъи-алавла укъи. «Ила-мага вякъи, чинав-биалра кайкибу?..» Чумал бархIи умцIулра, амма къ-ел-хIерзи агара.

ЦабархIи ил муси дирихъван хапли вагъариуб.

– АрхIя гъархIебизур, шагъарлизира укъес чевкъули саби, – иб или-ни, суайчил сунечи хIерикIуси набчи пикрира бяхIчихIеили ва, анда-личирад гердикIути майъала халати кIунтIри къапIала чурма ушкули, гIянайчи кайиб.

Дила гъимидухъун:

– Нушазирад дигIянти хIела се архIни дирути? Чиди шагъарлизи?

– Хъумкартурра. ХIукумат кабизахъес ургъухIели кавшибсила у бихъибси шагъар саби, – цаибси дила суал хIергъибсила дариб.

– МяхІячкъала?! Буйнакъск?!

– Ге, ге! МяхІячкъала.

– Се архІя сабил набзи бурес асухІебирусив?

– ХІушази бураб, мабураб ... Ит ну викІуси – кагъуртачибли бекІ-бирис хІейкІадив? Ну хІякъунси виасри... , – ишав ил хапли тІашизур. «ХІеръагу, хІу чина вякъи уилрил! – бусягІят шакугира ну. – Ухъна адам гехІцІали – урчІемцІали километрличи хъурали! БекІ къагъби-рар или машиналичира кахІейрар. Вякъунсира селиса? ВерхІцІали дус гъалаб бетаурси чебла ахъес! Чеблара чебла ахІен къадин».

Азини чумал баз гъалаб набзи ишгъуна хабар бурибсири:

– ИтхІели ну вецІну урчІемра-гъал дус виубли ургаси. Хужаимла маза хІердирули, сирхІяла дубуртачив букІуннири. Гъачам ца мукъара цаагили «ме-е!» или ласбикІулри. Дурзам ахтардибирулра – илала неш агара. Пакъир ил уркІецІидухъесли тІамалибиркъи ва авэсил бархІи, нешла дяхІ чехІедаили, бекІиб. БахъхІагарли багъурра, илала нешла къисмат унраличибти букІунала шанглихІиб таманбиъни. Набван хІейгибизахъес, нунира чула дурзамлис гъардашутти бегІлара гІяхІти кІел къяца дигІунра ва гъалмагъунази деркахъунра.

КІинайс багъурра, илди къяцни дила маза бигІунсила ахІи, цархІил нугъуна мискинна диъни. Ил секІал дила чархлизиб мурталра дурхІебитІунси хІярхІяван челукъусири. Дила чара лебхІели, ил дурабитІес дигулра: итди къяцнала вегІлис багъа бедес дигулра.

Азис гъандиркулри къяцнала вегІла чІянкІли у ва ши, илала гІурла къисматличила балуси аги. Азила тилади хІясибли, нуни иличи кагъар белкІунсири. Жаваб хІякъухІели, набчи вирххІеур виэс, сай вякъири.

– Къалабаикибси хІечиб гІяйиб саби, – ира нуни, – хІу арякъунси бархІи жаваб касира. Адресат вебкІили сай, шилизиб я кулпет агара или белкІири.

– ХІезикІун нуни итис Идрис бикІи или бурра! ХІуни биалли чи-саял Адрис пикриварилри.

– Ягъари, ази, «адресат» адамла хасси у ахІен, сунечи кагъар бархІибси адам сай.

– Виалра, ну укъни гІяхІси бетаур... Мурул-хъунул саби жявлил бекІилри, амма ит хІуни буруси шагъарлизив хІерирули, илала ца урши левли сай.

– Уршилизи дедахъес тухумтази-мага арц сен хІедедири гъатІи?

– Лерилра нуша махъикунтла къяцни дигІи виадлира, хІед хІялал-диаб, бикІи. БикІалра, ца варгили дедлугулригу, рахли ил (Идрисла урши) къаршихІейкалли, хІуван ну хІечи вакІес хІейрус или сахІе-сиб.

Азила пикри уркІи-уркІилабад биъни багъурра, амма илди черсаргъибти адаб сарил, юкса ухънаваибхІели ахиратлизибад урехи сабил аргъес хІейрулри.

– Ягъари, ази, нуни ца секІал хІергъулра: хІела ил гІяхІси пикри

итхЈелил, хатЈаличил хЈугъуна мискин пакъирла къяцни дигЈниличичи шакикибхЈели, сен ахЈекЈуба?

Дила суайчи ухъна гымукЈиб:

– МехЈур! ИтхЈели цархЈилтачила пикриикЈес чара лебрив, ну гашали вебКЈесилад шишимайзиври. БуцЈала хЈенкълизиб маза хЈерхЈебирни хЈебалурив?! ИтхЈели хъулрала улкъай-унцла хЈулбигъунти диштЈати дири. Сен? Хъулки ахЈецЈахъес! Дурхъи, лацла бухЈна мурчЈала хЈяри бирахъи. Сен? Хъулкнази лац беухъхЈебеухъахъес? ГЈяби, набадури, хъара дегЈалри, хъучиб къуш бири. Сен? Хъулкнази дегЈну-би датахъес! Гъанна хЈу-алав хЈеризи гъари: урхЈла секЈал билгЈ чина билгЈуси, азир къуруш даргалра, вегЈ варгес газетабази лукЈули саби! Адамти къаркъуби ахЈен, барсхЈебикЈути. Аргъирив? !

– ХЈела гъанбик вайси саби викЈули ахЈенра, ази. Ухъна адам гъунбачив инжитирухЈели викЈусира, – гъай ласдарра.

– Инжитирули! – тикрарбариб дила дев. – Церхъбиахъес дурхъи бухЈнаибси кЈуркЈурван хъули виаркайэс гЈягЈнили балан?! Арадеш дигулрив – гъуни ихъесра дигахъен.

Гъанна ухъначил жалтаиркъни яра льявикЈни дугЈлари. Ил багъандан дила тЈамара сунелайчил чугурван баршира.

– МяхЈячкъалализи аркъули виадли, ази, белкЈи адресалра лебу? -кЈантЈи-кЈантЈили хъарбаира нуни. Жаваб чархЈебариб. Къан-къанни «иткъи балулра» бизахъур. «Секъяйда иткъи? – нуни илала гъайла муррад хЈергъира. – Вякъи хъалли, арц-декЈар сайсув?». Амма дила пикруми набзир датурра.

... Шила устнани дарибти суранна кункти чакма, сакълала цЈудара минтан ва жинжирагъличичи мешуси гулила къапЈачевси, ургабси ахъдешла, гъярцЈа-гъярцЈа ухъна адам хъатван диркъси Баку-Ростов хан гъунилад шали буцили кункли ганзикЈули сай. Хъасали цЈубдарибти илала чакмаличи, дамсурти дяхЈ-някъличичи ва гъалакикЈниличичи хЈерикЈухЈели, ил гъарахъси архЈяличичи дураухъунси виъни багъеслири. Илис чумал автобус ва автомашинатЈашаиб. Амма, «Наб машина балбиркуси ахЈен», – викЈули, хЈерибаайчи цаличилра кахЈейиб.

– Иш тЈасгъуна гъуйчив автобуслихЈив базла гЈянайчи кайънигъуна саби. Ваши гъари, дила хала дудеш, ца хЈял багъес кайи. ВалхЈеркадли чевкавхъахъесра валтари, – ахирра ца шофер чедиикиб.

Марлира, ургубализи бикуси колхозлад машиналиван ишини кЈелра шайчи иргъули ахЈен, ургъухЈели гЈяндан варгъилиубван гъанкЈра чебиркули саби...

– Гъу, хала дудеш, хЈела МяхЈячкъалализи садаира. Чина укиши? -хъарбаиб шоферли.

МухАаммад-ази пикриухъун, хъянтАа хАяршбариб.

– ХАед ламус имцАабарес дигули гАергъи, дила урши, укаба Ленинна халаси сурат лебихИи.

Шофер автобуслихИи кабиибтгачи суайчил хАеризур, илди – шоферличи. Камси заманала гАергъи чумал адамли ахъли тАамадариб:

– Ленинна площадь сабив?

– Ге, ге! Ила, – бекА гъакА-гъакАбариб МухАаммад-азини.

... Площадъличибси Ленинна памятникличи ази вахъхИи хАерикАули сай. ГАур уди кайрули сай. «Мурхъти пикрумар адамличи кайибхАели дирар хапли гАяхАти пикруми дашути... Дунъяла адимти секъяйда хАербиэс гАягАнитил гАеббурути ишала дахъал табтурти лерти сари, бикАар. Эгер чеблала арц сахАейсалли, илди табтурти...», – ишар илала пикруми хапли гъамиубси милиционерли къябдердахъиб.

– Иша сен вахъхИи кайилри, дудеш? ГАяхАял агара виалли, ваши набчи, – къумукъ мезли дугъаизур ил. Азини илди нешла мезван далулри, сенахАенну янила замана гъар дус мазала дурзамличил диркъаличи вашусири. ИтхАели имцАалин дузахъути къумукъ мез дири.

– Ишав, унраличив, гъаларла гАямруличила дахъал хабурти лукАуси дарган халаси гАялим левси сай. Илала мякълар сари наб гАягАнисила хъулрира.

...Илкъяйда азини сирхАян Идрисла урши СалихА варгиб. Ил ургарти гАямрула, вабз-вабзси, яшавлизив ва хъали-цАализив валкъаурси адам сайри.

– ГАяхАялла уличил вакАибси хАелуси адамличил гъай даргес къиянси саби, дила урши, – иличил гъай дехАдихъиб азини, – амма дила хАези дурести верхАцАали дус ишар хАядурли сари, челукъули сари, – илини уркАиличи хъат чебуциб. ГАур вехАкайхъили сунела «изала» буриб ва хАядурли кайхъибти арц, кАелра къяцала багъа, гъадуциб.

СалихАли хъянтАаличи някъ чебихъиб ва сунези сунени иб: «Да-а, бытъё определяет сознание». Ил пишяхъиб, ухъначи гъамиуб:

– Гъанна къалли хАу вакАилри верхАцАали дус гъалар дигАунти дудешла кАел къяцала багъа чарбарес, кАел дус гъалар дигАунти верхАцАали къяцала багъа чарбарес вакАибси виадлира, валлагъ-таллагъ, сахАейсира. Нешла дерхъиб ниъван хАед хАялалдиаб, дила дудеш.

МухАаммад-ази къаркъаван кайзур:

– ЦАаличир дигая, илди арц нуни архАехис!

– СахАейсис или, хАезира бикъахъули, нунира хъя барира, дудеш.

Ази пикриухъун. «КАелра дикАуси бетарахъехАе». Илини вецАну

авра -шура дус виубси СалихІла урши сунечил варх шагъарлизи вархъаахъес тиладибариб.

– ИкІала табтурти дирцуси тукейзи аркъехІе, – иб ухънани, площадъличибси Ленинна памятникличи тІул бяхІчаиали.

– Ленинна чиди томани гІягІнили? – хъарбаиб тукенчили.

– Лерилра диха, – иб ухънани, «томани» се сарил хІергъалра.

– Тукейзир лерилра агара.

– Чум лердиалра, диха, – иб ухънани.

Ленинна произведениебала ва уршилис гІяхІдизуртигъунти цархІилти жузала кІел халати махра сабра илди чарбухъунхІели, тамашаиубси СалихІлизи азини иб:

– Гъанна гъар се-секІал чула мераначир сари: хІуни набзирад арцра сахІесири, набчиб хІела дудешла чеблара кахІелун, я нуша цалалра хъя къянахІебиуб.

...Дубуртаци чІичІалаван чІикъбитІунси гъуйчиб цІухІбитІи аркъуси «жигули» чебиули саби. Ил бикуси СалихІла мякъла талихІчевси ца ухъна кайили сай. Ил – дила ази сайри.



# Сатира ва юмор



**Хіябиб КЪУРБАНОВ**

## КЪАРКЪА

Дубурти – къркъала сари. Хъулри – къркъала сари. Гъунби – къркъала сари. УркІби – къркъала сари. Гъай – къркъала сари. Хер – къркъала саби. ДяхІ – къркъала сари. Нургъби – къркъала сари. Къркъалис гъамадли саби. Къякълира хІядялча илди. Амма илдас кІантІидакІес дигули саби. Илдас уркІецила кІантІ гІягІнили саби. КІантра кабиркули ахІен. Къркъара пІякъдиркули сари.

## УБКІХІЕБКІУСИ МЕР

Ца жагъилла муръанаб кІел тјамада ихтилатбикІулри.

– Ишдус се гІяламата нушачибси? Гъар бархІи хІябрачирра муръаначирра сарра. Я ишдусван бахъал адамти бубкІуси дус бакІхІебакІиб, – цІумухъун ЦІамху. – ВалкІа ГІялира, ГІярул ГІябдуллагъра ца бара гъигъличиб саби тебалти. ЖягІял-царахІел илданира дунъя балта. БекІлил разидиэс, ряхІятли гъигъбатес бетарули ахІенгу. Агарсивара убкІхІебкІуси мералра!

– Мерра бургар, – викІар ХъитІала ГІяли, – убкІхІебкІахъути дарманра лерти сари бикІули бакъира. Илдачила къанчлизи белкІи саби.

– Улас, се дарман сарира илди? – сакІуб ВалкІа ГІяли.

– СекІунайлан – урцути бяхІцІа имиулала варъа саби.

– Урцути бяхІцІа имиули викІуду? Масхара сабив ил, мару? Белики урцути бяхІцІа имиули бикІути – мирхъас бургар.

– Мирхъи диалри, илдас имиули хІебикІи. Ил мар биэс гІягІнили саби. ХІуни хІебакъирив гъари баягъи илди имиулала саби или варъа бирцули башантачила?

– Ну иличи вирххІерус, ХъитІала ГІяли, нушачи илгъуна варъа сахІебиур. Илра – адам бекІлил убкІхІебкІуси мерра даргес цаван жапали саби.

– ИлхІели лехІкайхъули кайибси Будун илдачи шурухъун:

– УбкІхІебкІуси мер лебни сен хІебалулрав хІушани?

– Гъари, гъари, се мер саби, дила узби! Амма итав вебкІхІебкІес багъандан, гъала-гъала ишав вебкІес гІягІнили саби. ХІядурлирав хІуша дебкІес?



## ВОЖДАНИ ГЪАНБИКИЛИ

Гъачам Ленинниси хъунул Надя риклар:

– Сталинра хура юлдашуни саррая. Сталинхъай нуша чучи жихъеди-рули гъергъи, ваши нушани саби нушачи жибирехъе.

– Села юлдаш сайси наб ил клацо? Хура рашенрарибсиригу итини. Наб кългъизивра ветили сай ил – пълрусла гавра сайра.

– Сайлихъалли, Вовочка, Сталинна хъунул рахъ гълхъисигу. Чинара хъела дипломадеш? Нушани душмантира гълмагъбикахъес гългъисигу, Вовочка. (Хъулиб илди цалис ца Вовочка, Наденька биклугири).

-- Ху рархълирину, Наденька, баклахъа, – къбуликиб вождь.

Бахъли хълкъули, ахирра баклиб Ленинхъайчи Сталинхъали. Халал вождьла я къалиян я держ лерти ахъенри, виштлалла кидехлалра лертири.

Кадихъиб хинкълчил дарх дашнтира. Дициб авалра пигъала, Ильичли – Грузиялис, Сталинни – цахънабли дунъялис дерхъахъиб. Вожданала хъунра – марти дигайлис бержиб. Сталинни къутасахъили пигълара кабихъили, сунела бузахъуси бузахъули, къалиян абалкун.

Бержибсила асарлиуб пългъбарес Ильичлара хълздухъун. Ва пългъбарибмад хъехълкесииб. Хъехъл гълхъебилзули, угълкълули ухънара дурара вашули, Надежда къакълзи къутриллахъули, сългълцадхъл калун. Вождь хъехълкъллахъули я дукес я дужес хъедирехъе или, лебилра абизур. Дурабухъи, арбълкун.

– Хъехълчи лехъллахъес дукибти дуилра нуша ита хълрчили, – някъ хълртбариб Сталинни.

## ПИЛУСУП

-- Иш халаси дунъяла багъа бахъ камси буили саби, сунела вегълеш, – хала гългъ абатур Пилусуп Юсупли заки хълерикълули.

Мякълав гумайла ца къаркъаличи кайили валикибси Хължимирзани Пилусуплис се бурес дигулил аргълергълб:

– Дунъялис багъа кабизахъес, ил бицес яра асес вирусив гълри? Се сари хълуни дурути?

– Се леба илаб иргълергълуси? Лехълзи, юлдаш, бурисну:

«Адамлис дунъя хълбал бархъила саби», биклар. Биклару?

– Биклар.

– Хълбиалли, иличил къяйли дунъяла багълара хълбал къурушла саби.

– Се къурушунив илди?

– Хълера икъл хълела бекълла чедиб берхъл чебиулрив?

– Чебиулра.

– Дунъяличиб гълур икълчиб дурхъласи секълал лебсив?

– Лебси ахъен.

– Хълера хълед ил бацъл мургълла ца къуруш. Аязси дуги вякъкабизурси бацра пикрибара хълуни.

– Барира.

– Хълера хълед ил цълуб арцла кълэсил къурушра. Гълнна, Хължимирза, хълуни лямцлардикълуги закирти зубартира хълсаблизи каса.

– Касира.

– Хълера хълед илди цълуб арцла гълббасунира. Илди сецад кълрал, чум кълрал дуйгълули дейгълес виубси левси ахъен. Илдазибадра цагълтл –

хІябэсил кѳурушра бетарар. ХІера хІед хІябалра кѳуруш ва абзур дунѳя-ла багѳа. Илкѳяйда барибсира – нуша дахѳал арцличи хѳулхІедикІахѳес саби.

### ВАЦАЗИБАДРА УРУХІУСИ

ЧІнаб се вяшбухѳалра, бахѳ урухли руржесбирулри гІярала дурхІя ГІярмилай.

– ХІезибад ахІенси ну гѳар секІайзибад урухІулра, неш. ИшбархІи ваца балли набчил бяхІес кабизур. Чебаадри ца секѳяйда, дила кѳяшмала ургабад дурабикили, набчи гІела шайчибад чебухѳес балбизурал ваца!

– Ва дила абдал, ил хІезибад урухбиубли, чина биркусил хІебалули, хІела кѳяшмала ургабад бебшибси саби.

– Неш, селизибад имцІали мяхІкамдеш баришав нуни, – бецІлизибад, арслайзибад? УруххІекІес багѳандан наб сегѳуна-биалра ярагѳ бихес гІягІнили саби. Ну кѳукѳулизибадра урухІулра.

– КѳукѳукІун кѳацІхебикІар, нешла. Амма урухІусилис ярагѳлира кумекхІебиру. Ханжал урца биалра, уркІи чІумаси биэс чебиркур. Урух-кІусиличибси ярагѳра мах саби.

### У ЛЕБЛИ, УЛА АГАР

Гѳачам ургубала вацази гегугли хѳарбаиб:

– Ваца, ва ваца, хІу чинаб хІербиурлив?

– ХІентІалиуб.

– Абдалригу хІу! Гѳава агарли, гІяндхІебикили сен-сен буэс биурлив?

– ХІентІа набчи белши хІебиэсгу. Дилагѳуна ванаси пукѳа хІелара лебси биалри, гегуг. У лебли, ула агарси гегуг.

### ХАЛА ДУДЕШЛА СУАЛТИ

Цагѳачам школализи укѳес хІебигули варсяхѳибси набзи хала дудешли цалра учительли хѳархІебаибси я хѳарбаэс гѳанхІебикибси секІал хѳарбаиб:

– Гѳари, дила урши, хІу учІра учІулри, нуни хІедалутира далулри. Мурт-биалра, сегѳуна-биалра гѳунар бирис ибси пикрира бургар хІела уркІилизиб. Бура, гѳари, се бирадил хІуни рахли хІу их Хала хІеркІли-чибси ахѳтерекван ахѳсира ветаурли, ишди нушала кѳапуван дягІути хѳ-уцІрумарра ветаурли, ца ганзли Москвализи ветанра ветаадри?

– Гѳу, се жаваб лугуси бусягІятал илис? Чис хІейгахѳув вегІ илгѳуна гевда ветаурли? Юх, масхаралис ахІен хала дудешли набзи илди секІал хѳардиути. Ну ахтардиварес сари.

– ВегІ ахѳсицун виѳни камли саби, хала дудеш – ира нуни. – Илини сунела хабардерхахѳес гІягІнили саби. Ахѳси адамла дягІути хѳуцІру-мира хѳуцІрумачи мешуси цакѳра биэс гІягІниси саби. ЧехІебаахѳили, цакѳ лебнира багѳес вируси ахІен. Илди чебаахѳес нІягІнили саби. Ца ганзли байхѳала дунѳя ихѳнира халаси гѳунар саби...

– «Се бирасив нуни рахли илгѳуна ветаасри? Гѳала-гѳала се бариша, хала дудеш?» или хІези хѳарбиаси, хІуни «бара» ибсира бираси.

– Наб гѳанбикибсири, илгѳуна ветаурли, хІу халаурхар, пахрума угѳес вехІрхѳур или, – иб хала дудешли. ХІу кабизла урши уилри. Биха някѳ.

# Критика ва библиография

Гябдулла ВЯХИДОВ



## ИБРАГЪИМ ИБРАГЪИМОВЛА УСТАДЕШЛИЧИЛА

Дагъиста машгъурси литературовед, профессор Гябдулла Вяхидовли пагъмучевси писатель Ибрагъим Ибрагъимовла творчество бяркъес къасбариб. Сепайда, беглара литературала цакъаназив ва пагъмуртазив ватухъунси манзиллизив гъанагарли ил гямрулизивад арякъун, ва ил белкI бучантаци хIебаили калун. Гябдулла Вяхидовла гямрула марси рархкъя, «Дагъиста хъунул адам» журналла редактор Патимат Вяхидовани ил хIялумцIла даргала бучантаци баахъес икъалабариб.

Машгъурси критик гIилмула хIянчи ахирличи бикахъес валкъаурли уили ахIен. Илбагъандан бурги ил даргала писательтала ва поэтунала творчество руркънилис багъишлабарибси «Даршдусмала хIябкъяй-личиб» бикIуси кIел томлизибад цалабикибси жузлизи кахIеберхахъ-урсира. Нушала журналла бучантас ил белкIлизибад ца бутIа гъала-бирхъула .

\* \* \*

ГIядатла учительла гямру дуркIули, Дахадаевла районна халаси КIишала шилизив хIерирули сай Ибрагъим Ибрагъимов. Амма ил гIядатла учительцун ахIен. Гъавкъяси, 2006-ибил дуслизив Россияла Президентла премияличи (грантличи) лайикъикибси учитель сай. Буэс илра, Ибрагъим Ибрагъимов, авцIали дусличив имцIали проза (хабурти, новеллаби ва повестуни) лукIули, даргала литература давлачеббинули узуси писатель сай.

Шагъарла гямрула хасдешуни илини Дагъиста пачалихъла университетла Дагъиста филологияла факультетлизив учIухIелил дяркъур виэс, МяхIячкъалализив хIериэс хълхIевхъун. Сай акIубси шилизи мерла-виуб. Шила гямру, цашилантала баркъ-бац, диру-далтути дяркъур. Ил-дачила сари прозаикли делкIунти хабуртира.

Халкъла гямру дахъал шалубарти дирар. Илдазиб децIлизибти, дигайлизибти, гушти, белкъунти, цархIиллис гIяхIдеш барес имканагарты, къиркъирти, сахаватти геройти бирар. Илди чебаэс, ца анцIубукъ-ургали

адамличибси хІял чебаахъес вирули сай Ибрагъим Ибрагъимовли. 1989 ибил дуслизиб дурабухъунси «Буунси хъя» бикІуси цаибил жузлизирти хабурти делчІунхІелил, илгъуна пикри алкІули саби.

«ГъархІебизур» бикІуси хабарла геройти гІядатла адамтазибад, чус-алавтазибад куц-бекІличиб, жагадешличиб декІарбулхъули саби. УчІу-силис илди автобусличиб къаршибиркур. Жагъил урши «цархІилтачив бекІла къадар ахъси», «сура цІудара пиджак чевси» сайри.

ХІебиалли, ил цархІилтазивад къаркъайзив ва палтарлизив декІарухъ-ири. ГІяхІла шайчив. Иличила жагъил адамли балули сай, ва автобуса рухІнар чераэси, жагаси, регІла жагаси рурсиличивяхІ гъуцІурули сай. Чилра мучлахІерили, автобусличибти лебилра бачабархахъили, къуж-хъ-ячІбарили, исбагъила мякълав дакІуирули сай. Ишарра жагъил адамли сунела имканти дигарцад асарчерли пайдаладирули сай. Рурсила исба-гъидеш биркІан-биркІай чедидирхъули сай илини ва ишкъяйда пикри-икІули сай: «Чинаври гъанна бикайчи, мехІур! ХІера, ил мякълар хІу умцІуси, хІу улгуси бегІла жагаси жанай вава. Чилари, исбагъи? Чинара-дри? ХІуруцІрив? Муэррив? ХІуцунрив? Дила игъбарла бархІи ахІенара иш? ХІебиалри, хІу къаршихІериркади...» (б.56).

ЦархІилван биэс хІебири, хабарчисра ил жагаризурли сари. «Жага-сири, дебали жагасири ил чехъери. ХІекъли далдикибти палтарра, хъяб алавбарибси дурхъаси бакира, лихІбачир хъалгІаван жибжирдухъунти урцІлира, кІунтІби абхъалри, лямцІбулхъуси цацун мургъила цулара, дяхІла жагати лишантира хабарла устнани чердикІибтигъунти сари» (б.56).

Писательли сунела геройти учІаннис, илдала бегІлара дакІу-гъаргси лишан чебаахъили – чедила куц (портрет), гъалабирхъули сай. Илдала уми дурули ахІен, аслу-мина якъиндарили ахІен. УрхІлизибад, алавчарта-зибад илди кІелра, ашкарлигу, декІарбулхъули саби. Авторли ил декІар-деш къаршибуцван ахІен гъачам пайдалабируси. Автобусличив къарши-икибси хабарчини илди кІелра жагъил адам цІархІилти архІяликъябиван ахІен чебиути. Ге, цархІилтазибад кІелра жагъил адам декІарбулхъули саби.

«Тупангла кІикъярантиван лишанасили вякъдизурти кІел хІули» (б.56) хІисабдарибси рурсили ца къяли пишбяхъибси гъярцІа цІудара супелра лишантази буциб.

Хабарла геройти, чебиуливан, гъамадли тянишбиуб. УчІаннисра илди чула чедиути жагадешуначил гъалабизур. Хабарла экспозиция (бехІ-бихъуд) балкъаахъес авторли анцІбукъ кабиркуси заманара белгибирули сай. ХІера, иш хабарла цаибил предложение: «ДуцІрум дайхІерейчир-ри». Цаибил хІерлис илгъуна бехІбихъуд хабарла каргъниличил барх-балгунсигъуна ахІен. Амма иличи гІягІнидеш леб, сенкІун автобусличи хІерти адамтачибси хІял чебаахъес ил предложение баили саби. Ца пред-ложение белкІи, авторли тІабигІятлизибадра, автобуслизибадра, илала шоферлизибадра хъархІерти архІяликъянабачибси аги сипатбариб. «Къ-антІдеш – пагъмула бузи саби» – викІуси урусла машгъурси хабарчи А. П. Чеховла устаханализивсигъуна сай даргала писатель.

ГьатИралра пикри бяхИчаэси саби авторли пайдалабарибси яргаличила кьайда. Инжитбиубти архИяликьянаби шоферличил пунтбиэс гИягИнитири. Амма илгьуна анцИбукь бетарули ахИен, сенкИун лебталалра пикри сунечи битИакИибси жагьил адам дакИуирули сай. Баягьи ил, цархИилтачив ахьси, кегИевси, сура цИудара пиджак чевси, гьярцИа цИудара супелтала вегИ жагьил адам сай.

Илгьуна жагьилли хьунул адам, чехьери рурси гьузгьалдириахьни тамаша ахИен, вирхаэси саби ил анцИбукь.

СакИуб хьунул адамлизир, чехьерилизир жагьдешла хИялани. ХИератур пакьир илдани. Ил сабабли ахИенрира чехьерили жагьил адамла тилади буйрукьван кьабулбарибсира?

« – Асубиару? Някьбазиб бекИ-махбухьигу», - иб илини, дипломат рурсила кьяшмала гьала кабихьес валилзули.

– Сен хИебируси? Биха, кьукьубачибра буар» (б.56).

Ишди гьайла гИергьи хабар сунела яргаличилси ганзухьличи абицИули саби. Жагьилти- ургар бархбасуни алкИни гИячикьбирули саби.

Шайчивад хИерикИуси, баягьи ил автобусличив левси хабарчи ургалхьули сай, жагьилти ургаб биубси ихтилат баянбирули.

«Рурсила дугьби жагьиллис сегьунтирил хИебалас, наб гИяжаибдизур. СенкИун жагати рурсби имцИали чехусантира, уктемтира, гьамадли бушинхИебирутира бургар или гьанбирки. ИлданикИун, саби хьулхИебухьалли, гИяхИси девра хИебуру. Ил исбагьи биалли жагьилличил вахьхИила тьянишличилван гьайрухьун. ГьатИра гИяжаибси – гьайлизирра хИерлизирра малхИямдеш ва бусрав сари лерти» (б.56-57).

Рурсилизир, авторли сагаси кьиликь, сагаси лишан чебиули сай ва учИаннис гьалабирхьули сай. «МалхИямдеш ва бусрав» агарихИир, диэс хИедиэсил мерличир адамлизир дакИудулхьули диалли, анцИбукь сен-сабил ашкарли ахИенси дякькад аркьули биъниличи шакдеш алкИули сари.

Жагьил адамтала ихтилат (мякьлаб лехИихьути лебли биаб гьатИи!) тамашала бетаурли саби. Дигесли, тИягИямли, белчИес иштяхИдухьесли белкИунхИели саби илкьайда бетаруси (хабарчила лукИнила хасдеш). Произведениела бегИлара ибкьси манзилличи, даражаличи абикибси мер саби ил. Ихтилитлизир иргьахьули сари, дакИудирули сари жагьил уршили ва рурсили чула хИялани. Дигайла хИялани!

Рурсила хИялани, уршилайзирадекларли, умутли дицИили ахИен. Жагьил адам умутчевси сай, сунечи сай вирхуси сай: «... ну вайси ахИенра: папрус агара, держ агара, малхИямсира, лехИихьусира. Бурсикарируд, валлагьрагу, гИяхИилзас» (б.58).

ГИяхИизур, гьайгьай, рурсилис жагьил адам. Амма «Илкьайда бикИути бахьал биуб, бахь жьвли гьаббулхьулигу...» (б.58), - ибси рурсила децИ белгибарес, багьес, аргьес гьамадли ахИен. Ил багьахьес кумеклавирули сай хабар буруси. Автобус, сунела гьуни бухили, ца шагьарлизибад цархИиллизи баиб. Иличилацун ахИен повествовательли буруси. Итди, баягьи кИел жагьилра, кали саби илала хИерлиуб. Жагьил урши «...дипломатра кИелра някьлизи цИацИабарили, гьунила итил дублав кьаркьа-

аурсиван тІашлири – ца къяшличир ралкІрикІуси рурси иличирад гъа-рахъриркулри» (б.59).

ГІяжаибси дигІяндеш бухІнабуцахъили сай авторли биштІаси хабарлизи. Итдицад итди къаркъа ва хІяланала харжани дарили гІергъи, гІяхІризурси, дигиаурси, дигай дихъибси рурси ралкІа сари, чулахъ сари или, жагъил адамли ил лайрикІули сай. Чи сая, чидил сая илди кІилизи-вадалра чулахъ? Писательли сегъуналра ташмишдеш кавлахъули ахІен: илгъуна чулахъ жагъил адам сай. РухІлашалси чулахъ? Сунелара сунечи дигай алкунсилара хІяланала къадри-къимат хІергъибси, илди белгида-рес бекІхІейубси, бажардихІейкибси бекІбяхъ.

Кабизла сецад дурусдеш биалра, къаркъайзив, куц- бекІлизив сецад валги виалра, гъархІебизур хабарла геройла. РухІлашалси чулахъ сай! Ил пикри бучІантас тасдикъбарес, кабизахъес хабарла авторли дигарцад устадеш дакІударили сай.

ДекІси къисматла адамти саби хабарла геройти – жагъил адамра илис гІяхІризурси рурсира. Илдигъунти геройти лебси, хабарагарси ахирла бегІ хабарлис гІилмулизиб новелла бикІар. Новеллала журала белкІ саби ил. «ГъархІебизур» бикІуси хабарла (гІяжаибти анцІбукъуни дирути геройти) гІяжаибси ахирличи лебкули сай авторли сюжетлизиб.

Марлира, ца сягІятли (яра кІел, хІябал сягІятли) ца шагъарлизибад цархІиллизи баибси автобусличибти архІяликъянаби чула хІялани, ур-кІила къасани ва рухІласи бухІнабуц (давла) бучІантас гъаладихъес бекІ-биубли саби.

Писательла устадеш илкъяйда сари гъаргдирути. Хабар лукІусини ца анцІбукълизиб яра ца бархІила детаур-диубти геройтала ибкъти аги-хІяйзир чедиахъу. Иш хабарла авторли даргантала тІабигІят гъаргбар-нилисцун умцІлаби ахІен дурадερкІибти. Ишабти геройтани лебилра инсантаци хаста вайти къиликъунира чедиахъули сари. УркІила чурх-деш хасси саби сунечи дигай дихъахъибси ва илди ца яра кІел сягІятла духІнар бегІлара чихъси даражаличир чедиахъибси мурул адамла. Сецад чихъси даражаличив – уркІила хІялани черяхІдиубси манзил (эгер ил-гъуна даражаличи айкибси герой виалли ил) чеахъили виалра, ил адам сайлин, гъабза сайлин инкарла виъни ашкарбариб хабарла авторли. Ил-къяйда адамла психология, рухІлати кутурдеш, мискиндеш якъиндиру-ли сай. Бетаурси хабар саби «ГъархІебизур» бикІуси белкІ. Илала автор гъарли-марли литературализив узес ихтияр сархибси писательли увухъ-ун.

ГъархІедизурти дигайличила, дигай сархес хІебиубти кІел адамличила белкІ саби «Шагъризат» бикІуси хабарра. Иш хабарла геройтала гІям-ру, цаибил хабарлизирад декІарли, бучІантас ашкардарили сари. Мурул адам учитель сай, хъайчикайибси, кІел дурхІяра леб илала. Иличи дигай дихъибси школьница гамъа хъунул адамла 8-ибил класслизир ручІуси рурси Шагъризат сари. Се лугули илди баянтани учІусилис? ТалихІагар дигайла бегІти саби илди геройти, - иличила бурес гъалаксигъуна сай автор. Гъайгъай, гъалакли, къалабали бурули саби хабарлизиб Шагъризатла дигайличила. Дигай яра лер, яра агара. Шагъризат дигайли ряхъили сари.

Сунела игъбарагрилисван ил гъирриубли сари учительличи, илхелира хъалибаргла вегличи. Гячихълигу, гядатла аги-къяйдализир илдигъунти дигай детерхес хедирар.

Детхедерхур Шагъризатла дигайра. «Гъархебизур» хабарлизибти геройтала дигай гъархедизнилис гяйибла вегл чи саял белгили, гячихъли саби. Ашкарлигу, гяйибла вегл жагъил адам сай, сура пиджакла вегл, гъярца цудара супелла вегл жагъил адам.

«Шагъризат» биклуси хабарлизивси 8-ибил классла руководитель, урус мезла ва литературала учитель Гямар Хясанович цархилван сай сипаварибси. Илни жагъил (никла алли гъатира бархъси бирар) рурси дигайличи гъирриули ахен. Иличи урглебли, ил сахъладириули сай: школала ручаннис далхедикибти баркъудлуми илизи хедарахъес къарауйчивсигъуна сай ил. Амма се биру? Рурсила уркилизир дуцарти дигай аклуб, чархра рухъра дигубти.

Гъарли-марли, Шагъризатлис Гямар Хясанович илцадра вигахъули сай, хятта илала ца гъай биули саби пакъир рурсилис беклала бурушличи рикесли зягиприкес.

«Гъархебизур» биклуси хабарла геройтира цаличи ца гъирли, гъуцли саби. Илдасра талихл гягънили саби. Амма илди талихличи хебиур, сенгун сура пиджак чевси жагъил адамлис лерилра шалубачирад черикла чехъери сари гягъниси. Ралкла исбагъи илис гягънили ахен.

«Шагъризат» биклуси хабарлизибти геройтасра талихл сархес имканси ахен. Се сабали дигай дихъибти клел адамли? Талихл сахлерхули биъни белгибарили ахен хабарла сюжетлизиб. Учитель сунела ученичачил пунтиубли, таманни гъимукли ахен, ученичани сунела хяланачила балахъули риалра. Жузлизи кабибхъси кагъар, нешли живарибхели зягипси Шагъризатличил биубси гъунибаъни... Повестьла сюжетли ибгути, илала бетуц белгибирути анцлбукъуни сари. Цаибил тикрарбирис, - кагъар хабарла анцлбукъунас гъаликл, бехлбихъуд (завязка) биалли, клибил кульминация, анцлбукъуни, геройтала баркъудлуми гъаладяхл дашнила беглара ибкъси даража саби.

Геройти чула хяланазиб абиркна абикили саби. Илди чилилра ва селилра ташхейу. «Шагъризат, чичлала къацлбикухеливан, харчризур. Дуцлрухъун, дай хъулив ташси Гямарличи клаприкиб. Малхямти дугъбира бара аргъесли тикрардирули, гъаргъли уммайрикун» (б.97).

Ишар сипатбарисиллис гъалар диубти анцлбукъуни деклти, вирххелеэсти сари или бураллира, къянализи халбарес хейрар. Дигай дихъибси, дигайла «изайзи» рикибси Шагъризатли школа бархъбатурли сари. Школа къалли буэс, къацл- шиннизирадра гелумризурли сари ил пакъир.

Зягиприкибсила нешли живарибхели, учительли илдала юртла, хъа кабиз хясиббирули сай. Хабарчила икъайчил ил сипатбарили саби. «Биштласи улкъайла бегл гяшси хъулир дахъал-деклар ваяхл аги. Ца гямзилаб някъишла ранг дуунси урца дай хъулиб мегъла печъра, лацла бяхличир цачумал сукурара, чябарличир беклабарибти буруш-гяналара лерри. Гъалли улкъайла мякълаб урца тахра лебри, иличир – рахаурси Шагъризатра» (б.97).

Гядатла мискин дубурлантала хъулибси чебаъ саби писательли сипатбарисси. Дигайлис мас-мулк, мас-хазна гягънити хедиъни иргъахъули сай авторли илкъайда.

Дигайличи лайикъти куц-бекІла реГІ рурси сари хабарла героиня. Русуси рурси геройли ишкъяйда сари чериуси: «Бабза юргъайурад дяхІигъуна ца хъуцАрира чІянкІси някъра гъардакІилри, гІеркъаси цІудара чури, тахличибад хІусбухъи, чІябарличи гачбикІулри... Улкъайлабад кайгуси шалалиур рурсила дяхІ гІячихъдиуб. Гъалар курегагъунти ляжубала ранг дуири, кІапІкавцибти кІунтІби деръублири ва берхІили бемжахъурси дегъси ванзаван тІякъавхъири». (б.97)

БегІ гъалав 8-ибил класслизи ацІибхІели ГІямар ХІясановичли дугиван цІудара хІулбала реГІ Шагъризат сарри декІаррарибси. Илала хІер баягъи дубурличирти вавни-ургаб жанай вававан декІаррулхъуси Шагъризатличиб тІашбизур. «Ил дусми хІясибли балликъянабачир халасигъунари, куц-бекІлизир декІаррулхъулри. Рурсила исбагъидеш дакІулири: бицІибси хамхали читла хІева цапІакІахъири, жунабла къумазибад барибси гъалайхъан сунечиб паргъатси михъири журуглири ва гъар гъигълис ахъ-гІяшбиурли, жявли дикъурти улелъаван кІунтІби кІайдяхІири...» (б.90).

Ца адамла итилличи кІел хІер кили сай авторли, ил адам дигайла вегІ виъни аргъахъес ибси къасличил. Цаибил хІерлисал ГІямарли, илала гъанналис гъалар дигай хІедагъурси уркІили, класслизибти П рурсилизирад Шагъризат декІарриули сай.

Чедила чебаъ, сипатцун ахІен Шагъризат зилантазирад декІаррухъахъунси. Гъайлизирра баркъудлумазирра ил цархІилтаци мешуси ахІен. ХІебиалли, ГІямарли иличи дигай дихънира тамашабизеси, учІан къабулхІейкеси анцІбукъ ахІен.

Сепайда, дигайли кІел уркІилис, кІидехІ жаннис талихІ лебхули ахІен. Иличи ургІебли, талихІагри гІеббиули саби дигай дихъибтас.

Амма дигай дагънира талихІгу?! Авторли, ил пикри марбарес багъандан, Шагъризатла ва ГІямар ХІясановичла баркъудлумира гъайра, художественный образуни акІахъес пайдаладирути гІягІниахълумиван, къуллукъличи каили сари.

Урусла литературала дарсличиб А. С. Пушкинна «Евгений Онегин» бикІуси романнизирси Татъянала баркъуди (Онегинничил ил архІерукъни) пикрибириухІели, лебилра цархІилти ученикуналайзибад декІарси пикри гъалабихъибсири (белкІра белкІунсири) Шагъризатли. Илини бални, иргъни хІясибли, Татъяна Онегинничил аррукъес гІягІнисири, сенкІун героиняла уркІили ил чеввикІили сай, дигахъули сай рурсилис жагъил адам.

«Ну риасри къабулриркаси, вегІлис дигусилличил дунъяла дубличи-дигара укъес вирар» (б.92) ибси жаваб бедиб Шагъризатли, сунечила учительла васвасъала урдирхъули.

Ученицани учительлизи сунела дигайличила дакІу-гъаргли бурили хъалли, илини аргъес хІейуб. Бархъли буралли, аргъили хъалли, иличи мутІигІвакІес хІейуб. ИлкІун советский учитель сайри, хъалибаргла бекІ сайри. Соцреализмала дазурбазиб геройла образ калахъес къайгъилизивси авторли илис заманала дазурбазибси къисмат лугули сай. Дигай дихъибси ученица школализирад тядириули сай. Автомашинала уди риркули ахІен, шурличирад тяхІра рулхъули ахІен дигай дихъибси жагъил рурси. Ил агъриубли сари, къянасирагъанти бикІуливан. Дигайла изайзи рикили сари. СагъхІериесли зягІиприкили сари.



БекІа гьарилличиб чебси саби. Шагъризатличибра. Амма илис бекІа гІеббаахъибси ГІямар ХІясановичра танбихІличи лайикъли сай, сенкІун рурсила шаласи гъав-дигай детерхахъес селрацад бажарди хІебариб. Гъала-гъала ГІямар ХІясановичла уркІи кьуталири. «Хабарра аги итхІели ГІямарлис рурсила уркІилизиб дигайла цаибси бухъала бикъурли биъни. ИлкІун, ит цаибси дарсличибад бехІбихъили, халакабаилри ва рурсила михъирлаб гъайбатси агиван зайбухъири. ХІебалулри илини Шагъризатла хІулби школализирра шилизирра сунес гІергъидашни, дугели карилхъухІелира, савли чериргъухІелира, илини сунела у шивкІивбирули риъни». (б.92) Баибси баян саби авторли сунела геройла цархІил адамла хІялани аргънилисти имканти гьаргдарес белкІунси. Ил дакІу-гъаргси баяннис гІергъи ишгъуна ца буралара зайбулхъули саби: «Мургъи дигІяннира лямцІдикІар– дакІулира» (б.92).

ДигІянаси лямцІла мургъиван сари Шагъризат сипатрарибси. Илала лямцІ чебаэс хІейуб, сукъурли хІейалра, ГІямар ХІясановичли.

Авторли сунела хабарла геройтала хІял-ГІабигІят ункъли дяркъурли, дагъурли виънилис бикъридеш дирули сари произведениела каргънили. Хабар бехІбихъили саби диубти анцІбукъунала асарлиуб ахъбиубси ахирличибад. Развязка (студентунасна учительгасра багалавиэс ибси къасличил нуни даргала бучІантани хІергъести терминти урус мезлира дикулра – ГІ. В.) гъала хили саби, произведениела бехІбихъудличи кабатурли саби. УргІебси каргъни (композиция) саби «Шагъризат» бикІуси хабарла. Илкъяйда произведение каргънили дигайли бигубти, дигай детхІерхнили талихІагарбарибти кІел дубурланна кьутІкъуси къисмат гІяжаибли гьаргбарилли саби.

Шагъризатла уркІила гьаргдешличила, авададешличила нуни чедиб бурира. Иличила заманаличиб хІебагъурси ГІямар ХІясановичла баркъудиличибад саби хабар бехІбирхъуси.

Шагъризат ребкІибхІели, шанти, илра хІяририхъили, хІябразибад шилизи чарбулхъурли. Илдачил левси хабарчини цІумла аргъиб ва хІябрази чариуб. ХІурматла учитель ГІямар ХІясанович уилри, лебилра шанти хІябразибад арбьякъунхІелира, Шагъризатла хІябличив калунси. Сегъуна адам уилил?! Сегъунти хІяланала вегІ адам уилил цаибил хІерлис (хабарла сюжетла бетуцлизив чеахъибси) къяркъси, уркІи-дулекІ агарси адам?!

Нушала литературализир камли къаршидиркур Шагъризатла нешлагъунти образунира. Рурсила уркІи аргъибси хъунул адам сари ил. Дявта гамъарарибси, лерал лерси ца рурсила неш. Риуб илини рурсила уркІи аргъес. Илкъяйда хІебиалри, рурсила учитель илини мажахІят хъули живариши. Нешдешла диги дургъули сари илизир, рурси талихІчеррарес къайгъилизирси хъунул адамлизир. Дявта муруйзирад мяхІрумрарибси илиникІун чиличибалра гІяхІил балули сари хъунул адамла талихІличила.

Дявтала асуртачила хабуртазибад саби «Неш» бикІусира. Хабарла сюжет ибгули, автор инжитиубсигъуна ахІен. Деникинна цІубабачилси дергълизив мурул алхунси Марьямли пергер урши халаваахъиб. Гъанна илра агара. Уршиличила гъанбикуни нешлизир мяхІкамдируси илини

убатурси хивла галга саби. АвцІалицад дус дикили сари итхІейчирад. «Гъанбикуназир ил хъулир къунзкарухъун, чІябарличирти хъа ваяхІ чула мерличи кайхъиб... УркІи къакъабакІили саби. Илини улкъай гъаргбариб: дяхІличиб кункси цІуэри гилдибухъун. Юртла гъалабси хивла галгала къяли нешлис дурхІяли гъабатурси някъван улкъайла ца дубличи къячбилкулри» (б.67).

Цитата даимхІебирулра: кибсилизибадра багъесли саби тІабигІятли, азбарлизибси хивла галгали, Марьямла гІямрулизиб бурцуси мер. Чедир ахтардидарибтазирад декІарли, иш хабарлизиб тІабигІят (ишаб галга) яра хъалицІала кабиз-чебаъ сипатдирули, авторли сунела геройти дунъяличил, алавчарси хІякъикъятличил бархбаснила даража белгибирули сай.

Марьямла урши Камилли дявтази сай гІяхІулали арукъес гъалаб хивла галга убатурли сай. ХъалицІа акІахъесра къасбарили сай илини. Амма АмихІяжила рурси Аминатличи Камилла дигай балагъла дергъли дегъахъубли сари. Аминат, гІядатла хъунул адамван, цархІиллис шери рякъи сари. Марьямра хивла галгара саби Камилличи хІерти.

Галга мицІирси адамван сипатбарес автор гъирвиахъубси Марьямла хІял-тІабигІятла асар саби. Нешлис уршили убатурси ва гъанна, авцІалицад дус дикили гІергъи, улкъайлизи къяли «гъабатурли» гъайбикІуси галга мицІирсиван гъалабилзули саби. Марьямла дагърилизибцун (биаб гъатІи, хивла галга мицІирсиван сипатбарили саби). Фольклорлизибра литературализибра духълуми, мицІираг, сегъунти-биалра ваяхІ адамла къиликъуначил, хасиятуначил сипатдирнила къяйда (прием) жявхІейчибад бузахъуси саби. Ил къяйда пайдалабарили сай И. Ибрагъимовли, сунела героиня ванзала адам риъни кабизахъес багъандан. Марлира, Марьям дунъяла къиянти чІямдарибси, я хъунулдешла, я нешдешла талихІ сахІерхисси адам сари. Илала бегІла халаси талихІ хивла галгаличил «ихтилатрикІни» саби.

Замана гъяжбиахъубли, диубти анцІобукъуни кадиркнилизирван къантІли гъандуршуси авторлис дахъал секІайчила бурес имканбикІули саби.

Хронотип (замана ва мер цугдиркахъни) бузахъес, илала хъулчиличиб произведенияла бекІ мягІна мурхъбарес авторла имканти лерни чебиули саби «Неш» бикІуси хабар ахтардидарибхІели.

Хабарла композициялизи (каргънлизи) авторли геройтала гІямрула бекІтигъунти ганзухъуни кадурхахъули сай, илхІелира ибгили, къантІли, бухІнабуц биалли дигарцад мурхъли гили.

Марьямлис иш дунъяличив Камилван дурхъаси чилра агара. Иличила бурес цархІилти къяйдуртиван, адамла лишанти духълумас, мицІираглис дедлугнила къяйдара (прием) бузесаили саби хабарлизиб. Ца адам цархІилли къиматлавирнила къяйда сабливан бузахъули сай И. Ибрагъимовли чугурла образра. «Неш» бикІуси хабарлизибра чугурла образ гъанбикунала бетуц белгибирусигъуна, бекІбирахъусигъуна бетарули саби. АвцІали дус децІрикІуси Марьямла хІер Камилла чугурличи бархъбизур.

Чугур кИшан авторла белкИанала бетуц-мягИна ва бухИнабуц белгидирути образуназибад бегИлара мягИничебсигъуна саби. Иличила бурули саби «Буунси хъя» ибси уличилси повестълира. Амма нуша хабуртачилара гъайдикИути. Писательла повестунала хИекълизив гъайкавхъеси лукИанра, дила пикрили, камхИейрар. Ил декИарси, гъатИира мягИничебси масъала саби...

«Неш» бикИуси хабарлизибра чугурла образ лишанван (символван) гъалабилзули саби. «Марьямла хИер гИябуйчи чебяхИкахъибси тутла чугурличиб тИашбизур. Камилла чугур. Камси манзил шаддешли Марьямла хИулби пархдухъахъун. ХИера, чугурличиб бирхъуси агира барсбиуб. Гъанна ил пашманси агили, мурхъси децИлизив цИумикИуси адамван бисахъулри» (б.68). Чугурла агили, бархъли буралли, сунела гъанбикуназир Марьям далайрикИниличи ретиркахъули сари. Далайра, децИла, кахИебурхуси дардла чИяр саби:

**Гъарахълирад ляркъути  
Чаргас урчала мурдни  
Агарав гИяхИла хабар?  
Дила чинав ватада?!**

УркИи бисахъуси С. ГИядуллаевла «Нешла цИум-цИумъала» бикИуси далайлизирадти тугъи хабарла бершализи духИнакаънили авторла уркИила хИяланицун ахИен иргъахъути. Революцияла манзил, ВатИа ЧебяхИси дергъла манзил ва ишхИелла замана цадулгахъули сари авторли сипатдарибти хивла галгали, чугурла образли ва машгъурси поэтла халкъла далайли бетаурси назмула авал тугъли.





Дагъиста халкъла поэт  
**Аминат ГИЯБДУЛМАНАПОВА**

### УЧИТЕЛЬ ВА ПИСАТЕЛЬ

Нушала гIямрулизиб суал алкIули бирар. Се саби талихI? Се барес гIягIнили талихIчевси виэс багъандан?

РиштIахIели, ил суайс дила ца жавабри. ЖагъхIели – декIарсири. Гъанна биалли, гIямру гIяхIил чедаибхIели, ил жавабра барскабиуб. ГIяхIти адамти лебхIели ну алавра, гIяхIти адамти лебхIели узи-уршила ургабра, илдани гъар бархIи хIед лугуси саламлира уркIи ванабирахъуси девлира гъав ахъбирахъухIели, илдала баркъудлуми цархIилтасра гIибратли детаурхIели, илдигъунтаци шантанира пахрубириухIели, – ил ахIену адамла талихI? Гъайгъай, илдигъунти адамти гъабкъянабили бетарули саби гъар секIайзиб, гIямрула хIябкъяйтациб хIед кумеклис гъалакти, пикрумазибра балли гIяхIдеш булгути. Сен гIяхIсил дунъяличиб илдигъунти лебни.

Дила бекIлизи илгъуна пикри бакIиб, нушала пергер гъалмагъ, пагъмукар писатель, урибси учитель, шантала ва шила пахру Ибрагъим Ибрагъимовличила белкIес хъулириубхIели.

Ибрагъимгъунти бахъал хIебургар. Ца адамлира шилара шанталара багъа ахъбуцес вирулигу. Дахадаевла районна КIишала шилизив акIубси сай Ибрагъим. Школара белчIи, гIур ДГУ-ла филологияла факультетлизи керхур. ВиштIахIелил илис литература дигахъи. Дудеш БяхIяммад гIядатла адам сайри, колхозла хIянчурбази вархибси. ВиштIаси Ибрагъим ургубализир дудешли дирути хIянчилис кумекчи вирусире. ИлхIели дурхIяла бекIлизир гIямруличила, адамтала бузериличила, халкъла къисматуначила тамашала пикруми алкIутири. Илди пикруми бегIмиван бекIлизи дурчули дахъдикIутири. Сай вегIти пикруми кагъарлизи лукIутири, амма илала белкIани чилилра чедиути ахIенри. Дубурлантани чула дурхIнас урези-хIяя делгIутири, цархIилтазивад декIархIелхъахъес, гIядатла адамли калахъес илданира асар бирусири гъар баркъудиличи, бирубалтусиличи.

Аллагъла гIилму делчIунси Булбулли сунела дурхIнира бархъдешгIебтили, дагъричебтили, хIяялизиб умутили абилкъутири. Даргала дахъал багъираби, кIишала ва даргала халкъла мухIлила творчество, ункъли дали илини ва сунела дурхIназира далахъутири. Ибрагъимли буруливан, нешла асарли ил лукIахъес, философ къяйда пикриикIахъес бурсиварибсири. Студент ветаурхIели, урусла ва даргала, дурала улкнала литерату-

ра чекайзурли руркъулри. Илхѐли сайри ил, сунела гѐякъула хазнали- зир дурхѐяѐлил дебадарибти пикруми дурайсули лукѐс вехѐхъибси. Ил диштѐати хабуртачивад вехѐхъиб. Амма илди дурасес гѐягѐнилири учѐанна гѐала, илала пикри багѐес. Бегѐ гѐалав гѐуйчи дураухъунси гъункъясра гѐамадли хѐбируливан, илала цацадехѐ белкѐанира гѐеладяхѐ чардулхъутири, ункѐдарахъес, мягѐнализир мурхъдиахъес хѐяжатли биъ- ниличилара бурули.

Гѐайгѐай, гъункъясра гѐуйчив гѐяхѐси гѐалмагъ-вархъя кършихѐей- калли, архѐя гърхѐебизесра асубирар. Сулайбан Рабадановли илала цаи- бил хабар кабахъибсири журналлизи. Илини Ибрагъим уркѐичеввариб, лукѐахъес гѐурра хъулвариб, гѐавли дуклума дакѐахъиб. Жагъил лукѐайс илгъуна кумек саби хѐяжатсира.

### НУ РЕДАКТОР РИРУХѐЕЛИ...

Итди дусмазир ну Дагъиста «Учпедгиз» издательствола дарган мез- ли дуракайути жузала редакторли рузусири. Лукѐутас хѐябилра къиянти замунти дирутири итхѐели. Жагъил лукѐанти гѐеббуцес ибти ахъли ду- рути гѐай дири, амма нушала халахартала баркъудлума ургѐертири. Жуз дурахѐеибси писательтала Союзла члендешлизи урцуси ахѐенри. Писа- тельтала Союзла член ахѐенсила жуз дурахѐейусири. Хѐебалас илгъуна баркъуди чили сабрил пикрибарибси. Я цацабехѐ адамтали ахѐенси жузра дурахѐейулри. «Дагъучпедгизла» программализир школабала дурхѐнас жузи дурайутири, гѐур ца халали ахѐенси къадарла художественный жу- зас хасбарибси печатный листра лебри. Редактор сарси набзиб ихтияр лебри лукѐантала жузи кадерхахъес плайзи. Союзла член ахѐенсила ила каберхахъес главный редакторли ва директорли хѐебалтулри. Илдачил гърли-марли жагъилти гѐеббуцахъес рургъесряхѐира ну, нура жагъил лукѐан сархѐели. Ну хѐянчиличирад урасесра бири илдани, дила чѐумали каризниличи кършили. Гѐур секъяйда жагъил лукѐанти лябкъутив лите- ратурализи, илдала жузи дурахѐедухъалли?

Сен-биалра ну бажардирикира Ибрагъимлара цархѐилталара бел- кѐани дучили, цахѐнабси сборниклизи кадерхахъес ва жуз дураэс. Ила- лацун ахѐенри ну цаибти жузи дураэс бекѐриубси. Мяхѐяммадшапигѐ Бяхѐямгѐялиевлисра, Къасум-Бег Мигърабовлисра кумекбарира. Наб, ре- дактор риъни багъандан ихтияр гибсири дила жуз планнизи каберхахъес. Нуни дила назмуртала печатный лист бутѐира ва гъанбушибтала жуз гъарилла дуракаира. Ит замана гѐяхѐси гонорарра гонорра лугусири.

– «Хѐу духуси ахѐенри, – викѐусири бекѐ редактор. – Илдас хѐед са- биркуси гонорарра бутѐес чевкър».

– Иличира ну къабуллира, илди студентуни саби, – ира.

Гѐе, ну гър шайзирад хѐядурсири жагъил лукѐантас кумекбарес. Гѐай- гѐай, гѐяхѐцад дусми ардякъи диалра, Ибрагъимли ил дила баркъуди хъ- умуртули ахѐен, гъаннара гъанбурушули вирар. Нуша, жагъил лукѐанти шуцѐали дус диубхѐелира писательтала Союзла члендешлизира хѐеду- цили, инжитдирахъутири. Вегѐла арцлис жуз дурайуси гѐядатра лебси ахѐенри итхѐели. Гѐе Ибрагъимла творчествола гѐуйчиб гѐяхѐити адаптира узидешла някъ гъабурцутира кършибиркутири, сайра гѐяхѐсихѐели ва пагъмучевсихѐели.

## КШИШАНТАЧИЛА

Нуни кшишантала халаси хлурмат бируси саби, сенкун илдала шилизибад саби дила Хъярбукла шилизи аркбуси гъуни. Ламуслис хъярхъти, гЯхЯлдешлис бурибти, уктемдеш агарти гЯдатла халкъ саби кшишанти. Чумра хъярбукай дуги беркИиб илдачиб, сенахIенну гьалар машинаби лерти ахIенри архIяличи башутас. Гъунчив вамсурси, вархIбси адам хъурахIерили илдани чула шилизивад шалгIевухъахъес валтуси ахIен, чи виалра.

Дила ца гъанбик: дила кулпетра нура рузила уршила мекъличи аркбуси замана, кшишала катруглизиб машина букъбуун. БекIлил нушаб гъа-нагартти, хIебалутти адамти музабухъун, кумекбарес, амма бархIи ахъиб. Янила заманари нушачи чула хъалчибад хIеркабикIутти адамтани дуги беркIахъес ардукира ва гIергъила бархIи гъунирдатурра. Чумра илдигъунти анцIбукъ гIурра диуб. Дила шилизир машиналичи аркбуси ну ду-ракарухъахъи чудна рахи, гъунирратурра нуни бекIлил хIералуси хъунул адамли.

Кшишанти игъбарла адамти саби, чула шилизив писатель, журналист левни багъандан. Сенкун чучила гЯхIцад очеркуни делкIун Ибрагъимли ва гIурра лукIес даимиубли сай. Сецад делкIалра, гъарил кшишан лайикъси сай гапличи или гъанбиркули саби наб. Сунела учительницабачила Ибрагъимла белкIани дучIухIели, адам паргъатли валтули ахIен. ХIяз-лис ахIенри Ибрагъим Россияла журналистунала Союзла член виъни, ва «Мургъила чIака» премияличи лайикъкибсира.

Ибрагъим хабуртицун делкIи паргъаткайруси писатель ахIен. Чедибра буриливан, сунела шантачила, дурабти узи-уршиличила, гЯхIти адамтачила очеркуни делкIун. ГЯхIси адам чеили, илала бузериличила, адамдешла къиликъуначила белкIи гапварибхIели, дуклумачив ахъирусси сай. Дагъиста гъарил районнизиб хIябилра бахъал гапличи лайикъти адамти леб. Амма илди цацахIели чилилра чехIебаили кавлули саби. Ил шайчиб кшишантас игъбар биуб. Ибрагъимла саркъибси хIерли гЯхIси баркъудила адам чехIеили хIелта. БикIули бирар: «ВегIла шилизив ид-баг вируси ахIен» или. Кишантани ил бурала букъбуун рикIасра набчил илди жалхIебирхъур, сенкун илдани Ибрагъимла къимат пахру бирули саби.

Мисаллис: Кшишала шилизир кIел школа лер. Чумал дус гьалар школа-ла директорли МяхIяммад Ибрагъимович узухIели, дила творчестволис хасбарибси вечер дураберкIибсири. Ила школьникуни, илдала бегIти, шанти цалабикили, ил гЯдатла гъунибаъни байрамличи шурбатурсири. Къанси замана бикайчи булхъули, далайбикIули, букули шаладиркухIейс хъайгIи чардухъунтири.

Наб тамашабизурси цархIил секIал сабри. Гъарзаси школала жанахIла ца бяхI Ибрагъимлис ва илала творчестволис хасбарили саби. Илала халаси суратра, гъар дурабухъунси жузра, Ибрагъимла духути белкIаназирад касибти пикрумира делкIи, стенд баршилри ил бяхIлизи. ГЯхIцадхIи ну ила хIеракIира Ибрагъимла пагъмулис кIиибил бяхIра пайдалабарили бургар ибси дила гъанбикра бархъсили уббухъун. ХIебиалли Кшишала шилизив лев игъбарла адам.

Дила гІямрулизиб наб мурталра диргалабулхъуси адамтала къясдеш сабри гъалабра гъаннара. Камсилра секІал гъарбизалли, илди къаршикарти багъарбулхъули саби. Наб гъанбиркусири, жагъси замана зилантала дирути сари илди пишни или. Гъаннара диргалабикІути камли ахІен. Урус мезли дила «ЧердикІибти» жуз дурабухъун гъалабван, илизир лер дурхІнас хасдарибти назмурти, чусра Москвала ва 8 дурала улкала писательтани чихъси къимат кабатурти ва халкъани ургабси «Филантроп» премияличи лайикъдикибти. Критиклизи халируси ХІ. НурмахІяммадов бикІусили газетализи макъала белкІун, дила «ЧердикІибти» халтура саби или. Сунезиб цархІил секІал белкІес дагъри ахІедаибси, сай акІубла цалра назму я хабар белкІес хІейубси ва хІебалуси ялгъан критики. Ил ГІямарла Батирай булан поэт ахІен викІули сай. Илдигъунти критикунани цацабехІтала уркІазиб изала алкІахъули бирар, лукІусила гъав бубкІахъули. Амма къас-къасли бархъаначи гъуни кавдусилис селра диргалабухъес хІебирар. Илдигъунти критикунира гъундурачиб адамтас диргалабулхъуси къаркъагъунти саби Ибрагъимра илдигъунти критикуназивад азадси ахІенри.

Гъайгъай, Ибрагъимла белкІанас чихъси къимать лугутири С. Рабадановли, даргала секцияла руководитель Р. Рашидовли, ГІяхІмадхан Абу-Бакарли, Арбен Къардашли ва цархІилтани. ГІур къанниван ил Россияла писательтала Союзла члендешлизира уциб. Ибрагъим сархибтачив тІашхІейзур. Чуйнара шимала, шагъуртала учительтани ученикуначил гъунибаъниби дурадъркІиб, писательла гъамадли ахІенси къияннис къимат кабатур. Ибрагъимли дарган мезли ахІи, урус мезлира делкІун сунела произведениеби ва дуракаиб. Илала творчестволис къиянбулхъуси ца секІалра леб. ИмцІаливан писательти МяхІячкъалализиб хІербирули саби. Илдачил гъунибаъниби детурхули дирар писательтала Союзлизира. Секциябачир сагати белкІани хІердиру, сагати жузала презентацияби дурадуркІу, Шилизибти писательтас гъар замана ила бакІес ва бутІакъяндеш дарес имканти диули ахІен. Чула къайгъначибли бажардибиркули саби жузи дуракаэсра бучІантаци илди даахъесра.

## ШКОЛАЛА ГІЯМРУ

Ибрагъимли сунела къайгънира вирусигъуна цІакъра, лерил гІямрура школала дурхІни руркънилис илдас багъудлума лугнилис харждирули сай.

ДГУ таманаибхІели ил шагъарлизив кахІелун. Ибрагъим, сай учІули левай учительла санигІят касес, сунела шила дурхІнас багъудлума дедес ибти пикрумани валтули ахІенри. Шилизи чарухъун. ВеГІла шантас багалавиэс, шиличила ва шантачила къайгъни дакІударес ибти, учительла пикрумачил. Учитель дурхъаси у саби, ил балусилис.

Пагъмурта бицІибти дурхІни гъар бархІи чебиэс, илра талихІ ахІену учительла? Умуси кагъарлизи се, белкІадра, ил бардалира кахІевду. Илдигъунти саби дурхІнира.

Школализи вакІибхІейчибад Ибрагъимли дурхІнас «Цандалай» бикІуси литературала кружок акІахъуб. Чула гъалавла машгъурси гІялим, философ ва далайчила, чеу саби ил. Литература дигути дурхІни, ил кружокла бутІакъянчиби бетаур, лукІес бехІбихъиб. Чула цаибти назмурти,

хабурти дархъиб нушала «Лачиннизи», «Шила гѣмру» газетализи, «Заманализи». Учителъла къайгъни дугѣли архѣядякъун. Патѣимат Хусруева-ла ва царѣилти учителъла кумекличил бучѣантала белкѣаначилти жузи дурадухъун. Бусягѣтра бузули саби ил кружок, бахъбикѣули саби лукѣанти ва бучѣанти.

Ибрагъимла бучѣанти чуйнара шимала районтала ва республикабала конкурсуначиб бутѣакъянчиби бетаур ва дипломти сархиб.

Нушала «Лачиннара» марти гъалмагъуни саби Ибрагъимла ученикуни. Илдала белкѣани иштѣхѣличил кадирхъулра нушани. Илдас къимат лугути кагъуртира дашар.

Ибрагъимли гѣмрура дагъур, гѣхѣцад дурхѣнира гѣмрулизи гъуниб-батур. Учителъла дурсри багаладиуб гъарил биркъу-балтусилизир. Сай вегѣти багъуддумачи дурхѣнасван, дудешлира, учителълира ветаур ва багъуддумачи бегѣбариб. Шилизир гѣмру шагъарлизиртигъунти хѣдирар. Баралра хатѣаикадли дягѣли гъайдарибти хъасаван, ил хатѣа хъали-хъайгѣи биур. Ил багъандан шилизив хѣериъни, миъартѣибси гъуни кахѣейкили ахънигъуна саби. илгъуна чекайзурси писатель ва пергер учитель сай Ибрагъим Ибрагъимов.

Духуси учителъли – сунес гѣлабад биду дурхѣнира. «Дурсрачи диги адикъес багъандан, ва учителъла хѣурмат калахъес багъандан дурсри дурхѣнас дигестили, анцѣхѣдукъестили, диэс гѣягѣнити сари. «Учителълис вамсес ихтияр лебси ахѣен» – илкъяйда викѣар Ибрагъим Бяхѣяммадович.

Санигѣят декѣарбирахъесра дурхѣнала бегѣтачил барх илини хѣянчи дурабуркѣули сай. Чидил селизив цѣакъсил, сегъуна къас лебал дурхѣяла, илис кумекли виэсра къайгъназив вирар. Мурталра сагасилигѣив дурхѣнас белкѣудилизир сагакъянчидеш дирес багъандан, учителъра сагасилигѣив умцѣуси сай. Ил багъандан Ибрагъим лебил Россияла учителътала «Багъуди» бикѣуси конкурсличив чедикиб. Россияла ва Дагъиста «Дусла учитель» конкурсличивра чедикиб.

Илини Дагъиста ва Россияла культурала, искусствала дурсри дурхѣнас кадирхъули сай. Сай акѣубси Кѣишала шила история бяркъес далил-тагѣив умцѣули сай.

«Пергер учителъли, пагъмукар писателъли, илала дурсрала асарли нуша уркѣичердирира, гѣмрулизир гѣхѣти гъундурачи дураира. Нушала шантала, дурхѣнала игъбар саби илгъуна учитель левни. Илис мурталра, нуша, дудешуни ва нешани детаурхѣлира, дулгулра», лукѣули сари Патѣимат Хусруевани.

«Нуша дура хѣердирути, Ибрагъимли дучѣахъули калунти, бусягѣят дудешуни ва хала дудешуни детаурти, гъаннара шилизи дакѣибхѣели, тѣп диштѣахѣеливан нушала пергер учитель Ибрагъим Бяхѣяндович чеэс, гъалакдикѣутира», – бикѣар М. Гѣялиев. А. Амирханов ва царѣилти.

Ибрагъим ишдус 60 дус вируси сай. Ил нушала «Лачин» ва «Гъалмагъдеш» журналтала гъарли-марси гъалмагъ сай. Илала белкѣана журналти дигестили детарахъули сари бучѣантас. Нушала журналтачи уркѣиизуси писатель сай. Гъар дус илини журналти къулбасдиру, дурхѣназира дирахъу.

Дерхъаб, Ибрагъим, хѣела гѣмру, берхъаб хѣела кулпет, арадеш булгулра хѣела гѣмрула марси, сабурчерси Рукъиятлисра, хѣела дурхѣнасра, дурхѣнала дурхѣнасра!

60 дус гѣурра деркѣаби хѣуни!



# Фольклор

Гябдулкъадир  
МЯХИЯММАДОВ



## БУРАЛАБИ

МехIур давлаличи хьуликIар, духуси – багъудиличи.  
Чемла бемжурси хIева саби.  
ХатIа агарси юлдаш варгес умцIуси юлдаш агарли  
кавлан.  
Дурала мерлав юлдаш-умутла къала сай.  
Гялим ветасичив адам ветас къиянни бирар.  
Шинжирти, мургъила диаллира, декIли дирар.  
Духуси уршила неш хIерисур.  
ХIулби – уркIила дяхIимцIала сари.  
Гъаргси – къачагъунанира хIелутIа.  
Гъариллис цуг-цугли дий бутIес къасапчилира хIейрар.  
Узбала къимат бала къияндикибхIели, бегIтала дурхIни  
акIубхIели.  
ГяхIял гушли малтад, дебали велкъахъесра къасмабирид.  
Сай – виштIаси, кисми – халати.

## ХИЯБКУБТИ

**К**ъапIалиуб ши дихIян  
ХункIлиуб шанти бихIян  
Гумайла къаркъаличиб  
Диван чIумаси биркъан.

\* \* \*

КIел къулла къаршидикаб  
Ца шинна, ца шарабла,  
Шинни урчи бужахъес,  
ХIу шарабли ужахъес.

\* \* \*

Нушачи гIяхIли башар  
Шараб держес, шин держес,  
ХIу ахIенси вакIхIекIиб  
Шарабла хIулби держес.

\* \* \*

ХIябкубтира панандиь  
Я пайдала хIедиуб,  
Кагъуртира харабдиь  
Я хайрила хIедиуб.

\* \* \*

Цуб арцла цѝцѝмкала  
Ардякъун пархарцурли,  
Ва дила арцла хѝабкар  
Кагѝиб хъанцѝ урхъулизи.

\* \* \*

Чихъ зубрала шалал бац  
Шалали шалал вара,  
Дила къабул гъалмагъла  
Хѝулбала шала вара?

\* \* \*

Чикъдитѝун ахътерекван  
Дархъли дакѝиб чархла вегѝ,  
Мазгар зянкърилаван  
Зайдикѝул тѝамала вегѝ.

\* \* \*

Шишимайла шан гежба,  
Мабужуд жярга шинни,  
Я ишбархѝи я жягѝял  
Балхарину шарабли.





**И. Ибрагимов** ўқитишга шиколала дурхўначив

ISSN 0235 - 0149

Индекс годовой 31176  
Индекс полугодовой 73892

